




WANTOK

Great Quality

Affordable Price



Niuspepa bilong yumi ol PNG stret!

Wan Wik,

Novemba 25 - Disemba 1, 2004

NAMBA 1584

K1 tasol

OL PIKININI NA OL SUMATIN! ALARING KOMPETISEN! I stap insait!

Dispela Kompetisen bai go pas wantaim INTERNATIONAL CHILDREN'S DAY 2004

Gutpela ol prais long winim!!

Ol Goroka pretim pasindia long haiwe- p6

Ol nius long ovasis- p 16-17

AIDS insait long marit

Maisan Pahun i raitim

Wanpela ripot i kam long Wol Helt Ogenaisesen (WHO) i tok lukaut olsem planti nupela HIV binatang i wok long kamap insait long ol marit laip. Planti taim ol man i save givim dispela sik bilong HIV AIDS long ol meri bilong ol.

Dokta Shigeru Omi, WHO rijinol dairekta bilong Westen Pasifik i tok ol meri i gat 2 o 4-pela sans moa long kisim dispela sik nogut. Ol marit meri long kantri olsem Kembodia long Vietnam na Tailen husat i gat wanpela man tasol nau i soim sain bilong kisim dispela binatang bilong HIV. Dispela em bikos ol man i save baim ol narapela meri long mekim pasin pamuk, kisim drak i go insait long bodi bilong ol na slip nabaut wantaim arapela man.

Planti bilong ol dispela meri husat i gat binatang bilong HIV i no ol meri bilong raun raun nabaut wantaim planti man. Ol man bilong ol i save go raun na kisim long ol narapela lain na bihain taim ol i slip wantaim meri bilong ol nau em ol i givim dispela i go long meri na famili bilong ol, ripot bilong WHO i tok.

Esia i gat mak bilong dis-

pela sik i sanap olsem 10% pesen namel long ol meri long las 2 yia i go pinis. Nau long wol planti meri i kisim dispela sik na i winim namba bilong ol man na dispela numba i wok long go antap moa yet.

Dokta Omi i tok tu olsem planti liklik meri krismas bilong ol i namel long 15 n 24 i gat bikpela namba tu bilong dispela sik bilong HIV we i kamapim bikpela namba long wol. Na long ol yut bikpela namba bilong ol yangpela i gat dispela sik em ol meri.

Wol AIDS De i save kamap long namba wan de bilong mun Disemba olgeta yia. Na dispela yia 2004 namba wan toktok long Wol AIDS De em long tok Inglis i tok "Women, Girls and HIV and AIDS" na singaut long tok inglis i go olsem "Have you heard me today?" (Ol mama, yangpela meri na HIV na AIDS. Yu harim mi tude o nogat?)

Long stopim dispela sik long i noken i go bikpela moa yet namel long ol meri em Dokta Omi i tok ol meri i mas save long raits bilong ol we bai i gat luksave long helpim long stopim ron bilong HIV binatang long PNG.

I go moa long pes 2



(lephan) Hon Roger Berry palamen memba bilong Britia ol i kolim (British house of commons), Gavana Ian Ling-Stuckey, David Gordon Macleod em British Hai Komisina na Gerson Rabana Deputi Gavana.

Tupela Britis lida i bin kisim nem olsem maimai bilong lunganga kien long Nu Ailan provins.

SPEND K50 AT BRIAN BELL AND GO INTO THE DRAW TO


WIN a KIT HOME

& K6,000 BRIAN BELL SHOPPING VOUCHER

PLUS

6 WEEKLY SHARP PRIZES TO BE WON!

MAJOR DRAW DECEMBER 23rd 2004



KWIKBUILT LOW COST KIT HOME KB2-35 LOWSET 2 BEDROOM HOUSE

Brian Bell
Shop with a friend

Polis Ripot

Nesen:

POLIS Rivyu Komiti i painimaut olsem planti polis manmeri i no fit bikos ol i no wokim eksasais bihain ol i lusim Polis Trening Kolis long Bomana. Ripot i tok dispela mekim na sampela i nogat bikpela laik long wok na em i pulim i go daun wok bilong polis fos.

Olsem na komiti i tok ol polis opisa i mas wokim fisikel fitness tes long lukim olsem ol i fit na stap gut long karimaut wok bilong ol.

Komiti i tok olsem ol dispela i no wokim gut long tes em ol i mas ritai a malolo long wok. Komiti i tok i moabeta ol polis fos long PNG i bihainim samting ol Fiji polis i mekim na dispela em long wokim tripela fisikel tes. Na sapos ol i no wokim gut long namba tri taim, ol bai ritai a.

Ripot i tok tu olsem i gat planti polis man husat i wok longpela taim tumas na planti bilong ol dispela em ol i lapun pinis na i no moa fit long wok.

Ripot i tok i moabeta long ol i pinisim ol na putim ol nupela na yangpela man long kisim ples bilong ol.

Kokopo:

OL polis long Kokopo i holim pasim na sasim tupela yangpela husat i bin bagarapim wanpela meri klostu long Ralum Golf Klub las Fraide.

Polis ripot i tok ol bin pretim meri wantaim naip na bagarapim em. Na bihain em bin putim ripot i go long polls.

Ol trafik polis i bin ripotim tu wanpela eksiden i bin kamap klostu long Butuwin Helt Senta las wik. Wanpela ka we wanpela meri Bogenvil i draivim i bin bam wantaim wanpela daina trak Ne Beker i papa long en.

Pasin bilong bagarapim meri i wok long kamap bikpela long planti hap bilong kantri na komyuniti i mas wok bung wantaim long stopim.

AIDS insait long marit

...I kam long pes 1

Long Novemba 25 i go long Disemba 10 olgeta manmeri long wol bai kamapim bikpela wokabaut o mas long stopim pasin bilong patim ol meri.

Olsem na planti oge-naisesen o grup husat bai wokim ol dispela wokabaut insait long dispela 16 de olgeta i tok dispela yia ol bai mekim ol samting bihainim ol pasin tum-buna na kalsa na toktok strong long tambu long man i patim meri.

Kalsa i no isi long luk-save, tasol em i gutpela bikos kalsa i save senis olgeta taim. Ol man i save kisim biknem long ol wok na bisnis insait long Papua Niugini bikos ol i save sapotim bilip na pasin we i kamapim birua long ol meri.

Namba wan toktok bilong dispela yia kem-

pen em long tok inglis i tok "PNG MEN AND YOUTH SAY NO TO VIOLENCE". Long tok pisin bai yumi tok "PNG man na yut i tok nogat long patim meri".

Dispela ol samting bai kamap bikpela bikos Novemba 25 em Intanesenel De bilong tingim pasin bilong bagarapim na birua long ol mei we ol i kolim long tok inglis olsem, violence against women na Disemba 10 em Intanesenel Human Raits De.

Wanpela non gav-man oge-naisesen, Consultative Implementation and Monitoring Council (CIMC) wantaim Family Sexual Violence Action committee bai kamapim wanpela so long Sir John Guise Stadium tude long Pot Mosbi.

Smok i karamapim yet Manam Ailan

Michael Novingu i raitim

BIKPELA blakpela smok na das i wok long pundaun yet long Manam ailan maunten paia stat long las wik i kam inap nau. Dispela i bagarapim tru ol pipel bilong Manam ailan.

Mak olsem 3000 pipel bilong ol ples olsem Kuluguma, Boda, Baliau, Abaria, Kolang, Bogure Wan na Tu na Yasa i kisim bikpela bagarap tru long wanem win i karim das na hot wara i kam daun long sait bilong ol.

Bogia distrik edministreta Nigel Mes i tok olsem ol pik, dok, kakaruk tu i kisim bagarap na wara bilong dring i bagarap long das na i no moa gutpela long dring, kukim kaikai na waswas. Dispela das i sut strong tru i kam long sait bilong bipleles Bogia tu we ol tu i kisim taim nogut.

Ol lain i save wokbung wantaim long lukautim ol lain i kisim bagarap i holim wanpela miting long dispela wik Mande na paitim toktok long painim rot bilong kisim ol pipel i kam aut long gutpela hap long Bogia long lukautim ol.

Provinsel Edministreta Robert Yass i

tokim ol memba olsem dispela em i bikpela hevi na yumi mas hariap long rausim ol i kamaut long gutpela hap long sindaun.

Sapos mipela i no helpim ol, husat bai helpim ol. Ol dispela lain ol i pipel bilong mipela na mipela i mas hariap long givim helpim long ol, Mista Yass i tok.

Long bung ol i wanbel na makim Daigul Helt Senta long Bogia we em i gutpela hap ol i ken i stap. Dispela hap em i graun bilong gavman we bai i nogat hevi bilong graun bai i kamap.

Ol memba i wanbel olsem ol bai i stap 6-pela mun tasol inap ples i kamap gut bai ol i mas i go bek long asples bilong ol.

Ol Katolik Sios long Bogia i tok ol i laik helpim long givim plentesen graun bilong ol, tasol i nogat gutpela tok orait i kam yet, distrik edministreta Mista Nigel i tok.

Long bung ol memba i makim wanpela spesel komiti long karimaut wanpela wok-painimaut long dispela hap Daigul we i mas i gat gutpela wara bilong dring, gutpela ples bilong i stap, ples bilong toilet na ol arapela samting ol pipel i ken yusim na

i no inap long kisim sik. Ol dispela komiti i gat wan wik long karimaut dispela wok na toksave bek sapos ples i orait long muvim ol i kam sindaun long en.

Wok bilong muvim 3000 pipel bilong Kuluguma, Boda, Baliau, Kolang, Bogure na Yasa bai stat long namba wan wik bilong mun Disemba, 2004.

Long wankain taim, bosman bilong Disasta na Emejensi senta long PNG Kenel Eric Ani i givim Provinsel Emejensi na Disasta komiti bilong Madang mani mak olsem K31,000. Dispela mani i kam long Gavman bilong Saina we ol i helpim ol pipel bilong Manam.

Em i tok tenkyu long ol na i askim ol komiti long putim dispela mani i go long lukautim ol pipel bilong Manam.

Wok bung wantaim, bungim tingting na save em bikpela samting we bai kamapim gutpela wok, em i tok.

Yumi mas toktok long ol lain i kisim bagarap bikos ol i stap long hevi na wari. Olsem na mipela i mas traim long bringim tingting bilong ol i kam bek long kirapim gutpela sindaun gen, Kenel Ani i tok.

Ol sumatin gat nupela program


Augustine Wamugl i raitim

SKUL bilong Netsrol na Pisikel Saiens bilong Yunivesiti ov Papua Niugini (UPNG) i kamapim wanpela program bilong sumatin bilong en, ol kolim "wok eksperiens program" dispela em wanpela nupela program ol i bin kamapim bilong ol sumatin. Em bilong go na wok wantaim wanpela dipatmen o opis bilong kisim sampela eksperiens.

Nau inap long 30 sumatin i stat wok pinis long sampela industri na Kemestri Disaplin i amamas long ol planti praivet kampani i kisim ol sumatin long wok wantaim ol. Em i gutpela long ol sumatin long skul na wok long holide.

Ol sampela bilong dispela bisnis husat i kisim ol sumatin em Colgate Palmolive Ltd, Department of Small and Medium Industry, Hargy Oil Palms Ltd, K.K.Kingston, Nesenel Kapitel Distrit Komisnin, Niugini Glass & Aluminum Ltd, Ok Tedi Mines na sampela moa.

Dispela program i givim gutpela helpim long ol sumatin na kantri tu. Ol sumatin husat stap insait long dispela program i gat gutpela sans long kisim save bilong wok, wok wantaim narapela, wok klostu wantaim ol pipel husat stap pinis long wok. Ol tu lainim long stretim ol hevi na kisim strong taim ol lainim arapela long klas. Dispela wok eksperiens program, Dokta Basil Marasinghe i go pas long en na advais o tingting em kisim long Kemestri Disaplin lida Dokta Peter Petsul na sapot i kam long ol memba bilong Kemestri Disaplin.



Makoma Pes...Dispela liklik manki i dai tru long lukim Makoma i pilai long ai bilong em stret. Boi ros i kisim win gut tru antap long hos bilong em na tekop long lukim Makoma. Foto: MAISON PAHUN



PNG mas kamapim kopi long mak bilong Japan

James Kila i raitim

I MAS i gat bikipela luksave na kamap bilong wanpela kain stendet o gutpela mak bilong spesolti kopi insait long Papua Niugini we ol fama i mas bihainim long kamapim gutpela kwaliti kopi na kisim gutpela mani long kopi bilong ol.

Dispela em wanpela bikipela toktok tru wanpela saveman bilong intanesenel kopi bilong Japan, Hidetaka Hayashi, i bin mekim las wik taim em i bin bung wantaim ol kopi groas na eksotas insait long Goroka, Isten Hailans provins.

Mista Hayashi em Eksekutiv Dairekta bilong Spesolti Kopi Asosiesen bilong Japan na em wanpela bikipela saveman tru bilong teistim kopi long wok na wok bilong em insait long dispela eria i bin stat long yia 1962. Em i stap memba tu bilong wanpela bikipela lain jasman bilong "Kap ov Ekselens" em intanesenel Tred Senta (ITC) i kamapim bihainim laik bilong ol

bikipela kopi rosta long wol. Dispela wokabaut bilong Mista Hayashi i kam long PNG em Japan Ekstenol Tred Oge-naisesen (JETRO) i bung wantaim Invesmen Promosen Atoriti (IPA) na Kopi Industri Koporesen (CIC) i bin kamapim.

Mista Hayashi i bin stap tupela de olgeta long Isten Hailans provins we em i bin lukluk raun i go long CIC Risets Institut long Aiyura na tu em i raun lukim sampela ol kopi estet long Kainantu eria.

Las Tunde, Mista Hayashi i bin go pas long wanpela woksop long Goroka we i lukim ol smogroas na ekspta i stap long harim ol gutpela toktok em i mekim long rot bilong kamapim gutpela kwaliti spesolti kopi na tu wanem kain samting em make bilong Japan i save laikim long kisim ol kopi bilong en long ovasis.

Bikipela skul toktok Mista Hayashi i mekim long dispela raun bilong em i go long goroka em olsem kwaliti bilong kopi i mas gutpela

long taim fama i planim kopi long gaden i go inap kopi i karim, ol fama i pikim kopi em i mas wantu tasol i go masinim long palpa. Em i noken larim kopi i stap wan o tupela de bihain na em i masinim na rausim skin bilong kopi. Ol dispela kain liklik samting i ken skelim wanem gutpela kwaliti bilong kopi bai kamap. Taim fama i kamapim gutpela kopi em i ken gat sans long kisim gutpela prais sapos em i wok bung wantaim ol narapela fama olsem koporetiv grup na salim kopi.

Dispela kopi saveman bilong Japan tu i bin teistim long maus bilong em yet sampela ol kopi bilong PNG em ol i bringim i kam long traim skelim kwaliti bilong ol insait long dispela woksop.

Insait long woksop bikipela toktok Mista Hayashi i mekim em olsem i gat narakain stendet bilong skelim 'spesolti' kopi. Dispela kopi em prais bilong em i antap moa long dispela kopi nau yet PNG i save salim i go long ovasis kantri olsem Jemeni.



Makoma i go bek pinis long las wik Sarere tasol ol pikinini i stori yet. Planti i bin gat sans long lukim Makoma i singsing na sampela i bin toktok na holim han bilong ol memba bilong Makoma ben. Wanpela liklik pikinini i laki tru long Pengani i sainim nem long han bilong em na tupela i kisim poto wantaim. Bihain pikinini ya i go long haus na askim mama bilong em long kisim nidel na mekim tatu long signesa bilong Pengani long han bilong em. Nau dispela pikinini i karim tatu bilong Pengani raun long han bilong em long PNG.

Husat em dispela Minista bilong Tokarara?. Ol memba bilong palamen i wok long singaut long vais minista bilong Tokarara na planti lain i paul tru long em wanpela nupela ministri o olsem wanem?. Inap long dispela memba i tokaut klia long ol pipel bilong em olsem em vais minista o nogat?

Dispela memba tu i tok ilektoret bilong em i orait pinis i nogat hevi moa. Em i mekim dispela toktok taim Oposisen lida i mekim toktok bilong em long bekim baset ripot bilong gavman long las wik. Sapos dispela ilektoret bilong memba ya i gat olgeta sevis pinis em rait ya. Planti ilektoret i sot yet long gavman sevis na developmen yet na i singaut yet long gavman.

Long greduesen bilong Pot Mosbi Nesenel Hai Skul long Trinde aste, ol papamama i paulim tru ol pikinini taim ol i singim nesenel entem song. Ol sumatin i go bilong ol yet na papamama i go bilong ol yet na musik bilong piano i go bilong em yet. Nogut ol papamama i rait na ol sumatin i abrus. Noken ting ol papamama i no save long singim nesenel entem. Ol bai winim yupela ol sumatin tu.

Taim bonde bilong ol pikinini i kam, papa i baim betde keik bilong ol pinis long dispela yia. Tasol tude (Novemba 25) em betde bilong papa na ol pikinini wantaim mama i paul bai husat tru i baim betde keik bilong papa nau. Sori Y2K ating bai yumi surukim betde i go sampela taim bihain. Em orait Hevi Betde long mi yet.

Rot long Gordens maket i go insait long Lepwing na Jabiru draiv i bagarap olgeta long ol huf long rot. Wankain olsem plentesen rot i go insait long gaden kopi. Gavman i save tok pipel yet i mas go pas long mekim samting na bihain bai gavman i kam na antapim. Tasol dispela rot i luk olsem sawol na kru bar bai i no inap stretim ya. Buldosa na greda bai inap. Sapos NCDC na memba i stap, opim ai na lukim.

Namba bilong ol AAP long PNG i go antap

Christina Tony i raitim

NAMBA bilong ol polis bilong Australia ol i kolim ol Australia Asisting Polis (AAP) manmeri husat bai i kam wok long Papua Niugini i go antap nau long 64.

Dispela namba i go antap bihain long mak bilong 29 polis manmeri bilong AAP i kamap long Pot Mosbi long Mande 22nd Novemba.

Ol sinia opisa bilong Royol Papua Niugini Konstabuleri (RPNGC) na Hai Komisina bilong Australia i welkamim dispela grup long Bomana Polis Kolis long dispela wik.

Dispela em namba wan grup bilong ol AAP long kam wok wantaim ol

polis bilong Pot Mosbi. "Mipela i amamas tru long tok welkam long dispela 29 polis manmeri i kam long PNG. Mipela lukluk olsem ol gutpela samting we i kamap long Bogenvil bai kamap tu long Pot Mosbi. Ol ripot we i kam long Bogenvil i soim olsem ol AAP long hap i wok gut wantaim ol RPNGC na ol gutpela samting olsem na ol wok na senis i wok long kamap." Polis Komisina Sam Inguba i tok.

Ol arapela 19 manmeri bilong AAP i wok wantaim polis bilong Bogenvil na 16 arapela i wok wantaim ol pablik seven long ol arapela gavman dipatmen olsem Fainens, Atoni Jenerel, Kot, Takis opis na arapela dipatmen long Pot Mosbi.

Spika laikim senis long lo bilong benk

Christina Tony i raitim

SPIKA bilong Nesenel Palamen na memba bilong Sinasina Yongomugl, Jeffrey Nape i tok tok strong long ol benk insait long kantri long senisim sampela polisi o lo bilong ol.

Dispela toktok i kam long Palamen opis bilong Mista Nape long Mande 22nd Novemba.

Em i mekim dispela toktok bihain long sampela memba bilong Palamen i bin go lukim em long sainim sampela pepa bilong luksave o mekim klia long ol memba we ol benk i laikim.

Mista Nape i tok olsem ol benk insait long kantri mas soim rispek long ol lida bilong kantri.

"Ol benk husat i wok in-

sait long kantri i noken lukluk long mipela ol lida bilong kantri olsem ol man nating," Mista Nape i tok.

Em i toktok moa olsem ol memba i save sainim ol luksave pepa bilong ol pipel bilong ol yet.

Sapos ol benk i askim ol memba long aidi kat bilong ol bai husat man i luksave long ol man i nogat aidi kat, em i askim.

Mista Nape i tok olsem ol manmeri bilong ples i save painim hat tru long go long ol benk.

Dispela em bilong wanem ol benk i gat ol hatpela lo tumas, em i tok.

"Planti ol manmeri bilong kantri i stap long ples.

"Na em i fani taim ol benk i save askim ol long aidi kat bilong ol," Mista Nape i tok.



Sios i bung...Ol sios bilong PNG i sanap wantaim na bung wantaim ol sios bilong Australia long pait agensim hevi bilong sik AIDS insait long kantri. Hia em (lephan i go long rait) Bisop Ayong bilong Angliken, Asbisop Sir Brian Barnes bilong Katolik na Bisop Dokta Wesley Kigasung bilong Luteran sios. Foto: JOE IVAHARIA

Noken salim Telikom, Somare i tok

Christina Tony i raitim

MEMBA bilong Angoram, Arthur Somare, i askim olgeta memba bilong Palamen long bung wantaim na tok nogat long dispela salim bilong Telikom PNG i go long Saut Afrika kampani Econet Wireless.

Em i mekim dispela askim long Palamen long las Fonde bilong wanem em i ting olsem Gavman i nogat ol gutpela privetisesen polisi. Na tu Independen Pablik Bisnis Koporesen (IPBC) i no karimaut ol dispela polisi bilong Gavman long stretpela we.

"Mi bin lukim sampela pepa bilong Telikom, IPBC na ol arapela kampani we i laik baim Telikom PNG. Na mi go tu long sampela ol miting, olsem dispela bung bilong Telikom na IPBC wantaim Ikonmik Ministrei Komiti long 21st Julai 2004 na 18th Ogus 2004.

Mi lukim ol dispela samting na mi ken tok nau olsem dispela bilong Gavman long mekim disisen i no go long stretpela we,"

Mista Somare i tok.

Em i tok tu olsem yumi nogat yet ol bekim bilong sampela askim olsem "long gutpela as na yumi salim Telikom PNG na tu long gutpela prais." Mas gat paitim toktok bilong ol dispela askim i kam long ol pipel na Palamen tu. Olsem na stopim pastaim dispela salim bilong Telikom.

Mista Somare i tok olsem em i luksave nau long asua bilong em taim em i bin Minista bilong Stet Entaprais. "Mi inap long painim moa rot bilong Gavman long bihainim long salim Telikom PNG na i no larim em bihainim wanpela rot tasol IPBC i bin givim," em i tok.

Mista Somare i bin givim mak olsem 17 askim i go long nau Minista bilong Stet Entaprais Dokta Puka Temu. Tasol Dokta Temu i tok olsem namba wan askim bilong em i go inap long 11 bai em i no givim bekim long ol. Bilong wanem Praim Minista Sir Micheal Somare bai givim wanpela Independen Ripot bilong dispela salim bilong Telikom we bai gat

olgeta bekim bilong ol dispela askim.

"Bai yupela i save sapos mipela i bihainim ol stretpela wei o nogat taim Praim Minista i givim dispela ripot," Dokta Temu i tok.

Wanpela bilong ol arapela askim bilong Mista Somare, em long Dokta Temu long tokaut sapos em na Siaman bilong Nesenel Eksekutiv Kaunsel (NEC) i larim ol wokman bilong Econet long painim sapot long ol arapela Minista insait long Kabinet.

Dokta Temu i tok ol larim ol dispela lain i kam long givim moa toktok long kampani bilong ol pastaim long ol bai mekim disisen bilong ol.

"Mi lukim olsem i orait long askim ol (Econet) long kam na askim sampela askim bilong ol. Na tu long toktok liklik long mipela long kampani bilong ol. Yumi mas gat gutpela save long ol kain samting bipo long yumi mekim ol disisen bilong yumi. Planti taim yumi save mekim ol disisen bilong yumi long ol toktok we i no save tru," Dokta Temu i tok.

Hap Hap Nius

Japan bai stretim Buin rot

Embeseda bilong Japan H.E. Katuso Yamasuita long Papua Niugini na Mista John Itanu Distrik Menesa bilokng Not Solomons provinsel gavman long Buin Distrik Edministresen i sainim wnapela grent kontrak long opis bilong Japan Embesi lokng Mosbi long dispela wik 24 Novemba 2004. Dispela kontrak bilong wokim na stretim ol rot insait long Buin ol i kolim Buin Fida Rot na dispela em wanpela bikpela sapat bilong Japan gavman tu long sapatim ol pipel bilong Bogenvil long kamapim ol wok na rot bilong ol long kirapim bek provins na stretim gut laip na sindaun bilong ol pipel.

U-Vistrak kisim fi long ol pipel

Kwik Mani bisnis bilong U-Vistrak i kirapim opis long Tonu insait long Siwai Distrik na kisim mani long ol pipel. Wantok Niuspepa i kisim ripot olsem U-Vistrak i wok long kisim K60 long wan wan man husat i pulumapim pepa o fom long kisim kompensesen mani long ol samting we ol bin lusim long taim bilong Bogenvil hevi. Antap tu long en, wanwan man i baim K15 fi long kisim paspbuk we bai U-Vistrak i putim mani i go insait long akaun bilong ol.

Siwai nau i gat nupela rot bilong salim toktok

Veronica Hatutasi i raitim

NUPELA kwik komyunikesen teknoloji o rot bilong salim na kisim toktok i kamap pinis long wanpela ples we i stap insait long rurel eria long Bogenvil.

Siwai distrik insait long Saut Bogenvil i gat sans long kisim na salim tok i go aut kwiktaim long ol narapela hap bilong ailan, kantri na wol

Dispela em long email sistem o rot long nupela teknoloji long kompyuta.

Ples Toitoi i stap long Korikunu eria long Siwai na stat yet long mun Jun long dispela yia, ol skul, helt, ol ogenaisesen, na NGO grup, ol bisnis haus na ol wan wan man i kisim bikpela helpim tru long email sistem bilong kisim na salim toktok, wokim ol bisnis na wok yusim email na Intenet sevis.

Peter Simili em Siaman na Presiden bilong Bogenvil Maikro Fainens Skim (BMS) i tok ol bin putim dispela Intenet na Email sistem long ples Toitoi bilong helpim em na ol woklain bilong em i karimaut gut wok bilong ol.

Na tu, em i hap long wok bilong kamapim gut komyunikesen na wok developmen bilong BMS na pablik husat i yusim sevis insait long Bogenvil, em i tok.

"As tingting long putim dispela nupela na hariap komyunikesen teknoloji long ples em long mekim

isi rot bilong salim na kisim toktok na mekim ol wok namel long ol BMS rijinel opis na ol stesen i stap longwe long ol distrik insait long provins.

Het opis bilong BMS na tu, bilong Presiden na siaman i stap long ples Toitoi na olsem ol i putim ol dispela nupela infomesen teknoloji sevis long mekim wok i isi.

Dispela em i namba wan taim kain nupela teknoloji i kamap long bus ples na ol pipel i kirap nogut na ol i amamas," Mista Simili i tok.

Em i tok moa olsem sistem i sevim tru ol bisnis, pablik sevan na ol arapela pipel bikos long sekim ol samting long beng na ol arapela hap moa, ol i save peim K200 long i go na i kam long Buka. Na nau wantaim email sistem, em i sevim ol.

Tu, ol lain husat i stap long ol arapela hap bilong PNG na wol i ken salim ol toktok long ol lain bilong ol long ples taim ol bikpela samting i kamap.

Em i tok long wankain taim tu, opis i givim ol arapela sevis we i helpim tru ol skul, haus sik na helt senta, ol bisnis haus na ol arapela ogenaisesen i wok long Siwai na ol arapela distrik olsem Buin na Bana.

"Mipela i givim sevis olsem potokopi, poto, VHF redio sevis tu. Tonu Provinsel Hai skul, Monoitu Praimeri skul, Tonu komyuniti skul, Monoitu na Tonu helt senta na Yunaitet Nesen Developmen Program

(UNDP) i kisim gutpela helpim tru long dispela sevis mipela i givim long email, intenet, potokopi na VHF redio. Na mipela i amamas olsem dispela sevis we i save stap tasol long ol taun eria i kam pinis long ol longwe ples olsem long Siwai.

Em i tok ol pipel i wok long save long sevis isi isi.

Em i tok ol teknisen na saveman wantaim VHF netwok long Goroka i bin go long ples Toitoi na putim VHF redio na Email sistem.

Em i tok opis bilong BMS long Toitoi i gat ol nupela samting olsem

ea kondisen, ol gutpela sia na tebol bilong wok na tupela PC kompyuta, printa na skena. Na em i olsem tasol ol opis long taun.

Em i tok sampela lain i kam long ovasis na i go raun long ples i kirap nogut tru long lukim dispela nupela kain komyunikesen sistem i stap long bus ples olsem.

"Wanpela profesa long Kembris Yunivesiti long Ingran i bin kirap nogut tru na em bin amamas long salim toktok i go na i kam long Toitoi na Ingran. Tasol globolaisesen o ol ples longwe i kamap olsem hap bilong wol i kamap pinis long mipela i stap long longwe ples na mipela i hat long bilipim tu ya," Mista Simili i tok.

Tasol em i tok dispela sevis i helpim tru long ol wok developmen na kisim Bogenvil i go fowet.

Amamas long Schnaubelt

OL PIPEL bilong Wes Kos Nu Ailan i autim bikpela tok tenkyu na amamas long man i makim maus bilong ol yut long Nu Ailan Provinsel Gavman Walter Schnaubelt long helpim resim mani bilong Panaras Helt Senta las wiken.

Helt senta ya i stap long Namatanai distrik na em i save sevim samting olsem 5,000 pipel i stap namel long Lafa na Ugana long Sentrel na Tigana Lokol Level Gavman eria. Na helt senta i wok long karimaut fan resing long kamapim mani long sapatim ol sevis sevis we i save helpim ol siklain na tu, long karimaut ol wok mentenens insait long dispela helt senta we i stap longwe long taun.

Mista Schnaubelt i bin go pas long wanpela fan resing i bin kamap long Novemba 20 na kamapim samting olsem K2,000.

Siaman bilong fan resing David Matapan i tok ol bai yusim mani we i kamap long fan resing Mista

Schnaubelt i wokim long helpim karim ol manmeri i gat bikpela sik long Panaras i go long Kavieng Haus sik. Tu, ol bai sanapim haus kuk bilong ol lain i slip long haus sik.

Mista Matapan i tok long dispela fan resing we Mista Schnaubelt i karimaut, ol bin wokim ol demonstresen long masel ats olsem Kyokushin Karate na ol kain stail moa olsem.

Em i tok ol pipel i amamas tru long gutpela tingting Mista Schnaubelt i gat long helpim helt senta bikos dispela em ples we samting olsem 5,000 pipel i save go long en taim ol i sik.

Mista matapan i tok Mista Schnaubelt bai skruim fan resing wok bilong em long helpim ol eria we i stap longwe long taun olsem lakana eria.

Mista Matapan i luksave na tok tenkyu i go long Nu Ailan Provinsel Gavman long sapatim Mista Schnaubelt wantaim sampela samting taim em i wokim dispela fan resing.



Bung gen na amamas ...Bogenvil lida Joseph Kabui na James Tanis i amamas long bung gen wantaim olpela na gutpela pren tru bilong Bogenvil em Pater Dario Monegatti husat nau i wok long Madang daiosis. Pater Dario i bin stap long Siwai long taim bilong bikpela hevi. Tupela yia i go pinis, em i lusim Bogenvil na nau em i stap long Madang. L-R: Joseph Kabui, Pater Dario (namel) na James Tanis. Foto: SIR PETER BARTER



Peim kompensesen long mipela nau

SINGAUT i go long ol timba kampani husat in wok insait long kantri na moayet long Nu Ailan provins long peim kompensesen mani long ol papagraun long ol bagarap ol i kamapim long ol rif taim ol sip bilong ol i save pas.

Nu Ailan Gavana lan Ling-Stuckey i mem dispela toktok long taim Hai Komisina bilong Briten David Gordon-Macleod i bin go lukluk raun long Nu Ailan wantaim wanpela Palamen memba bilong Briten Roger Berry long wiken.

Gavana Ling-Stuckey i tok em i kirap nogut tru na sem long harim long dispela grup bilong ol bikman long Ingran olsem ol i lukim samting olsem 40 o 50 ol bikpela diwai we ol bin tromoim na i sindaun long Stefan rif. Na dispela i bagarapim bikpela eria long rif.

Mista Ling-Stuckey i tok em bai painimaut tok klia long dispela samting long ol gavman atoriti we dispela i kam aninit long en na antap long dispela, em bai askim ol kampani i mekim dispela wok na kamapim dispela hevi long peim kompensesen na tu askim ol long tok klia dispela samting ol i kamapim.

Na tu em bai askim ol gavman atoriti i go pas long kain wok olsem long lukluk insait long dispela hevi.

Dispela wokabaut bilong Mista Berry na Gordon-Macleod i go long Nu Ailan provins i lukim ol lida bilong ples i mekim tupela i kamap maimai bilong Lunganga Klen long lemu Ailan.

Gavana lan Ling Stuckey na Deputi Gavana Gerson Rabana tu i stap wantaim na lukim dispela tumbuna pasin i bin kamap.

Papagraun wetim Gavman yet

OL PAPAGRAUN bilong Hidden Veli long Wau, Morobe provins, i singaut long Nesenel Gavman long kam sindaun wantaim ol long bung bilong kamapim wanpela bikpela agrimen o wanbel ol i kolim Memorandum ov Agrimen. Ol i mas sainim dispela wanbel pastaim long maining kampani i go het na mekim ol wok long projek.

Presiden bilong Nakuwi Asosiesen, Rex Mauri, i tokaut olsem faine! bung bilong toktok namel long papagraun, Provinsel Gavman na ol bikman bilong kampani i wok long go gut tasol ol opisa bilong Nesenel Gavman tasol i no stap insait long ol toktok na bung bilong ol we i mekim ol samting igo isi.

Mista Mauri i tok em i no amamas long ol opisa

bilong Nesenel Gavman long ino bin kamap long ol miting bilong ol we i mekim ol toktok i no kamap gut hariap. Ol bung bilong mipela i bin kamap gut tru long tripela mun i kam we mipela i karamapim plan-ti toktok na ol samting insait long dispela agrimen o MOA, Mista Mauri i tok.

Em i bikpela samting long ol opisa bilong Maining, Envaironmen na Konsevesen, Nesenel Plening na Treseri long kam long dispela las raun tebol miting long kisim save stret long ol toktok we i wok long kamap. Ol tu i ken mekim klia long mipela long ol ML na EIS i stap olsem wanem long dispela projek, Mista Mauri i tok.

Presiden i tok ol i kamap gut wantaim ol toktok bilong royalti, kompensesen agrimen, wok na tren-

ing, bisnis divelpmen plen na saplai na ol arapela samting we i go wantaim dispela projek.

Mipela i wetim Gavman long tokim mipela long Takis Kredit Skim, Spesel Sapot Grent, Ikwiti, Pablik Investment Program na arapela divelpmen program we i mas stap insait long MOA, em i tok.

Prais bilong gol long wol maket i go antap nau na kampani i laik go het long wok taim gutpela prais i kamap, Mista Mauri i tok.

Mista Mauri i tok em bai kisim sampela lain mausman na ol lida i go long Mosbi long dispela wik long toktok wantaim seketeri bilong Maining Kuma Aua na Minista bilong Maining, Sam Akotai, long wanem as na ol i wok long isi isi long pinisim ol toktok na dispela MOA bilong ol.

Hap Hap Nius

Birua bilong pait

Pait namel long tupela hauslain long Sialum, Morobe provins i kilim wanpela man na bagarapim pikinini man bilong em. Pait i bin kirap long graun bikos namba mak bilong ol pipel long hap i go antap tru.

Mekimsave wantaim mambu

LAS Fraide 36 manmeri i bin pinisim skul long we bilong wokim sia, tebol, bet, haus na ol arapela samting wantaim mambu. Ol manmeri husat i sindaun long dispela skul o trening i kam long Lae, Mt Hagen na Madang, na i kisim trening long Amron Ples Laip Skul. Ol soim wok bilong ol long moa long 200 manmeri long haus tumbuna long Madang.

Dispela skul i trenim ol ples lain long wokim ol samting long mambu we ol i ken salim na kisim mani long lukautim ol yet na kamapim gutpela sindaun insait long komyuniti bilong ol. Dispela i namba wan taim kain trening i kamap long Papua Niugini aninit long sponsa bilong CUSO PNG na Nu Silan AID, as tingting we bilong lainim ol ples lain long kisim save i go bek long ples bilong ol na lainim ol arapela long kamapim gutpela sindaun.

Kingsley helpim Kranget

Michael Novingu i raitim

MOA long 500 manmeri i bung long Forum Pak long Madang long opim Kranget Ailan Gaden sit las Sarere.

Dispela program em ol pipel i laik bringim wara, pawa na telepon i go insait long ailan bilong ol long singaut bilong long ol bisnis haus ol arapela grup olsem Non Gavman Ogenaisesen (NGO) na gavman long helpim ol.

Kranget Ailan i nogat gutpela wara bilong dring na kukim kaikai na tu i nogat lait.

Dispela projek em ol pipel yet i kirapim long tingting bilong ol yet na mani mak olsem K550,000 ol i mas kamapim long bringim wara, lait na telefon i go insait long ailan bilong ol.

Dispela singaut bilong ol i pundaun long gutpela iau bilong memba bilong Madang Alois Kingsley we em i stap na tokaut long ol pipel olsem em bai helpim ol long mani mak olsem K150,000. Em i gimim pinis mani mak olsem K100,000 i go long PNG Power long karimaut dispela wok.

Kain projek olsem yupela i kamapim em i namba wan taim bilong ol pipel bilong Madang. Yu i noken wetim gavman long gimim yu mani, yu mas statim pastaim, bihain yu askim gavman long helpim yu, Mista Kingsley i tok.

Mista Kingsley i tok

moa olsem em i sem long i kam sanap long dispela bung na lukim i nogat pawa na wara long Kranget ailan. Madang taun i stap long graun bilong yupela ol Bel pipel na dispela sevis yupela i no kisim, i no luk gutpela tumas.

Em i singaut i go long woking komiti bilong dispela projek long wok bung wantaim em na lukautim mani long bringim sevis i go bek long ol pipel.

Long wankain taim tu, Siaman bilong Ailan Divelopmen Komiti Mista Mathias Dum i tokim olsem mipela i laikim sevis long wanem planti ol turis na ol arapela manmeri i save kam raun lukluk long ailan bilong mipela na sindaun bilong mipela i no gutpela. Dispela graun o wol i wok long senis na mipela tu i laikim sevis long i stap wantaim senis.

"Mipela i statim pinis fan resing pinis na nau mipela i laik askim ol bisnis komyuniti, NGO na gavman long helpim mipela long kirapim dispela projek bilong mipela long i go het.

"Lait na wara em i bikpela samting long 346 sumatin, 12-pela tisa, 5000 manmeri long Kranget ailan long gutpela helt bilong ol pipel bilong mi.

"Ol dispela sevis bai helpim gut ol long mekim gut wok bilong ol na kamapim gutpela sindaun, Mista Dum i tok.

Want a RCR, VCD Hi-Fi or DVD Hi-Fi System! Have it!



ENZER HI-FI 308 #202895
VCD/MP3 Mini Hi-Fi Sistem
1200 W PMPO • VCD/CD pleia
• MP3 pleim bek • stereo radio tuner
• karaoke mikrofon

K25 LONG FOTNAIT
K579 DINAR PRAIS
K499 KES PRAIS

K1 DOWN

FREE GIFTS



PHILIPS FW-D596
DVD Mini Hi-Fi Sistem #202920
• 3300 W PMPO Pawa
• i ken senisim 3-pela CD
• long 30-pela awa inap pilaim ken MP3 musik • 3 wei spika na mex beis pot wantaim oto pilaim ken

K97 LONG FOTNAIT
K2,849 DINAR PRAIS
K2,299 KES PRAIS

FREE GIFTS

OVER K600,000 TO BE WON



PHILIPS FW-V355 #202865
VCD Mini Sistem
• 1500W PMPO PAWA
• CD/VCD/CD-R/CD-RW/MP3 pb
Bipo Kes K1,795

K55 LONG FOTNAIT
K1,379 DINAR PRAIS
K1,199 KES PRAIS

FREE GIFTS

PHILIPS FW-VD750
DVD Hi-Fi Sistem #202919
• 3300 W PMPO • CD/VCD/CD-R/CD-RW/MP3 pb
• senisim 3 DVD • wOOx teknologi

K84 LONG FOTNAIT
K2,299 DINAR PRAIS
K1,999 KES PRAIS



PHILIPS Karim wakabaut VCD Redio
AZ2536 #225825
• pilaim bek VCD na karaoke • vidio 2.0 pilaimbek
• MEX saun teknologi • beis reflex spika sistem

K31 LONG FOTNAIT
K799 DINAR PRAIS
K599 KES PRAIS

PHILIPS AZ1004 #225814
Karim-Raun CD RCR
• CD pleia, inap long programim CD pilai, isi long karim raun
Bipo Kes K445

K20 LONG FOTNAIT
K459 DINAR PRAIS
K399 KES PRAIS



PHILIPS Karim wakabaut VCD Redio
AZ2536 #225825
• pilaim bek VCD na karaoke • vidio 2.0 pilaimbek
• MEX saun teknologi • beis reflex spika sistem

K31 LONG FOTNAIT
K799 DINAR PRAIS
K599 KES PRAIS

PHILIPS AZ1004 #225814
Karim-Raun CD RCR
• CD pleia, inap long programim CD pilai, isi long karim raun
Bipo Kes K445

K20 LONG FOTNAIT
K459 DINAR PRAIS
K399 KES PRAIS

WIN!

BAIM OL SAMTING BIPO LONG 31 DEI BILONG DISEMBA long WINIM OL FANTASTIK "DRIM PRAIS" long COURTS GOL RAS NAMMBA #3 DROI

FEIVARET FENISA NA ELEKTRIKOL SUPASTOA BILONG PAPAUA NIUGINI

COURTS GORDONS Spring Garden Road, Gordons Phone: 302 5808 • Fax: 325 4149	COURTS LAE Millersham Road, Lae Phone: 472 4600 • Fax: 472 4621	COURTS GOROKA 7th Street, Goroka Phone: 732 2039 • Fax: 732 2042	COURTS MT HAGEN Hagen Drive, Mount Hagen Phone: 848 1801 • Fax: 842 2512	COURTS MADANG Berutu Plaza, Havelock Street Phone: 852 3711 • Fax: 862 3412
---	--	---	---	--

HURRY OFFERS MUST END SUNDAY 28TH NOVEMBER

The Courts Price The Lowest Price Anywhere!

COURTS Adding value EVERY day!

POWERHOUSE SWITCH ON TO STIMULATE YOUR SENSES

Hap Hap Nius

LLG bai peim pablik long holim hombru lain

Lokel Level Gavman bilong Saut Waghi long Westen Hailans provins i laik daunim pasin bilong wokim hombru o bia nogut insait long distrik bilong em. Presiden bilong Saut Waghi Robet Munn i tokaut long Minj. Ol bai givim K200 long husat man o meri i kisim wanpela i save wokim hombru i go long kot. Dispela lo i kamap bihain long Kudjip Praimeri skul sumatin i holim pasim wanpela man husat i bin dringim hombru na i go mekim nabaut long skul. Inspeta Jimmy Warigi husat em stesin komanda bilong Minj i amamas long dispela lo LLG i kamap wantaim bilong daunim hevi bilong lo na oda. Em tok olsem em bai helpim long ol polisman na meri bilong em long sapotim dispela lo bilong daunim namba bilong ol man i save wokim hombru. Presiden tu i tokim ol manmeri nating husat i wok long yusim haus bilong gavman long Minj mas lusim ol dispela haus nau. Em i tok lukaut pinis olsem ol polis bai kam rausim ol.

Ol skul long WHP kisim save long abrusim HIV AIDS

Westen Hailans Provinsel AIDS komiti nau laik givim save long ol skul pikinini long dispela sik nogut. Komiti i laik go aut long ol skul bilong Westen Hailans na skulim ol pikinini long dispela binatang nogut. Ol i stat go long ol skul long Agus na trening woksop bilong ol helt woka bilong givim tok stia o tok kaunsel long husat i stap wantaim dispela binatang bilong HIV. Komiti i lukim sampela skul olsem Kitip na Waghi velly sekendari, Tambul hai skul, Hagen Tee, Taragau na Nunga praimer skul. Kodineta Joshua Meninga i tok ol sumatin i amamas long kisim dispela kain toksave o tok lukaut. Em i tok olsem ol komiti bilong em i laik long go long ol sampela bus skul tasol i gat sot long ka na sampela liklik samting moa i stopim ol long go aut long las mun.

Isten na Westen Hailans i gat birua wantaim ol yet

GOROKA taun long Tunde na Trinde i bin lukim bikpela birua tru i kamap taim ol sampela lain i belhat kros na bagarapim ol samting bilong ol lain Westen Hailans insait long Goroka taun.

Dispela hevi i bin kamap bihain long ripot i kamap olsem sampela lain bilong Moge klostu long Mt Hagen i bin paitim na bagarapim sampela lain bilong Kimi husat i save stap long Mt Hagen. Ol Kimie em ol lain bilong Okapa distrik long Isten Hailans. Moa long 10-pela lain Kimi i bin kisim bagarap taim ol lain Moge husat i save stap klostu long Mt Hagen siti i paitim na kukim ples bilong ol.

Dispela birua i kamap bihain long wanpela lain Moge i les long peim mani long wanpela boi Kimi husat i save stretim su long sait bilong stua long Mt Hagen.

Long Tunde bihain long ol man long Goroka i

lukim niuspepa ripot long Post Courier, ol i belhat na stat long raun painim ol Westen Hailans manmeri husat i stap long Goroka. Bikpela grup ol man i wokabaut raunim Goroka taun na mekim kain kain ol pasin.

Long Tunde yet ol dispela bikhet man i stopim wanpela 15 sita bas long Faniufa rot i goinsait long taun na paitim na raunim draiva na boskru bilong bas. Bihain long dispela ol i tanim na kapsaitim bas na rausim olgeta samting olsem taia, ol dua na tu enjin bilong bas.

Wanpela stua bilong ol lain Westen Hailans long Not Goroka, Namon Treding na wanpela kar rentol kampani Kanda Rent A Ka i bin bungim hevi taim ol man i go na brukim wol bilong dispela tupela bisnis haus.

Ol lain ya i bin putim was long Hailans Haiwe

insait long Isten Hailans seksen na sekim ol bas na laik paitim ol manmeri insait long ol bas.

Goroka Task Fos plis komanda, Andrew Wauwia wantaim ol lain bilong em i bin raun long plis kar na tokim ol man long noken kisim lo i go long han bilong ol. Ol plis i yusim laud-spika na mekim tok-save long taun olsem ol man i mas tingim ol gutpela lain Isten Hailans husat i wok i stap long Mt Hagen.

Long Mt Hagen wanpela komiti i kamap pinis long traim lukluk i go insait na stretim dispela hevi.

Nau yet planti ol PMV bas bilong ol lain Westen Hailans, husat i save go baim buai na mekim ol narapela wok bisnis long Lae i pret tru na i no ron. Dispela em bikos ol man i wok long sanap long rot long stopim ol bas na sekim ol lain Hagen na laik paitim ol nating nating.

EHP kisim grasrut long wokim baset

Desney Koimo i raitim

EDMINISTRESEN bilong Isten Hailans provins long namba wan taim i kisim Provinsel Edvaisari Seketeri bilong provins (EHPACS) long wok wantaim ol long kamapim baset bilong 2005.

Dispela ol lain i makim maus bilong ol grasrut insait long Isten Hailans Provins. EHPACS i save ranim arapela 10-pela komiti husat em ol memba bilong pablik o ol pablik

sevan, ol NGO o Non Gavamentel Ogenaisesen, praiwet sekta na ol siaman bilong Provinsel Eksekutiv Kaunsel (PEC).

Dispela Isten Hailans Provinsel Advaisori Komiti Seketeri o EHPACS i putim tingting long lukim olsem baset komiti bai i kisim wanem tingting ol i putim long kamapim mani plen bilong 2005 insait long provins.

Ol 10-pela komiti insait long EHPACS em Edukesen, Komyuniti Dvelopmen, Fainens na Revenu,

Risets Plening na Monitoring, Woks na Infrastraksta, Lo na Jastis, Agrikalsa na Natserel Risos, Helt, Komes na Turis.

Edukesen aninit long dispela komiti i laik kisim sapot bilong Budget Implementation and Monitoring Committees long kirapim wanpela nupela teknikel sekendari skul.

Dispela bungim wantaim ol skul we i stap pinis bai inap long kisim planti gret 11 na 12 sumatin insait long

provins.

Narapela komiti tu bilong Lo na Jastis i laik lukim wanpela divisen bilong Lo na Jastis insait long Provinsel Gavman sekta.

Dispela kain patnasip o wok bung wantaim i ken helpim provins long lukautim ol kainkain sekta o eria bilong em yet.

Dispela seketeri komiti i makim laik bilong pablik we provinsel baset bai lukluk long en long 2005.

Ol Unggae Bena mama kamapim flawa grup

Yakam Kelo i raitim

OL MAMA bilong Unggae Bena insait long Mosbi siti i no save sindaun nating. Ol i bin kamapim wanpela grup bilong ol long mekim liklik mani bilong baim skul fi bilong ol pikinini na baim ol kaikai na ol samting ol i laikim insait long siti.

Dispela mama grup i bin kisim

save long planim okid flawa long wanwan banis bilong ol na i save salim taim oda i kam long ol.

Wekare Makigae em wanpela wokmeri bilong Dipatmen bilong Komyuniti Dvelopmen i save wok klostu wantaim ol dispela mama grup long rot bilong kisim save long planim na lukautim ol okid flawa na tu painim ol maket

bilong ol mama i ken salim okid flawa bilong ol.

Mis Makigae i tokaut olsem dispela ol mama Isten Hailans i kamapim dispela grup bilong ol long 2001 na i wok isi isi i kam inap nau ol i gat mani bilong grup na tu ol i wanwan i save mekim mani bilong ol yet long salim okid flawa.

Dipatmen bilong Komyuniti Dvelopmen i save wok klostu wantaim na las wik dipatmen i givim ol sek mani mak olsem K1,200 long mani ol i kamapim long flawa bilong ol.

Memba bilong Unggae Bena Benny Allan i bin kamap long stap wantaim ol long lukim dispela wok bilong ol i karim kaikai na em i amamas long kain wok bung olsem.

Mista Allan i tok dispela save ol mama i lainim long planim flawa i mas stap wantaim ol bai ol i ken kisim i go bek long ples na skulim ol mama tu long mekim wankain long mekim mani bilong famili bilong ol tu.

Mista Allan i tok Mosbi i no asples bilong yupela.

Wanpela taim bai yupela i go bek long ples olsem na kain save olsem bai yupela i karim wantaim i go bek long ples na skulim ol arapela mama tu long Isten Hailans provins.

Mista Allan yet i bin stap wantaim dispela grup long namba wan taim long 2001 na ol i pasim tingting long kamapim dispela bung wantaim bilong ol mama Unggae Bena long Mosbi siti.

Kaikai sot i as bilong sik taipoid

WANPELA nening opisa bilong Kagua helt senta tok olsem sik taipoid bin kamap bikpela long Kagua Distrik long taim bilong nogat kaikai o femin i kamap.

Na dispela femin kilim pinis 12-pela pipel bilong dispela distrik long Sauten Hailans Provins.

Dispela femin em as bilong taim bilong nogat wara (draut) i bin painim Kagua long Epril dispela ya.

William Yapina bin karimaut wanpela Saplimenitri Imunaisesen Ektiviti (SIA), AusAID i bin helpim long sait bilong mani, las wik long 5-pela ples.

"Dispela patrol bilong mipela long karimaut SIA painimaut olsem planti manmeri i kisim bikpela hevi bikos long draut," Mista Yapina i tok.

Sepik komyuniti long Goroka sapotim Wewak

...Givim marasin i go long haus sik

AIRLINK balus em wanpela trenspot sevis long kantri i helpim bringim marasin saplai long Goroka igo long Wewak Jenerel Haus Sik. Maketing menesa bilong Airline, Jim Winfrey, i tok kampani i amamas long helpim taim ol Sepik komyuniti long Goroka i no inap long peim balus pe bilong kisim marasin saplai i go long haus sik.

Is Sepik komyuniti husat i stap long Goroka i bin bungim na kamapim ol dispela helpim. Na tu ol i plen long helpim haus sik olsem ol wantok long Mosbi na ol arapela

Sepik long kantri i mekim.

Mausman bilong Sepik komyuniti long Goroka i tok ol i bungim sampela marasin na salim pinis na nau ol lukluk long bungim sampela mani long fan resing long Bird ov Paradise Hotel we ol tingting long singautim Praim Minista bilong kantri Sir Michael Somare long go stap wantaim ol.

Em tu i tok bikpela tok tenkyu long Airline menesa long helpim bilong ol wantaim dispela ron bilong balus long karim ol dispela kago na saplai bilong ol i go long Wewak.



Memba bilong Unggae Bena Benny Allan i sanap wantaim ol mama na soim okid flawa ol i save planim olsem projek bilong ol long mekim mani bilong baim skul fi na ol kaikai bilong famili bilong ol.



Mekimsave...Ol yangpela manmeri bilong ol Trobriand Ailan long Milen Be provins, i soim kastam na kala bilong ol long dispela Tapioka danis. Foto: PNGBD.COM

Wok bilong stretim ol polis stesen i stat pinis

Christina Tom i raitim

I GAT pinis wanpela program long stretim gut 8-pela polis stesen insait long Pot Mosbi.

"Wok long ol dispela 8-pela polis stesen i stat pinis. Mipela i lukluk nau long stretim pas ol polis stesen long Godens, Badili na Waigani.

"Wok i kamap pinis long stretim ol amori (ples bilong lokim gan), ol kalabus o sel, na ol sekyuriti bilong ol dispela polis stesen," Polis Komisina Sam Inguba i tok.

Komisina Inguba i mekim dispela toktok long taim em i tok welkam long 29 manmeri bilong Australian Asisting Polis (AAP) husat i bin kam long Papua Niugini long Novemba 22.

"Ol dispela polis manmeri husat i kam nau long wok long Pot Mosbi, i makim wanpela bikpela samting long Enhensmen Koperesen Program (ECP)," em i tok.

Nau tu i gat pinis wanpela program long stretim o putim ol nupela ka bilong polis bilong PNG long Pot Mosbi na Bogenvil.

Hap Hap Nius

Pot Mosbi Jenerel Haus Sik kisim nupela leb

Pot Mosbi Jenerel Haus Sik i bin holim wanpela bung long las wik long opim nupela opis bai ol dokta na nes i wok gut long bringim gutpela helt sevis i go long ol pipel bilong Papua Niugini. Dispela nupela rum em ol i kolim Sentral Pablik Helt Leb o rum we ol bai i yusim long painim aut long ol kain kain sik olsem HIV/AIDS, TB na Malaria. Gavman bilong Australia i bin putim moa long K15 millien i go insait long wok stretim long dispela leb.

Amamas long gutpela we

Ol sumatin husat pinisim eksam o greduesen bilong ol i mas amamas long gutpela we bilong lukautim ol yet sapos ol i laik go het wantaim laip bilong ol. Minista bilong Edukesen Micheal Laimo i tok graduesen em i taim we i makim narapela rot long laip bilong wanpela sumatin. Amamas bilong dispela kain de i ken kamap aninit long lukaut bilong ol papamama na i no long ol nait klab na hotel we nogat man i was long ol. Mista Laimo i mekim dispela toktok bihainim dai bilong wanpela gret 10 sumatin bilong Gerehu Hai Skul bihainim long em i pati wantaim ol poro bilong em long Sarere nait.

Westen provins i no kisim hap mani bilong ol yet

Desney Koimo i raitim

WESTEN provins i no lukim yet wanpela mani bilong OK TEDI Maining Kampani i go insait long baset bilong developim provins bilong en.

Memba bilong Saut Fly, Conrad Haoda, i tokaut long dispela bihainim sampela askim bilong em i go long Minista bilong Maining, Sam Akoitai.

Mista Haoda i laik save long as kampani i wok long kisim planti konsalten i go insait long provins na yusim bikpela mani long baim ol taim provins yet i nogat developman.

Em i tok provins i no bin kisim yet dispela wanted o hap sea bilong mani bilong em we kampani i mas givim.

Nogat senis i bin kamap insait long provins long taim kampani i bin statim wok i kam inap long nau. Provins i bin kisim tasol dispela 10 pesen (%) ekwiti na dispela i no inap long olgeta distrik insait long provins.

Mista Akoitai long bekim tok bilong Mista Haoda i tok em i tru bikpela mani we i save kamaut long kampani insait long provins i save go long developim ol arapela projek insait long kantri.

Sapos wok bilong main insait long provins i stop long wok, dispela bai i mekim provins i wanpela ples we i nogat developmen.

Mista Akoitai i tok nau ol i putim pinis long baset dispela 10 pesen ekwiti mani we bai i lukim wanwan distrik insait long provins i kisim mak bilong mani olsem K10 millien.



Komyuniti paitim tok.

FREE

FUEL

FOR A LIMITED TIME ONLY

From outboards to boats, generators to pumps and scooters to bikes... Yamaha has the product range to suit all your needs


Purchase any Yamaha product and receive a 20 Litre container of...

FREE FUEL

X

Powering the Nation

Value Quality Reliability



Ela Motors

YAMAHA

Kensa bilong susu i go bikpela long PNG

NAMBA bilong ol meri wantaim kensa bilong susu i wok long gro bikpela tru namel long ol meri.

Wanpela ripot i kam long Pot Mosbi Jenerel Haus Sik i soim olsem tripela meri insait long wan wan mun i wok long painimaut olsem ol i gat dispela sik bilong susu long kensa.

Speselis dokta bilong Ai na Nus em Dokta Mary Ponifasio taim em i tokaut long dispela samting i tok dispela em ripot long Pot Mosbi Jenerel Haus Sik tasol na i no long ol arapela haus sik long kantri.

Sua bilong susu i wanpela long ol tripela kain kensa we i wok long kilim o bagarapim planti meri insait long PNG. Dispela sik i save bihainim krismas bilong ol meri.

Wanpela wok stadi we ol i karimaut long PNG i soim olsem kensa bilong susu i wok long kamap bikpela long ol yangpela meri krismas bilong ol i stap namel long 30 na 40 yia.

Dokta Ponifasio i tok kensa i ken kamapim bikpela senis long bodi bilong meri.

Em i ken mekim meri i nogat moa bilip long lukluk na bodi bilong em na em i ken kamapim les pasin.



• Ol meri long Sen Anna Skul ol Sister ov Sariti i ronim long Gerehu Stes 6 long Mosbi. Dispela em ol meri i kisim skul long Kuk.

"I gat bikpela wok i stap yet long painim marasin o rot bilong lukautim dispela ol kain sik lain," Dokta

Ponifasio i tok. Em i tok strong olsem sapos i gat senis long rot ol i lukautim ol meri wantaim kensa bilong

susu, ating dispela sevis bai kamap gut na helpim tru sindaun bilong ol meri long kantri.

Ol Lihir meri sindaun long Misima kos

WANPELA Felosip Asosiesen grup bilong ol meri long Lihir insait long Nu Ailan provins i bin stap insait long wanpela kos long Misima long Milen Be provins.

Ol meri long Petztorme Wimens Asosiesen (PWA) insait long Lihir i bin stap insait long tripela de kos long Misima skruim save long wokim developmen plen bilong 5-pela yia i kam.

Grup i bin go long kos i bin makim ol meri long Lihir Kristen Felosip Grup na ol i kam long Katolik Wimens grup, Yunaitet Sios, Seven De Etventis Dorcas welfea na Pentekostel Sios insait long ailan.

Lihir Menesmen Kampani na Nimamar Lokol Level Gavman i bin sponsaim ol meri i go long kos long Misima.

Wanpela long ol samting ol meri i bin lainim insait long kos tu em long pasin bilong bung wantaim namel long ol meri i gat sea insait long main na ol developa bilong em.

Ol bin lainim tu olsem ol meri i mas mekim ol disisen long lukautim ol samting ol meri i laikim.

Seketeri bilong PWA em Mary Rose Kuman i bin salensim ol arapela grup bilong ol meri insait long maining eria long kirap sanap na toktok long raits bilong ol.

"Longpela taim nau ol meri i pasim maus i stap tasol em i taim nau we mipela i sanap long lukautim ol rait bilong mipela," Mis Kuman i bin tok.

Projek Kodineta bilong Asosiesen em Mary Slappa i tok dispela kos bai helpim ol meri long wok long graun na i noken wetim tasol mani bilong main.

Graun em i wanpela samting we bai stap yet long bihain taim wok maining i pas na mipela i go bek graun long wok na kisim kaikai, em bin tok.

PWA i tok tenkyu i go long ol lain husat i helpim ol meri i go long dispela kos long Misima.



Kuk Kona wantaim MERI WANTOK

Saksak Puding

Yu mas i Gat:

- 4-pela kokonas long wokim kokonas milk
- 2-pela kap mau banana yu mekmekim pinis (miksimsim banana bilong kukim na kaikaim na mau banana)
- hap inap long 1-pela kap saksak
- 8-pela banana lip we yu wasim gut pinis na drain antap long paia.
- Rop (klsim long bun bilong banana)
- Sol
- Wara
- Suga
- Rot long Kukim

1-Mek mekim banana i go malumalu inap long mekim 2-pela kap. Miksim kuk na mau banana na em bai kamap malumalu na swit.

2-Putim saksak flawa na miksim. Bai yu yet i traim wantaim mak bilong saksak yu laik yusim.

3-Putim haf kap kokonas milk yu no boilim na miksim gut.

4-Katim lip banana long haf na suvim i go long hotwara long mekim isi long yusim.

5-Putim kwata kap saksak yu miksim pinis long

namel bilong klipela lip banana.

(Sapos i gat liklik hap kokonas milk i stap yet long kontena, kapsaitim liklik pastaim long lip.) Yu ken wokim pasel long wanem sais yu laikim. Sampela taim, ol i save putim miks bilong ol samting insait long wanpela bikpela lip.

6-Wokim karamap i go longpela na putim tupela sait i kam antap na pasim wantaim rop.

7-Wokim olsem inap olgeta miks saksak i pinis.

8-Kapsaitim inap wara i go long sospen long karamapim ol karamap lip saksak na boilim.

9-Taim sospen wara i boil... putim ol karamap saksak i go insait, putim lit bilong sospen na larim i boil.

10-Boilim namel long 40 minit na wan awa, inap long sais bilong ol karamap. Noken larim olgeta wara i boil na pinis olgeta.

11-Taim em i kuk, autim ol saksak long lip na putim ol long kontena na kapsaitim kokonas krim o milk antap long ol. Em nau i redi long kaikaim.

Lo bilong lukautim ol mama na pikinini meri



Ol samting yumi mas save long Reip

I TRU olsem olgeta mekim nabaut long daik kain kain meri i kisim bilong em birua reip i no ol meri Noken. Helpim ol luknais tasol. Sampela haitim irabel man bikos i lapun, i tumbuna, ol nogut long bihain taim, aipas na skin nogut bai em i reipim pikinini meri. Sosa, meri o meri, long meri i gat mama bilong yu. Em i bel, ol liklik pikinini meri moabeta long helpim na tu ol pikinini meri husat i no winim tupela meri husat i kisim birua long krismas yet i save long bagarapim meri long birua na tokaut long husat tru i reipim em na lo bai givim mekim save long en. Sapos famili i helpim long bagarapim meri long husat tru i reipim meri long haitim tok, na bihain bai reipim narapela meri gen. Moa long neks wik.

Sotpela Tok Lukaut

FAMILI Plening i save givim ol marit sois o laik long skellim gut samting na :

- Ol i ken plen long hamas pikinini tru ol i mas gat we ol inap long lukautim gut
- I mas gat sampela yia namel we tupela marit i tok orait long en pastaim long mama i karim narapela bebi.
- Na pikinini i mas gat raitpela krismas (i no daunbilo long tripela yia) pastaim mama i karim narapela bebi.

Polisi bilong Nesanel Helt na Famili Plening em husat meri inap karim pikinini na i save lukim sikmun i ken go long famili plening wantaim nogat tok-save.

Tasol em i moabeta long toktok wantaim man bilong em sapos em i ting olsem sampela kain hevi bai kamap.

Watpo na famili plening i gutpela?

- Bikos em i lukautim ol man na meri long bebi ol i ken gat we ol i no laikim o ol i no redi yet long en
- Em i save sevim laip
- Helpim man na meri i givim gutpela laip long famili
- Kamapim gut stap na sindaun bilong famili

Moa neks wik

Ol sios lida i bung wantaim long daunim sik HIV AIDS

Veronica Hatutasi i raitim

OL SIOS long kantri nau i sanap wantaim long pait agensim na daunim dispela bikpela hevi bilong sik HIVAIDS insait long kantri.

Binatang bilong dispela sik i bagarapim moa long 9,000 pipel long Papua Niugini.

Dispela mak em i bikpela tru insait long Saut Pasifik rijon stat long taim sik i bin kamap long PNG long 1987 wantaim wanpela man. Tasol dispela 9,000 mak em rekot long dispela we ol i rekotim long haus sik. Planti moa yet em i nogat rekot long ol na mak i go antap moa yet.

Maski planti aweanes i kamap we ol Sios, ol Non Gavman Ogenaisesen (NGO), Helt Dipatmen, Gavman na ol arapela grup i karimaut, mak bilong HIV AIDS i no go daun. Tasol long olgeta mun na yia, em i wok long go antap. Na dispela hevi i no bagarapim helt bilong ol manmeri tasol em i kamapim hevi long famili, komyuniti, ikonomi na wok developmen bilong kantri.

Pastaim na nau tu, tingting bilong planti lain em HIV AIDS em i belhat bilong God i salim olsem long givim kanda long ol sin manmeri. Tasol planti i wok long luksave tu olsem yumi olgeta i mas mekim samting long daunim sik na sevim kantri bikos sapos olgeta pipel na moa yet, ol yangpela na dispela i wok i dai, husat bai i skruim ol wok long nau na long bihain taim. Na nau em i taim long go insait long wok na pait agensim sik na helpim sevim pipel na kantri.

Ol sios i luksave long hevi na nau ol i wok long go insait strong long ol wok aweanes long pablik, ol sios memba, komyuniti na helpim long lukautim ol dispela lain we sik i kisim ol pinis.

Anglikan Sios i gat dispela bikpela grup ol i kolim long Anglicare we i karimaut aweanes long ol pipel, moa yet ol yangpela, insait long Pot Mosbi. Em i gat senta tu we pablik i ken go long em long wokim tes sapos ol i gat HIV AIDS. I gat kaunseling sevis tu. Anglicare i gat nupela na bikpela opis nau long Waigani.

Katolik Sios tu i gat HIV AIDS seksen insait long ol Daiosis bilong ol we ol i karimaut ol program i sut long dispela sik olsem kaunseling, aweanes wok long ol. Long Pot Mosbi, sios i gat Simon ov Cyrenne Senta we Pater Jude i go pas long en long lukautim ol manmeri i gat HIV AIDS, givim kaunseling na long san taim tu, ol lain wantaim dispela sik i ken stap, malolo na kisim gutpela lukaut, kaikai na gutpela poroman. Ol arapela sios tu i gat ol program bilong ol.

Insait long las tupela wik, PNG i bin lukim



Ol sios lida i yunait long pait agensim sik AIDS na toktok wantaim Mis Awasa long INSAIT program bilong EMTV. (Lephan i go long rait) Bisop Fox, Reveren Lowa, Mis Awasa, Pasto Dalaka na Pater Jude.

4-pela sios lida long Pot Mosbi i kamap long EMTV na toktok long pait agensim HIV AIDS na wanem samting wanwan sios i wokim. Foapela sios lida em long Bisop Peter Fox bilong Anglikan Sios, Patyer Jude Ronanne Forde bilong Katolik Sios, Modereta Reveren Samson Lowa bilong Yunaitet Sios na Pasto Tony Dalaka bilong Asembli ov God.

Foapela sios lida i bin toktok long wanem samting ol sios bilong ol i mekim long toktok long ol sios memba bilong ol na rot bilong rausim dispela pasin we pablik na pipel i no laik go klostu long ol lain wantaim HIV AIDS o lukim ol olsem ol sinman we God i salim dispela sik olsem givim kanda o mekimsave long ol sinpasin bilong ol.

Foapela lida i bin tok nau ol famili i mas toktok long HIV AIDS na i no moa samting bilong haitim, ol papamama i mas toktok long ol pikinini bilong ol long seksualiti o

pasin bilong wokim pren namel long ol yangpela pipel, marit na wok patna namel long ol sios we ol i ken serim tu ol risos long daunim HIV AIDS. Nesanel HIV AIDS projek na Nesanel AIDS Kaunsil (NAC) i sapotim dispela program we Anna Awasa i bin go pas long em long INSAIT program long EMTV.

Bikos PNG em i wanpela Kristen kantri, ol bin wanbel olsem ol sios i gat bikpela wok insait long ol komyuniti na sosaiti long PNG na rot we kantri i laik painim long daunim sik AIDS.

Mis Awasa husat i kisim ol sios lida wantaim na holim grup toktok wantaim ol long EMTV redio program i toki em i gutpela long lukim na harim ol sios lida i lusim tingting long ol wan wan bilip long sios bilong ol na kam wok bung wantaim. Na dispela i soim olsem ol lida i gat strongpela tingting long helpim ol sios memba bilong ol.

Sir Paulias i amamas

OL SIOS i strongim wok bung wantaim long daunim HIV AIDS las wik taim ol i opim wanpela hanwok long ol sios lida i wok bung wantaim.

Ol i kolim dispela nupela han wok we ol sios lida bai bung na wok wantaim long pait agensim AIDS long Faith Based Organisation (FBO).

Opim i bin kamap long Seven De Edventis Sios long Korobosea insait long Pot Mosbi.

Gavana Jenerel Sir Paulias Matane i tokaut long taim ol i opim dispela han wok olsem em i amamas long ol sios lida i wok bung wantaim long daunim dispela sik nogut.

"Yupela em ol lain husat i save stap, wok wantaim na save gut long komyuniti bilong yupela."

"Kantri i amamas tru long kisim yupela i kam insait long HIV AIDS pait," Sir Paulias i bin tok.

Em i bin sknim tok moa i go olsem tru long tete. I gat sampela sios husat i no mekim wanpela samting yet long pait agensim HIV AIDS bikos ol i lukim olsem dispela sik em i wanpela givim kanda o mekimsave God i salim long ol lain husat i wokim pekato na bikhet pasin.

Em i bin tok HIV AIDS i no mekim save i kam long God tasol em i traim we God i putim long strongim yumi long moa hevi i wok long kam na bai i kam long bihain taim na kamapim hevi long ol pikinini bilong God.

Sir Paulias i bin tok amamas long ol sios lida long sanap ol wokim long pait agensim HIV AIDS.

Memba bilong Henganofi na man husat i go pas long Palamen Komiti i lukim long HIV AIDS. Dokter Banare Bura wantaim Yunaitet Nesanel AIDS Kantri Kodineta, Dokter Hilik Plange na Hal Komisiona bilong Briten, David Gordon MacLeod, i bin lukim ol i opim dispela wok bung wantaim.

Dispela wok bung wantaim bai helpim gutim dispela pait agensim sik HIV AIDS.



"God i mekim stretpela kot"

Olsem na yupela olgeta man i save sutim tok long arapela, mi tokim yupela wan wan, yu no inap tok olsem yu yet yu no gat rong. Harim. Taim yu sutim tok long ol arapela man, yu sutim tok tu long yu yet, long wanem, yu yet yu save mekim wankain pasin olsem ol i mekim. Yumi save, God i save bekim pe nogut long ol man i mekim ol dispela kain pasin nogut, na dispela pasin God i mekim, em i stretpela olgeta. Yu save sutim tok long ol man i mekim ol dispela kain pasin, tasol yu yet yu save mekim wankain pasin olsem ol. Yu ting God bai i no inap kotim yu tu, a? Olsem wanem? God i save mekim gutpela pasin long yu, na em i wetim yu longpela taim, na i no save bekim pe nogut long yu kwiktai. Dispela gutpela pasin bilong God, ating yu lukim em i olsem samting nating, a? **Roman 2: 1-4**

Santu Peter Sanel kisim AIDS toktok

Veronica Hatutasi i raitim

AWEANES toktok long HIV AIDS em i kamap nau long sios, ples we pastaim i no kamap.

Dispela em bikos dispela sik i wok long go bikpela hariap na kalap long planti manmeri. Na olgeta lain we i karamapim sios i go insait nau long wok bilong daunim dispela sik.

Sen (Santu) Peter Sanel Peris long Erima insait long Nesanel Kapitel Distrik em i wanpela peris we i wok long kisim ol aweanes o sotpela tok skul insait long sios.

Klostu long pinis bilong sios sevis long taim bilong toksave, ol perisina i save harim ol sotpela tok aweanes long helpim stiaim gut ol na long rot we famili i ken helpim wanpela arapela long daunim dispela sik.

"I moabeta long toktok long HIV AIDS

long sios bikos em i ples we planti famili na pipel i stap long en.

"Jisas inap long wokim wanem long dispela situesen o samting olsem i kamap, long ol siklain na ol sin manmeri?" Bruce Copeland em man husat i wok long givim ol sotpela tok stia long HIV AIDS i bin tokim kongrigesen long sios las Sande.

Em i amamas na tok tenkyu long pris pris na pris bot long givim em bikpela sapot long mekim ol toktok bilong em long HIV AIDS long sios.

"Mi amamas long peris i sapotim "positive living" we i sapotim ol manmeri i gat dispela sik na lukautim ol long stap gut."

"Positive living em i stap long bilip, hop na bel isi. Na gutpela famili sapot we i lukautim ol gut, givim ol planti prut na kumu.

"Ol bai stap gut na helti tasol bihain long 10 na 12 krismas, helt bilong ol bai

go daun. Tasol lukautim ol gut inap ol dai," Mista Copeland i tok.

Mista Copeland i wok wantaim grup i wokim aweanes long positive living. Kolom o toktok bilong em i save kamap long Nesanel Niuspepa tu.



Kamap bilong K7 milien PNG sios wok bung wantaim

Veronica Hatutasi i raitim

NUPELA de i bin kamap long strongpela wok poroman namel long ol sios long PNG na Australia wantaim Gavman bilong PNG na Australia taim ol i opim K7 milien PNG Sios Patnasip program long Pot Mosbi long dispela wik.

Long Tunde long dispela wik, AusAID i bin makim gavman bilong Australia na opim namba wan hap bilong 5-pela yia projek long Hohola Katolik Yut Developmen Senta.

Dairekta Jenerel bilong AusAID long Australia Bruse Davis i bin opim projek na ol hetman i makim 7-pela sios i stap insait long program i bin lukim. Ol sios we projek i karamapim em Angliken, Seven De Edventis, Katolik, Yunaitet, Salvesen Ami na Evanjelikel Luteran Sios.

Long namba wan hap bilong program we bai i ron long 5-pela yia, AusAID i givimn K7 milien long sapotim wok ol sios i mekim long ranim ol helt na edukesen sevis i go long ol pipel.

"Luksave i stap olsem ol sios i mekim bikpela wok long kisim ol helt na edukesen na narapela sevis i go long ol pipel long dispela kantri. Dispela program i luksave olsem ol sios i laikim sapot long strongim ol long kisim ol sevis i go long pipel i stap long ol longwe hap na stap insait long wok developmen na gutpela sindaun insait long kantri.

"Ol sios i gat longpela histri long sapotim developmen insait long PNG na lukautim gut mani. Na em i gat gutpela hanwok long ol ples i stap long ol bus. Na planti taim, gavman i save lukluk long ol sios long givim ol

sevis long ol longwe bus ples," Mista Davis i bin tok.

Long namba wan yia, program bai i strongim ol bikpela eria olsem: Strongim ol institusen olsem trening, fainensel na kontrol sistem menesmen. Aninit long dispela, Salvesen Ami bai opim bek nening trening skul long Westen Hailans.

Kisim ol sevis i go long ol ples na pipel na ol wok bai sut long strongim ol sios wantaim ol woklain na save long sait bilong HIV AIDS. Aninit long dispela program, Katolik sios bai kirapim ol HIV AIDS senta. Namba wan ples we bai ol i kirapim dispela em long Westen Hailans bikos mak bilong ol pipel wantaim dispela sik i bikpela tumas.

Na long gutpela menesmen eria, ol wok bai sut long lidasip developmen, stretim ol

hevi na lukim olsem dispela wok bai go het yet, onasip komyuniti plening na etvokesi.

Ol sios lida i bin tok amamas long dispela sapot na luksave na tok dispela bai helpim ol tru long wok bilong ol, moa bikos ol dispela sios i wok strong long poroman egen-sim HIV AIDS. Tasol taim ol i amamas long sapot na wok poroman, ol sios i noken tingting long kisim helpim tasol ol i mas wok gut na strong long go hetim ol program kisim sevis i go long ol pipel.

"Dispela em i bikpela rot long bildim bris. Em i bungim wantaim ol sios long wok wantaim tu ol sios long Australia husat i bin stap tu insait long ol toktok we i karim gutpela kaikai na ol sios long PNG i kisim sapot wantaim mani," Wesley Kigasung, Hetbisop bilong Luteran Sios long PNG i bin tok.

Ol Sista na Seminari i helpim ol setelmen lain

EM i gutpela long givim taim bilong yumi wanwan long ol manmeri na pikinini husat i nogat famili, papama na husat i stap hangre na husat i nogat biknem long komyuniti.

I gat wanpela Sista kongrigesen ol i kolim Kanosian Sista. Ol dispela Sista ol i gat wanpela skul bilong ol meri bilong lainim kuk, samap, wokim gaden na planti samting moa bilong gutpela sindaun long famili. Na tu ol save lukautim ol sik manmeri na pikinini long klinik.

Long Tunde na Trinde olgeta wik, Sista Felix em wanpela Kanosian Sista wantaim sampela sumatin long Seminari long Bomana i save go aut long wanwan setelmen long sifi, givim marasin long husat i no inap

long kam long haus sik na helpim ol wantaim sampela kaikai olsem bisket, milk na nudols bilong ol liklik pikinini. Bihain long kaikai na marasin ol mama na papa save sindaun na stori wantaim ol sista long kisim sampela tingting long gutpela sindaun bilong famili laip na ol seminarian save stori wantaim ol pikinini long Baibel na lainim singsing.

Dispela kain pasin em bilong mekim ol husat i ting olsem em ino memba bilong komyuniti, long stap amamas na pilim olsem sampela lain save tingim ol na i ken stap klostu long ol.

Sista na ol seminarian i askim ol bilip manmeri i mas tingim ol dispela kain manmeri na pikinini long prea bilong ol.

Bihainim lidasip bilong Jisas

LAS Sande i bin pestode bilong Kraus em King.

Bisop Peter Fox bitong Angliken Sios long Pot Mosbi Daiosis i laikim bai yumi i kisim skul long kain lidasip bilong Jisas husat i King bilong Heven na graun tasol em i gat daun pasin olgeta.

"Jisas em i no olsem ol narapela king. Em i trupela King i laikim tru yumi na em i dai long yumi. Ol bikman na king bilong graun na ol politisen i soim pawa bilong ol long planti samting ol i gat.

"Jisas i soim pawa bilong em taim em i givim ol samting bilong em long yumi. Na dispela i kamap taim em i kamap long wol olsem wanpela man nating na dai long diwai kruse.

We bilong em long bos em long sevim pipel, wasim lek bilong ol aposel, oraitim ol sikman, lukautim ol lain i gat wari em kain lidasip bilong King Jisas.

"Na olsem wanem long yumi? Yumi laikim ol wanem kain lida, maskin yumi ol lida

long kantri, sios, bisnis, komyuniti, famili grup? Kain lidasip bilong yumi i mas olsem Jisas yet.

"Long PNG, pait long pawa, resis long ol bikpela wok na pei, daunim gavman em i samting we i save kamap olgeta taim.

"Bikpela taim i save lus long pait long pawa taim em i sapos long pait long kamapim gutpela heit na skul long ol pipel i putim ol long pawa. Taim yumi lukim ol dispela na taim ol lida i westim long pait kros, yumi sem na tok wanem samting i kamap long kantri bilong yumi.

"Wankain samting i kamap long ol arapela eria na long sios tu. Long sios tu, yumi save lusim bikpela taim long traim long bosim, winim biknem na sapot bilong yumi yet taim luksave bilong God em yumi laikim long helpim yumi. Sampela taim, mi save tingting sapos yumi save gat taim long beten o yumi bisi long paitim toktok i stap," Bisop Fox i tok.



St. Joseph's International Catholic School (St. Joey's)

Why Do Parents choose a Catholic (Christian) School?
St. Joseph's family school for Learning, Loving and Living.
A School with a Curriculum for the Youth of Today.
A Unique Family Atmosphere
A School of Christian Discipline
Quality Education for life in a Christian Environment.

Starting School in 2005?

The first (early) years are so important with qualified, experienced, suitable, specialized teachers

Enrol Now for Pre School and Preparatory Classes -
Very Limited Spaces Available for 2005.
Pre School to Grade 8

Parents - Grade Nine Classes commence in 2006
Enrol your child in Grade Eight in 2005.
Join The School of Faith and Family

For further information contact:
The Principal
St. Joseph's International Catholic School
P O Box 5784
BOROKO, NCD
Ph: 325 3733; Fax: 325 3237
Email: joseph@daltron.com.pg

Nius Bilong HIV AIDS

Tok Lukaut



wantaim

David Ephraim

TUDE long HIV/AIDS nius bai yumi lukluk long ol yangpela meri na HIV/AIDS.

Long Papua Niugini tude, namba bilong ol yangpela meri husat i gat HIV/AIDS i wok long go bikpela tumas. Ripot i kam long Nesenel AIDS Kaunsol, Jun 2004 HIV/AIDS kwatali ripot i soim olsem 314 yangpela meri namel long 15 i go long 19 krismas i gat pinis binatang bilong HIV/AIDS. Insait yet long dispela ripot tu i soim olsem ol krismas 20 i go long 24 meri husat i gat HIV/AIDS i sanap olsem 755. Dispela em ol husat i bin go long haus sik long blut tes.

Long wol ripot UNAIDS i bin wokim bilong 2004 i soim olsem moa long 17 milien ol meri i stap wantaim HIV/AIDS long olgeta kantri long wol tude.

Ol save lain long helt i tok olsem ol yangpela meri i isi long kisim binatang bilong STI (Seksueli transmisi Infeksen) na HIV/AIDS bikos bodi bilong ol i no strong olsem ol bikpela meri. Insait long ol sampela wok painimaut planti yangpela meri i save slip wantaim ol man bikos ol man i save prelim ol. Na tu pasin reip em wanpela samting we i save putim ol yangpela meri long mak bilong kisim HIV/AIDS. Moa long ol dispela ripot planti ol yangpela meri i wok long salim bodi bilong ol long slip wantaim ol man bikos ol i painim hat long laip.

Dispela em ol sampela hevi we i wokim ol meri kisim HIV/AIDS. Long kantri yet planti ol NGO, gavman na sios ogenaiesen i wok strong long helpim ol yangpela meri long daunim HIV/AIDS na ol sampela ol hevi we planti ol yangpela meri i wok long kisim tude.

Long pinis mi laik tok olsem sapos yu man lukautim ol meri bikos ol mama na lida bilong kantri long bihain taim. Lukautim ol gut bihain bai yu gat sans long

sindaun wantaim wanpela gutpela meri olsem meri bilong yu yet. Na sapos yu yangpela meri mi laik tokim yu olsem plis sanap strong na tok nogat long pasin slip wantaim inap yu marit. Lukautim bodi bilong yu gut bihain bai yu amamas wantaim man na ol pikinini bilong yu.

HIV/AIDS stap pinis long kantri, kirap na luksave.

Meri stap na man tu i stap. Man i stap marit u i stap. Plis wok bung wantaim long daunim HIV/AIDS long kantri bilong yumi.

LONG ol wik i go pinis mi bin toktok strong long pasin we i ken strongim laip na pasin we i ken bagarapim laip.

Long dispela wik, bai yumi lukluk i go insait long pasin bilong toktok.

Ol saintis na Buk Baibel i tok strong olsem maus i gat bikpela pawa we i save tok biasim na tok bagarap we i save kam tru.

Long kirap bilong HIV/AIDS long kantri bilong yumi na long ol narapela hap graun long wol, planti manmeri i wok long yusim dispela maus olsem yu na mi gat long toktok strong long daunim na rausim HIV/AIDS long ol kantri bilong ol. Yet long dispela maus tasol planti manmeri i wok long toktok na bagarapim ol manmeri husat i gat binatang bilong HIV/AIDS.

Dispela kain pasin we ol save man i kolim long abius o misyus bilong pawa bilong toktok. Planti ol manmeri husat i gat AIDS i wok long kisim bikpela bagarap long toktok bilong ol narapela ol manmeri.

Toktok na pasin bilong ol manmeri i gat strong long mekim manmeri amamas o sori.

Long tok piksa mi laik tok olsem taim yu go kisim mango long kaikai, mango i save tok no ken kisim mi na kaikai, yu gat HIV/AIDS o nogat. Nogat mango i save stap isi na yu save kisim na pinisim laik bilong yu long kaikaim em.

Em i soim God i gat bikpela laik bilong em long yu. Man i tok baksait na bagarapim yu tasol God i save soim laikim bilong em long yumi tru long kriesen bilong em olsem mango.

Unitech i apim skul fi

Desney Koimo i raitim

NESENEL Gavman i nogat pawa long rausim dispela 23 pesen we gavaning bodi bilong Yunivesiti ov Teknologi (Unitech) i putim long apim skul fi bilong neks yia.

Minista bilong Haia Edukesen, Brian Pulayasi, i tokaut long dispela bihain long em i kisim sampela komplek i kam long ol papamama.

Em i tok Gavman i nogat pawa

long stopim dispela bikos Haia Edukesen i sanap long em yet na gavman i nogat rait long bosim.

Ol sumatin bilong ol yunivesiti na kolis insait long kantri i wok long baim skul fi aninit long TESAS o Tertiary Education Scholarship Assistance Scheme.

Dispela skolasip i save helpim papamama long baim skul fi bilong ol pikinini.

Mista Pulayasi i tok sapos ol i

rausim dispela TESAS sistem husat gen bai i helpim ol papa mama long baim skul fi bilong ol pikinini.

Skul fi bilong wanpela yunivesiti o kolis sumatin i klostu long K15, 000 long wanpela yia na planti papamama i no inap long painim kain mani olsem.

Long dispela as i gat bikpela wari nau namel long ol papamama long dispela hevi bilong apim skul fi na mekim hat long ol i baim.

Helt kisim helpim

Desney Koimo i raitim

DIPATMEN bilong Helt wantaim ol developman patna bilong em i sainim wanpela pepa long strongim dispela pasin bilong wok bung wantaim insait long Helt sekta.

Long dispela bung ol i holim long Mande insait long Holiday Inn i lukim olgeta lain husat i makim ol wanwan ejensi insait long kantri i kamap long makim ogenaiesen bilong ol long sainim dispela pepa.

Dispela agrimen em ol i sainim namel long Helt Dipatman, Gavman na ol developmen patna. Long sait bilong Gavman i lukim Minista bilong Helt, Melchior Pep, Minista bilong Plening na Rurel Developmen, Sir Moi Avei, na Minista bilong Treseri na Fainens Bart Philemon i stap long dispela taim.

Ol developman patna em ol lain olsem AusAid, NZAid, UNFPA, WHO na UNICEF husat i save putim mani i kam insait long developim kantri.

Ol i sainim tu wanpela arapela pepa namel long dipatman bilong Helt na Save the Childrens Fund we NZAid o mani Nu Silan Gavman i save givim long helpim ol pikinini insait long ol provins.

Long Janueri bilong yia 2002 NEC i bin givim tok orait long karimaut dispela nupela pasin long mesim o lukautim ol developmen patna bilong PNG.

Dispela ol developmen patna i save putim bikpela mani tru olsem 80 pesen i go insait long developim kantri bilong mipela.

Mista Pep i tok dispela em i bikpela samting Helt Dipatman i wokim. Bikos i nogat narapela pablik sekta insait long PNG i kamapim dispela kain agrimen long wok bung wantaim ol arapela developmen patna long mekim wok i kamap long ol Nesenel Polisi na Program we bai bringim sevis i go long ol pipel long ples.

"Dipatman bilong Helt, Gavman wantaim ol Developim Patna bilong em i bin wok wantaim long las tripela yia long lukim dispela bung tete i kamap", em i tok.

Sainim bilong dispela nupela plen HSIP o Health Sector Improvement Plan i bilong holim gut olgeta risos we ol dona ejensi o developmen patna i givim na long sapotim na mekim wok i kamap long ol polisi na program bilong Gavman insait long helt sekta.

Dispela agrimen we Dipatman bilong Helt, Gavman na ol Developmen patna i sainim i bilong putim long ples klia tingting bilong Gavman wantaim ol developmen patna bilong em long we ol bai i wok bung wantaim long mekim kaikai i kamap long dispela nupela plen HSIP o Health Sector Improvement Plan.



Hat wok karim kaikai

...Pinis bilong skul yia nau na sampela gret 8 na 12 long kantri i wokim greduesen bilong ol nau. Seketeri bilong Edukesen Peter Baki i givim awot long Jacklyn Fred em Gret 12 sumatin long Aiyura Nesenel Hai sSul long lsten Hailans provins long taim bilong greduesen las wik. Jacklyn i putim naispela tumbuna bilas long greduesen.

Poto: SAPE METTA

Nupela HIV/AIDS aweanes givim moa luksave

Desney Koimo i raitim

OL PIPEL bilong Papua Niugini nau bai i gat inap save long mekim samting na i noken pret long bung raun na lukautim tu ol manmeri husat i gat sik HIV/AIDS.

Nesenel AIDS Kaunsil i putim aut pinis long las wik namba foa hap bilong dispela HIV/AIDS kempen long strongim wok aweanes bilong em long tokaut long ol pipel long rot yu ken kisim o i no inap kisim HIV/AIDS.

Siaman bilong Palamentari Komiti, Dokta Banare Bun, long opim bilong dispela kempen i tokaut olsem namba tri hap

bilong dispela kempen i soim olsem 30 pesen bilong ol manmeri i pret long go klostu o stap wantaim ol lain husat i gat HIV/AIDS insait long ol komyuniti.

Em i tok planti bilong dispela ol lain i no kisim helpim long komyuniti olsem ol arapela sikman i save kisim. Ol lain husat i nogat dispela sik bai i pret tru long go klostu long man o meri husat i gat HIV/AIDS. Tasol yumi olgeta i mas save olsem em i hat tru long kisim dispela sik.

Yu ken kisim dispela sik sapos yu wokim pamuk pasin o long blut taim yu serim nidol o resa wantaim man husat i gat dispela

sik na long mama i go long pikinini long taim bilong bel o givim susu.

Dispela olgeta toksave o infomesen i stap long dispela nupela aweanes kempen bilong tokaut long olgeta pipel long noken pret long ol lain i gat HIV/AIDS o lukluk long ol olsem ol i samting nating.

Ol lain husat i gat HIV i laikim sapot bilong famili na komyuniti na dispela ol lain i mas save long rot binatang bilong HIV i save i go long narapela man.

Dispela bai i mekim ol i no pilim sam o pret long lukautim husat sikman wantaim HIV/AIDS insait long famili na komyuniti.

Sapotim strong HIV/AIDS kempen

Desney Koimo na Christina Tony i raitim

PAPUA Niugini i wanpela kantri insait long Esia-Pasifik rijn we i gat bikpela namba tru bilong man na meri i gat sik HIV/AIDS.

Memba bilong Henganofi, Dokta Banare Bun, i tokaut long dispela long Palamen bihain long em i bin go stap long wanpela Pasifik Ailan Konfrens long Fiji.

PNG i bin salim 7-pela Memba bilong Palamen (MP) i go wantaim Dokta Bun long dispela konfrens.

Dispela i bin nambawan konfrens bilong ol Palamen memba long Pasifik long bung na toktok long ol wok ol i ken mekim olsem ol Politisen long pait agensim sik AIDS.

Em i tok olsem dispela sik i wok long kilim indai planti manmeri na i wok long bagarapim planti famili nau.

Insait long Papua Niugini, haus sik i luksave pinis olsem moa long 9, 500 pipel i gat binatang bilong HIV.

Dokta Bun i tok dispela i no moa samting bilong haus sik, tasol em i wanpela wari bilong ol wok developmen eria bikos hevi tu bai pasim rot bilong developmen.

Sik AIDS i samting bilong olgeta manmeri na ol memba bilong Palamen mas luksave tu long dispela sik na givim sapot long rot bilong daunim sik ya..

Dokta Bun i tok olsem ol i wok nau long kamapim wanpela HIV/AIDS manuel o buk bilong helpim ol politisen long go bek na karimaut aweanes long wanwan ilektoret bilong ol.

"Em i moabeta long yumi pasim ol manmeri long kisim HIV/AIDS bilong wanem em i kos moa long lukautim wanpela man wantaim sik AIDS," Dokta Bun i tok.

Aweanes i mas kamap long mekim ol manmeri i luksave long ol nogut bilong sik AIDS na mas lukautim ol yet gut.

Olgeta manmeri long kantri i mas wok bung wantaim long helpim long stapim dispela sik long kamap bikpela moa.

Ol pikinini amamasim Intanesenel de bilong ol

Desney Koimo i raitim

OLGETA kankain pikinini stat long elementri go inap long sekondari skul insait long Papua Niugini i bin kam bung wantaim long amamasim dispela bikpela de bilong ol pikinini long las wiken.

Intanesenel Pikinini De em i wanpela bikpela de we olgeta kantri long wol i save tingim rait bilong ol pikinini.

Dispela bikpela bung we ol i bin holim long Sir John Guise Stadium long Pot Mosbi i lukim Minista bilong Komyuniti Developmen, Lady Carol Kidu, wantaim man husat i makim Kwin insait long kantri Gavana Jenerel Sir Paulias Matane na Lady Kaludia i kamap long givim sapot long ol pikinini.

Het toktok bilong dispela Intanesenel Pikinini De em

Childrens Rights-Our Responsibility o rait bilong pikinini em wok bilong mipela.

Rait bilong ol pikinini long sanap na toktok em i wok bilong mipela olgeta long putim iau na harim.

Gavana Jenerel i tok ol pikinini i bikpela samting long dispela graun bikos i gat planti pikinini moa long ol bikpela manmeri na tu ol i lida bilong bihain taim.

Em i tok PNG i wanpela bilong ol developping kantri na mipela i mas was gut long ol pikinini na lukim sir-daun bilong ol pikinini i kamap gut.

Long 50 yia i go pinis UN Jenerel Asembli i tokaut long dispela rait bilong pikinini long 1959. Konvensen long rait bilong ol pikinini i save kamap long kamapim luksave long rait bilong ol pikinini.

Dispela i bilong luksave long rait bilong

pikinini na ol yangpela aninit long 18 krismas.

Insait yet long Papua Niugini moa long 2 milien pikinini i stap aninit long 18 krismas we planti bilong ol i stap long ol asples.

Wanem samting ol pikinini long ples i save laikim i no wankain olsem laikim bilong pikinini long taun.

Sir Paulias Matane i tok olsem i gat planti samting we i save bagarapim ol pikinini olsem HIV/AIDS, TB o nogat bilas na kaikai samting.

"Mi laik kisim dispela taim tu long tok amamas i go long ol famili husat i luksave na i save helpim na strongim ol pikinini na givim sapot", em i tok.

Sir Paulias i tok salens nau em long ol pipel i mas lukautim na developim ol pikinini long kamapim gutpela manmeri bilong kantri long bihain taim.

Lo na Jastis section

Bomana Polis Trening Kolis - I soim piksa bilong taim bipo

OL BIKHET pasin bilong ol polis-man long paitim ol manmeri nating, o paitim na bagarapim ol lain polis i ting i mekim trabel na ol wanwok polis-man yet em sampela kain pasin yumi ken lukluk i go insait long rot na pasin ol polis i save kisim trening bilong ol.

Bomana Polis Kolis i save bihainim stail bilong ol ami. Ol i save mas o

pereid wantaim ol sotgan long han bilong ol na kisim trening olsem ol soldia.

Ol samting bilong trening ol polis opisa i no sut long pasin bilong Melanesien Polis Sevis o olsem komyuniti polis. Pablik i ken ting olsem ol polis i kisim trening long pait na bagarapim ol manmeri.



Wokman

wantaim sik AIDS bai kisim longpela malolo

OL WOKMAN bilong PJV husat i gat sik HIV/AIDS i ken amamas long wanem kampani bai givim sapot yet long ol na i no inap long lusim ol i stap long ol yet.

Wanpela nupela polisi bilong Pogera Joint Venture (PJV) i bilong helpim ol wokman bilong em husat i gat sik HIV/AIDS long kisim longpela malolo.

Aninit long dispela nupela polisi ol wokman na meri husat i kisim bagarap o sik ausait long wok bilong ol na i pasim ol long mekim wok bai i kisim helpim long PJV.

Dispela nupela polisi i luk olsem i namba wan insait long PNG na Australia tu.

Longpela malolo o extended sick leave polisi i bilong helpim ol wokman husat i laikim moa taim long kamap orait long sik bilong ol na bihain go bek gen long wok.

Dispela polisi i karamapim tu ol wokman husat i bin go kisim biut tes bilong HIV/AIDS long laik bilong ol yet we ol i bin painim aut olsem ol i gat dispela sik.



EASIPAY BAI I KAM LONG LAE

PNG Power Ltd i gat gutpela nius bilong ol pablik insait long Lae Provins.

Yupela bai kisim Easipay mita bilong ilektrisiti oa pawa long nupela yia. Toksave bilong wanem taim stret bai Easipay mita i kamap long Lae bai kamap klostu long ol niuspepa, redio na televisen. Easipay Mita em i wanpela system we yu bai baim ol unit pawa long yusim.

Easipay i gutpela long wanem:

- Kos bilong baim pawa i liklik
- Yu yet bai tingting long hamas mani yu laik spenim long baim pawa
- Yu yet kontrolim hamas pawa bai yu yusim
- Bai i nogat moa diskoneksen sapos yu no baim bil
- Yu no inap moa kisim ol bil long wanwan mun

Long kisim dispela sevis, yu mas baim olgeta bil bilong yu long dispela yia inap long mun Janueri na Februari, 2005. Sapos yu no baim bil bilong yu bai PNG Power i diskonektim pawa saplai i kam long haus bilong yu taim ol i putim ol Easipay i go insait long haus.

Sapos yu bagarapim ol mita oa wokim ol koneksen bilong yu yet long stilim pawa, i moa beta yu go na aplai long PNG Power Ofis klostu long yu long konektim saplai i kam long haus bilong yu gut pastaim long wok bilong Easipay i kam long hap bilong yu. Nogut bai ol i diskonektim pawa saplai bilong yu na bai yu baim bikpela mani long kisim saplai bek gen na kos bilong Easipay mita tu.

Wokim samting stret na amamas wantaim Easipay.

Sapos yu laikim moa toksave long Easipay, go long PNG Power Ofis klostu long yu oa ringim telefon namba 472 3325 or 472 2544 sapos yu stap long Lae.

Toksava i kam long Pablik Rilesens Seksen



EASIPAY BAI I KAM LONG ENB

PNG Power Ltd i gat gutpela nius bilong ol pablik insait long East New Britain Provins.

Yupela bai kisim Easipay mita bilong ilektrisiti oa pawa long nupela yia. Toksave bilong wanem taim stret bai Easipay mita i kamap long East New Britain bai kamap klostu long ol niuspepa, redio na televisen. Easipay Mita em i wanpela system we yu bai baim ol unit pawa long yusim.

Easipay i gutpela long wanem:

- Kos bilong baim pawa i liklik
- Yu yet bai tingting long hamas mani yu laik spenim long baim pawa
- Yu yet kontrolim hamas pawa bai yu yusim
- Bai i nogat moa diskoneksen sapos yu no baim bil
- Yu no inap moa kisim ol bil long wanwan mun

Long kisim dispela sevis, yu mas baim olgeta bil bilong yu long dispela yia inap long mun Janueri na Februari, 2005. Sapos yu no baim bil bilong yu bai PNG Power i diskonektim pawa saplai i kam long haus bilong yu taim ol i putim ol Easipay i go insait long haus.

Sapos yu bagarapim ol mita oa wokim ol koneksen bilong yu yet long stilim pawa, i moa beta yu go na aplai long PNG Power Ofis klostu long yu long konektim saplai i kam long haus bilong yu gut pastaim long wok bilong Easipay i kam long hap bilong yu. Nogut bai ol i diskonektim pawa saplai bilong yu na bai yu baim bikpela mani long kisim saplai bek gen na kos bilong Easipay mita tu.

Wokim samting stret na amamas wantaim Easipay.

Sapos yu laikim moa toksave long Easipay, go long PNG Power Ofis klostu long yu oa ringim telefon namba 982 9040 oa 982 9065.

Toksava i kam long Pablik Rilesens Seksen

O'Neil na Skate, noken resis long sia bilong PM

Dia Edita,

Mi ritim long Fraide, Oktoba 8, 2004, we Bill Skate i tok em i laik holim PNC bung na rausim Peter O'Neil. Oloman, yutupela i laik resis na kamap praim minista hariap? Yutupela man bilong mauswara.

**MATT DEDEBOH HOLEYAH
BANZ
WESTEN HAILANS PROVINS**

Sanapim vanilla depo long Vanimo

Dia Edita,

Bei hevi bilong mi i olsem; wanem taim tru bai tupela memba bilong Sandaun provins, Yuni na Inou i senis na kamapim wanbel tingting long kamapim wanpela depo bilong vanilla long Vanimo?

Dispela bai i ken mekim isi long olgeta fama bilong vanilla long Vanimo i ken isi long salim ol vanilla bin bilong ol na kisim mani bilong lukautim ol yet na famili bilong ol wanwan.

Yes long nau yet mipela ol fama i save

painim hat tru long salim ol vanilla bin na ol bins i wok long bagarap nating na hatwok bilong ol fama i wok long lus nating.

Olsem wanem mipela i gat man i makim mipela long Palamen o nogat?

Sapos mipela i gat lida i makim mipela long Palamen orait lida man plis opim tupela ai bilong yu na lukluk i go bek na tingim ol turangu lus sipsip bilong yu.

**BENZIE A IWI
VANIMO
SANDAUN PROVINS**

Kagua Erave stesen i nogat senis

Dia Edita,

Mi singaut i go long ol distrik edministreta na memba bilong Kagua Erave David Basua olsem Kagua stesen i nogat senis.

Wanem taim bai polis stesen, distrik opis, DPI opis, hai skul, haus sik na rot i senis liklik? I gat JDP i stap o nogat?

Sapos i stap plis ol Join Distrik Baset komiti i sindaun na skelim ol projek. No ken slip tumas.

Kagua Erave i karamapim Wabi Sumi, Kuare, 7 Kona, Sentral, Erave, Kadoloma i no stesen, noken karim ol sevis i go long hap tumas.

Mekim gut olsem lida na pinisim wari bilong pipel.

**MATT DEDEBOH HOLEYAH
MT HAGEN
WESTEN HAILANS PROVINS**

Tingim ples pastaim na bihain kantri

Dia Edita,

Mi rait long amasim wok bilong Minista bilong Agrikaisa na Laipstok na memba bilong Kundiawa Gembolg, Mathew Siune.

Yu wokim gutpela wok na raun long olgeta hap bilong provins. Mipela ol pipel bilong yu long Kundiawa Gembogl i amamas long yu kisim nem bilong mipela long developim kantri bilong

yumi.

Tasol mipela i gat wari olsem yu mas bihainim tingting bilong gavana bilong Simbu na pinisim dispela rot na pawalain projek long Kundiawa i go long Gembogl.

Gutpela long tingim kantri tasol tingim ples we ol manmeri i makim yu long en.

**WAMUGL KUMUGL
BOMANA**

Skelim gut sik AIDS pastaim

Dia Edita,

Mi raitim pas bihainim wanpela het tok kamap long *Wantok Niuspepa* namba 1579 we i tok: Prea long hevi bilong sik AIDS, i kam long Pasta bilong inta dinominesenel felosip grup Daniel Hewali.

Pasta Hewali i askim sapos ol arapela sios dinominesen i ken bungim het na han wantaim long prea long dispela hevi we sik AIDS wok long kamapim.

Tingting bilong Pasta Hewali i gutpela, na em i wanpela we long mekim na yumi lukim sapos i gat senis long dispela hevi AIDS i wok long kamapim long kantri o nogat.

Long mi yet, na tingting bilong mi i go olsem: mi lukim na ritim planti stori, na toktok i wok kamap long niuspepa na EMTV long olgeta taim hamas yia i go pinis na i kam inap yia 2004 nau, i luk olsem i nogat senis i kamap yet long dispela sik AIDS. Gavman i putim bikpela mani tumas long pait wantaim dispela sik AIDS na traim painim moa we long stopim dispela sik AIDS tasol! Gavman i no kisim yet bekim bilong stopim dispela sik AIDS.

Ol arapela lain tu, olsem AusAID na UN, na EU na wanem moa long ol dispela helpim o aid i save kam long arapela kantri i save go insait long mekim wok bilong ronim ol kainkain progrem na holim ol kainkain wokwop long skulim ol manmeri, pikinini long we long lukautim yu yet long yu noken kisim dispela sik AIDS, tasol mi lukim olsem ol dispela bikpela mani tru i save lus nating na sampela em ol man i save paol long i no save i go na mekim wok stret.

Yet bai yumi askim moa mani na traim

long painim arapela wei gen long traim stopim sik AIDS tasol ol dispela tu i no save wok.

Mi tokaut long tingting bilong mi olsem mi yet mi ting bai i nogat man inap long painim asua bilong wanem marasin tru inap long kilim na stopim sik AIDS olgeta. Mi yet mi ting olsem, i no gutpela tu long ol sios long prea long God long traim kisim bekim long dispela sik AIDS na we rot bai dispela sik AIDS i ken pinis olgeta.

Mi ting tasol olsem nogat dispela sik AIDS em i wanpela rot we God i larim long kamap long skulim yumi olsem pasin pamuk nau i wok long kamap bikpela tru long olgeta ples graun na olgeta manmeri nau i no moa save bihainim tok bilong God na stap aninit long lo bilong en. Ol manmeri ol i mekim nambaut na pasin bilong ol i kamap olsem siti bilong Sodom na Gomorah na dispela kain tasol i bringim belhat bilong God kam daun long ples graun. Olsem na taim sik AIDS i stat kamap na i kam inap nau i nogat yet marasin bilong kilim ol binatang na stopim dispela sik AIDS.

Bai yu painimaut tu olsem olgeta saintis long olgeta ples graun i wok hat tru i stat long taim AIDS i kamap i kam inap nau. Ol i no nap yet long painim wanpela marasin we inap long kilim binatang bilong AIDS na oraitim sikman we i gat dispela sik AIDS. Moa yet taim ol i wok long painim rot bilong stopim dispela sik AIDS planti tausen na milien manmeri i wok long dai olgeta de bilong wanem? Mi ting bekim em God yet i pasim save (wisdom) bilong em long ol saintis long ol i no inap tru long painim bekim long stretim dispela sik AIDS.

Mi bai tok olsem: Sik AIDS em narakain tru we olgeta manmeri i nogat save long em tasol God em wan i save. Yumi ken pre tasol bai i nogat bekim inap God yet i kam insait. Mi bilip olsem taim ol manmeri ol i stat long pret long God nau na ol stat long lotu long em long pasin i stret na pasin i tru na apim nem bilong em na mekim ol samting i bihainim laik bilong God na long Kristen pasin na wokabout stret long ai bilong God na laip bilong ol i soim trupela Kristen pasin we i soim laip bilong Krai i go long narapela we em i no save long God.

Na God yet taim em lukim olsem dispela em pasin we em laikim na amamas long en mi bilip bai em i givim save long ol saintis nau bai ol painim ansa bilong dispela sik AIDS. Sapos nogat sori tru bai ovasis helpim na Gavman bai tromoi bikpela mani tru long AIDS aweanes tasol bai yumi no inap stopim AIDS. Em sik God larim i mas kamap.

Yupela tok Kristen kantri, tasol dispela i no soim piksa bilong Kristen kantri olsem na bekim bilong stopim sik AIDS i stap long yu wanwan. Yu yet em i bekim bilong stopim sik AIDS na i no painim rot o marasin i as na bekim, nogat tru. Mi bilip long God na mi bilip mi yet em i bekim bilong abrusim AIDS taim mi pas tru wantaim Krai mi bai abrusim dispela sik AIDS.

**AIDS OBSERVER
LORENGAU
MANUS PROVINS**



Walindi

...Wanpela bilong ol naispela liklik haus we ol lain husat i go long Walindi Daiv Risot long Kimbe, Wes Nu Briten provins, i ken stap na slip long en. Ol i no mekim ol dispela liklik haus logg stail bilong ol wait man tasol long stail bilong Papua Niugini stret. PNG i gat bikpela sans long kamap wanpela bikpela turisim kantri, tasol olgeta i mas wok bung wantaim long mekim dispela i kamap. Foto: PNGBD.COM

Papua Niugini i mas stop long dinau

Dia Edita,

Mi ritim long niuspepa Oktoba 21, 2004 olsem Minista bilong Fainens, Bart Philemon, i wok long toktok wantaim ol gavana olsem kantri bilong mipela i gat K8 bilien kina dinau.

Plis mi laik askim Mista Philemon na Praim Minista Sir Michael Somare, dispela dinau mipela i harim bipo yet na i wok long kam. Wanem taim bai i pinis? Ol mani mipela save kisim taim yumi save eksptim ol risos i save go we? Na tu mani mipela save kam long ol gavman

takis?


Olgeta praim minista i save go pas long kantri ol i save tokaut stret olsem yumi gat dinau. Sir Michael Somare i stap yumi gat dinau, Sir Julius Chan em wankain. Paias Wingti, Sir Rabbie Namaliu, Bill Skate, tu wantaim. O plis, nogat tru wanpela praim minista na gavman bilong em bai nem bilong em i klin long dinau mani. Turangu long mipela ol grasruts.

Mi askim Sir Michael na Mista Philemon long raun lukluk long olgeta provinsel hetkota mipela ol grasrut i laik toktok wantaim

ol long dispela dinau. Bilong wanem na olgeta taim dinau? Husat tru i save kisim dinau? Mani bilong ol risos i save go we?

Em ol dispela askim mipela laik askim na save. Yumi toktok long ol risos bilong solwara, antap long graun, aninit long graun, turis, kalsa na planti moa.

**WARREN TULE
KIMBE
WES NU BRITEN PROVINS**



Salim pas i kam long
WANTOK
Niuspepa
P.O. Box 1982,
Boroko, PNG

WANTOK
KOMENTRI

AIDS go insait long betrum

Planti famili nau i gat sik AIDS. Papa i karim sik i go givim long mama na mama i givim long pikinini long bel na famili i no stap gut moa.

Dispela pasin i kamap klia pinis planti bikpela wok painimaut na luksave insait long ol arapela kantri na tu long Papua Niugini. Sampela marit i dai pinis long dispela sik fasol we rot bilong em i op bikos papa i karim i go long haus.

Long ol yangpela em yangpela meri i save kisim dispela sik na ol papa i no save na mekim nating na karim i go long famili bilong em long haus.

Wanpela gutpela nek mi save harim long redio na televisen we i tok, yu karim sik AIDS i kam long haus na givim long mi (mama) mi pret long tokim yu bikos nogut bai yu rausim mi long haus.

Sapos mama i no tokaut olsem em i kisim sik AIDS em nau famili bilong em bai i wok long dai isi.

Wanpela ripot i kam long Wol Helt Ogenaisesen (WHO) i tok lukaut olsem planti nupela HIV binatang i wok long kamap insait long ol marit laip. Planti taim ol man i save givim dispela sik bilong HIV AIDS long ol meri bilong ol.

Ripot i tok ol meri i gat bikpela sans moa long kisim dispela sik nogut. Ol marit meri long kantri olsem Kembodia long Vietnam na Tailen husat i gat wanpela man tasol nau i soim sain bilong kisim dispela binatang bilong HIV.

Dispela em bikos ol man i save go raun spak na mekim pamuk raun na kisim sik nogut ya i go long betrum.

Em i nogut pasin tru na moabeta olgeta manmeri i mas sekim ol yet pastaim long ol i marit. Nogut ol i kilim poroman bilong ol nating.



Yu Papua Niugini o yu op kat?

Tupela wik i go pinis mi bin toktok long politiks bilong gavman na oposisen. Bai yumi kam bek gen long dispela neks wik. Dispela wik yumi lukluk long pasin bilong givim luksave long ol narapela manmeri na pikinini.

Yumi olgeta man na meri, na ol pikinini i gat raits na tu yumi gat wok. Yumi olgeta i gat wankain raits. I no wanpela tasol i gat raits na ol narapela manmeri na pikinini i nogat.

Yumi gat raits long stap laip, muv raun fri, long autim tingting bilong yumi, long malolo na kisim win, na yumi gat raits long stap olsem wanpela memba bilong famili, hauslain na bilong kantri. Long Papua Niugini, ol dispela raits bilong ol manmeri na pikinini i kisim luksave long Mama Lo bilong kantri.

Sapos yumi olgeta manmeri na pikinini i gat wankain raits, orait yumi gat wok long repektim raits bilong ol narapela manmeri na pikinini. I no inap mipela i askim ol narapela manmeri long repektim yumi na yumi, lus tingting long ol.

Long Mt Hagen long dispela wik, wanpela man indai na 16 manmeri i kisim bagarap taim ol papa graun na ol lain



TOK PISIN
wantaim
PETER MAIME

Isten Hailans long wanpela setelmen i pait. Tupela hailans grup ya i pait long wanpela sen su.

Ripot i tok olsem sen su ya em bilong wanpela pikinini bilong Isten Hailans tasol wanpela yangpela boi long asples Mt Hagen i stilim na werim, na pait i bruk long dispela as. Husat i gat rait long stap papa bilong dispela su? Liklik stil pasin karim bikpela pen long hauslain.

Long las Fraide em Intanesenel De bilong ol Pikinini. Ol pikinini long PNG i bin tingim dispela de na i bin gat selebresen long planti hap bilong kantri. Wanpela rot we mipela i

ken daunim planti biket pasin long PNG, em long skulim ol pikinini bilong yumi long gutpela pasin, pasin bilong laikim ol narapela manmeri, pikinini na repektim ol properti bilong ol.

Ol bikpela ples olsem Pot Mosbi, Lae, Mt Hagen, Rabaul, Goroka na Madang, em ples we ol kainkain pipel bilong PNG i stap. Dispela ol ples i no bilong wanpela hauslain o tokples. Dispela ol senta em, ol Papua i ken stap, ol Momase i ken stap, ol Hailans i ken stap na ol Niugini Ailans i ken stap.

Wanem hap ol manmeri i raun, i mas fri long wokabaut. I nogat wanpela man or meri i ken kwestenim wokabaut bilong ol.

Sapos long ol bikpela siti na taun, wanpela lain tokples o hauslain i ting em ples bilong ol na laik mekim long laik, ating ol i mas skelim gut pastaim. Taim ol waitman i no kam na tu taim kantri i no kisim independens, yumi bin stap long banis bilong yumi yet. Nau edukesen sistem i kam na planti manmeri i lusim ples bilong ol na i go skul long ol narapela provins na painim wok. Ol dispela lain i bungim ol nupela pes na wok wantaim ol.

Nau em nupela taim, yumi mas soim pasin bilong bung, serim tingting na laip bilong yumi wantaim ol narapela brata susa husat i stap wantaim yumi.

Sapos yu no fit long dispela kain laip, ating yu op kat bilong Papua Niugini.

Sampela Lida bai givim yu trabel so yu mas tingting gut pastaim

WANPELA narapela eria we planti Lida save painim hevi em long:

1. Ol i laik helpim pipel tasol ol yet i no bihainim gut rot bilong mekim samting na planti taim ol i putim ol yet long trabel

2. Planti tai mol Lida laik wokim sotkat long mekim samting na i no save skelim gut ol polisi na prosija o rot bilong mekim samting na ol yet stap long trabel

3. Ol pipel tu givim moa hevi na presa i go long ol lida na dispela em mekim ol lida i laik kisim samting long rong wei na painim hevi na trabel



OL PRINSIPOL BILONG GUTPELA LIDA
wantaim
Pastor na Evangelist OHARE JABERE

Olsem na yumi lukim sampela taim, ol man i ken jeles long yu na traim long mekim samting we yu yet i no save, tasol yu wokim bai yu yet yu stap long trabel na ol bai abrus.

Ol i ken kam pusim yu long sainim nem bilong yu na yu

was mas gut long dispela. Yu laik amamasim ol man i go bai yu bungim taim nogut. Yu mas mekim samting long rait wei na bai yu stap gut.

Sapos nogat, yu yet bai yu digim baret bilong yu yet na bai yu pundaun. Was gut na lukluk gut na banisim yu yet na

gutpela nem bilong yu. Gutpela nem em i winim mani na bilas. Yu mas bilasim yu yet wantaim gutpela nem na i no nem nogut.

Planti ol i save bilas wantaim gutpela-siot, trausis na nektai or smatpela su tasol nem bilong ol i no gutpela. Gutpela nem na rispek em i bikpela samting tru. Wantaim gut nem bai opim rot long planti gutpela samting.

Proverbs 20:27 - Spirit bilong yumi olsem lam bikpela i bin givim yumi bilong yumi ken lukim olgeta tingting na pasin bilong yumi, na bai yumi inap skelim gut.

WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia
52 niuspapa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Yakam Kelo

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 15%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Published by Jeremy Burgess and printed by Pacific Star P.O. Box 6817 Boroko NCD at allotment 13 section 38 Waigani drive, Port Moresby

Meri pulamapim pes long ring Ingran:

Elaine Davidson em namba wan meri long wol wantaim planti iau ring stret long bodi bilong em. Long dispela poto Elaine soim olsem em i gat namba mak bilong 2520 iau ring olgeta. Ol i kisim dispela poto long London we ol i bin makim namba 50 anivesari bilong



Guinness World Records.

Mak bilong ai bagarap


Wanpela man lukluk long wanpela traipela ai long vidio. Wanpela stadi we i bin kamaut long Tunde i tok olsem ol manmeri we i save yusim tumas ol komputa o masin na i ai nogut liklik i gat bikpela sans long kamap ai pas.



Manki kisim bagarap long pes na bel



Irak: Nes bilong ami bilong Yunaitet Stets ov Amerika (USA), Kepten Marvetta Walker, i lukautim wanpela manki Fallujah, husat i gat 9-pela krismas, long 31st Kombet Sapot Haus Sik long Baghdad, Irak. Dispela manki i kisim bagarap long pes na bel bilong em na em i stap long mak bilong dai long Mande, Novemba 15. Dispela haus sik i lukautim ol manmeri bilong Amerika na ol arapela lain tu husat i kisim bagarap long dispela pait long Fallujah.



Ronawe long Fallujah

Irak: Ol soldia bilong Nesenel Gad bilong Irak i kisim mak olsem 300 i go inap 500 manmeri bilong Fallujah i go long wanpela gutpela ples ausait long Fallujah.

Tambu long tabako

Himalaya: Wanpela lapun man i simukim sigaret long dispela poto. Kingdom bilong Bhutan long Himalaya bai kamap nambawan kantri long wol long putim tok tambu long ol man long salim tabako.



Ol Wantok pre

Meksiko: Ol wantok bilong Antonia, husat i gat

sik hepatitis o sik bilong liva, i pre long em taim ol i go lukim em long haus sik bilong Chimaltenangos we i stap 95 kilomita wes long Guatemala Siti. Long wanpela bung insait long Meksiko Siti, ol helt minista bilong 30-pela kantri i bin stap. As bilong dispela bung em bilong painim wanpela gutpela we long bringim save bilong marasin go long ol kantri long wol we i nogat inap mani na inap save long marasin.

Dolpin wantaim raba tel

Jepen: Dispela poto i soim wanpela dolpin, nem bilong em Fuji, kalap kam ausait long akweriam o wara tenk bilong of pis long sauten ailan bilong Jepen, Okinawa. Fuji i namba wan pis long wol long gat giaman fin o tel ol i mekim wantaim raba. Wanpela kampani bilong Jepen we i save mekim taia, i mekim dispela giaman tel bilong Fuji.



Ol pikinini Afrika wantaim AIDS

Ol pikinini long Afrika wantaim AIDS. Ol manmeri bilong Afrika i bin mekim kamap long AIDS. Ol manmeri bilong Afrika i bin mekim kamap long AIDS. Ol manmeri bilong Afrika i bin mekim kamap long AIDS.


APEC kibung long Sili



Sili: Presiden bilong Sili, Ricardo Lagos (Iephan), i toktok wantaim Praim Minista bilong Keneda, Paul Martin, long opis bilong Presiden Ricardo we i stap insait long La Moneda Pales long Santiago long Novemba 21. Martin na Lagos i bin go long kibung bilong Esia Pasifik Ikonmik Koperesen (APEC) we i save kamap long wanpela taim long olgeta yia. APEC kibung bilong dispela yia i bin pinis long Mande, Novemba 22.

Iran stopim bom ol i mekim

Iran: Namba wan nuklia bilong mekim bom bilong Iran, Hassan Khomeini, i toktok wantaim ol manmeri bilong Iran. Em i tok olsem long Novemba 22, Iran sampela long ol nuklia bilong ol.





Rice i kisim ples bilong Powell
 naitet Stets ov Amerika:
 esenel Sekyuriti Edvaisa bilong Yunaitet
 Stets ov Amerika (USA), Condoleezza Rice, i
 nap aninit long ambrela na harim Presiden
 George W. Bush toktok long ol ami bilong
 rt Hood long Texas long dispela poto ol i
 im long Epril 11, 2004.
 mpela sinia edministresen opisel i tok
 em ol bai givim nem bilong Rice long
 im ples bilong Colin Powell husat i bin
 ain o lusim sia bilong em olsem Seketeri ov
 st.




Kenya na Uganda helpim India
 India:
 Andhra Pradesh, wanpela sauten Indian stet, i kisim
 bikpela hevi long dispela taim bilong nogat wara. Em i
 sainim wanpela tok orait wantaim Kenya na Uganda
 long salim mak bilong 500 fama bilong em i go long wok
 long graun bilong ol dispela Is Afrikan kantri.



Tambu long gan
 Ivory Coast:
 Ol liklik manki pilai long fran bilong wanpela Frans
 ami tenk long Abidjan. Ol diplomet i tok olsem
 Yunaitet Nesens (UN) Sekyuriti Kaunsel bai putimaut
 wanpela tok tambu long ol gan na ol arapela masin
 bilong kilim man insait long Ivory Coast.

IUS



Yurap baim ges nogut
 Hungary:
 Ges we i gat carbon dioxide na liklik bilong hydrogen
 sulphide, ol tupela ges nogut, i kamaut long wanpela
 wet bilong ges long Hungary. Wanpela Yuripian mar-
 ket we i save baim carbon bai stat long baim carbon
 long Januari. Ol lain bilong Yunaitet Nesens (UN) i
 mekim dispela long daunim liklik hevi bilong ol
 kampani we i save tram long daunim ol ges nogut.
 Ol dispela ges nogut save mekim na weda save saris
 na graun i wok long kamap hot tumas.



Miting long stopim pait
 Sudan:
 Ol paitman bilong Sudan Liberesen Ami i
 patrol long wanpela hait ples long Not
 Darfur, Sudan. Ol Embeseda bilong
 Yunaitet Nesens (UN) Sekyuriti Kaunsel
 bai go long Kenya long wanpela bung.
 Long dispela bung ol bai toktok long
 stopim sivol woa long Sudan, we i bin ron
 long longpela taim tumas, na tu stopim
 dispela arapela pait long Darfur.

Stom Muifa kamap long Filipins

Filipin:
 Ol dispela man i bin lus long solwara bihain
 long bot bilong ol i bin kapsait long taim
 bikpela ren na win, ol i kolim Stom Muifa, i
 bin kamap long Filipins long wiken. Dispela
 poto i soim ol i wet i stap long Filipin Kos
 Gad Het opis long Manila bihain long dokta
 i bin lukim ol. Stom Muifa i kilim 6-pela man
 pinis.



India i painim we long stretim ol taim nogut bilong tait wara


India:
 Praim Minista bilong
 India Manmohan
 Singh i tok olsem
 Gavman bilong em i
 toktok long
 kamapim wanpela
 institusen wankain
 olsem Tennessee
 Valley Authority we
 i stap long Yunaitet
 Stets ov Amerika.
 Dispela institusen
 bai helpim India
 long taim bilong tait
 wara we i save
 kamap long India
 long olgeta yia.



Dispela poto i soim Praim Minista Singh long Julai 27, 2004.

rukli save

marasin
 opisel
 lowhani,
 niusman
 tel siti
 Mande,
 stopim
 lia wok



Viktor Yuschenko i nupela presiden bilong Yukrein

Yukrein:
 Wanpela meri i wet long
 putim mak bilong vot
 bilong em long Kiev.
 Pro-Westen (sapota
 bilong westen) oposisen
 lida Viktor Yushchenko i
 winim pinis resis long
 kamap presiden bilong
 Yukrein.



Pre long Matmat

Palestain:
 Wanpela meri
 Palestain i pre long
 matmat bilong bipo
 lida bilong
 Palestain, Yasser
 Arafat, long
 Muqataa. Hedkota
 bilong Arafat i bin
 save stap long dis-
 pela ples bipo long
 em i bin bagarap.

"Las Ples"

Paela-Hewa

Stori bilong Paela-Hewa, bilas bilong Enga.

James Kila i raitim

PAELA na Hewa em ol las ples tru insait long Enga provins, tasol kala na bilas bilong dispela ol ples em i narakain na stail moa yet.

Paela em i stap long distrik bilong Lagaip Porgera na wanpela maunten i pasim dispela ples long Porgera na Paela Veli. Aninit long dispela maunten em bikpela developmen bilong gol projek i stap.


Mi bin krungutim dispela ples tupela wik i go pinis wantaim ol wanwok bilong mi bilong Kopi Industri Koporesen (CIC) na tru tumas mi ken tokaut olsem dispela ples em wanpela paradais bilong Enga provins.

Ol pipel bilong Paela i save groim gutpela kopi, tasol wanpela bikpela hevi ol i bungim em turangu nogat gutpela rot bilong karim kopi bilong ol i go aut long maket. Na narapela samting tu em nogat gutpela maket bilong ol long salim kopi bilong ol.

Insait long dispela raun bilong mi i go long Paela mi lukim olsem dispela ples em wanpela gutpela ples tru em ol turis i ken amamas long lukim ples na kisim poto na tu skelim ol gutpela bus na ples bilong yumi long Papua Niugini.

Mipela i bin ron long wanpela ka bilong ol Porgera Joint Venture (PJV) i go olsem long Paela. Dispela ron bilong ka i kisim samting olsem 4-pela aua olgeta. Tasol maski mipela i pilim skin pen na bam bam nabaut mipela i amamas long kisim gutpela win bilong maunten na tu ol gutpela bus na ples long rot mipela i abrusim i mekim mipela i kisim gutpela fres filings stret.

Bihain long mipela i lukim mausrot we i go olsem long Maunt Kare, mipela i katim i go daun long rot i go olsem long Paela Veli. Dispela rot i go daun liklik na mipela i ken pilim hot



Bikpela maunten namel long Paela na Mt Kare long Enga.

i wok long kisim mipela. Dispela ples i hot wantaim olsem ol hap bilong lsten Hailans olsem Lufa o Apa Bena.

Mipela i ron i go na katim Wara Yambale. Dispela wara i kamdaun long maunten na kol bitong wara i wankain olsem kol wara long boksais stret. Mi bin dring dispela maunten wara na tru tumas kol bilong dispela wara i kisim stret lewa bilong mi na mi filim nais tru.

Taim mipela i kamap long Paela ol lain long ples i poinim i go long hap-

sait bilong wanpela bikpela maunten na i soim mipela Oksapmin long Wes Sepik.

Ol i tok ol manmeri i save wokabaut tupela de i go kamap long hap. Mipela i sanap long liklik ples balus long Paela na mipela i bin lukluk i go long dispela ples.

Dispela lukluk raun bilong mipela i go long Enga provins em long skelim sapos kopi i save kamap gut long hap na ol fama i mekim wok kopi developmen long dispela hap. Dispela wok-

about bilong mipela em Porgera Joint Venture (PJV) Sastanabol Developmen Dipatmen i bin kamapim.

Insait long dispela wokabaut bilong mipela, mipela i painimaut planti samting tru we i no orait tumas na i mekim ol pipel i no kisim gutpela sevis ol i laikim.

Ol didiman i bin bringim kopi i go insait long Paela Veli long 1973. Tasol taim ol didiman i kisim dispela ol sid i go insait long dispela ol hap ol i no skelim ol fama wanem samting tru em wok bilong kopi na dispela i paulim tingting bilong planti ol fama.

Sampela ol fama i groim kopi tasol bihain ol i painimaut olsem nogat gutpela maket bilong dispela samting na ol i lus tingting na gaden bilong ol i go bus.

Ol kopi diwai tu i go bikpela na ol manmeri i kisim ol diwai kopi na wokim hendol bilong tamiok na tu kisim ol diwai olsem paiawut na tu yusim long wokim ol banis long gaden.

Insait long wokabaut raun bilong mipela, mipela i bin skelim ol lain fama long ol bikpela wok bilong kopi na wanem ol gutpela rot ol yet i mas mekim long kamapim gutpela kopi, salim na kisim mani.

Turangu ol fama long Paela i no gat gutpela rot long kisim kopi bilong ol i go long maket. Dispela em bikos rot i longwe tumas na ol kopi baiya o lain bilong baim kopi i les long ron long longpela hap i go olgeta long Paela na baim kopi.

Mi ken tok tru olsem dispela ples long Enga provins em wanpela stail bilas ples stret. I gat planti samting long lukim na tu gutpela kol win bilong maunten i ken mekim yu pilim nais tru na bai yu laikim tru long raun long dispela hap.



Niusman James Kila i traिम maunten wara bilong Yambale long Paela Veli.

CATHOLIC RADIO schedule

Fonde		Mande		Fonde		Mande	
6:00	ANGELUS	6:05	SUNDAY EUCHARIST (replay)	6:00	ANGELUS	6:05	MEDITATION/INSPIRATIONAL MUSIC
6:05	MEDITATION/INSPIRATIONAL MUSIC	7:00	HOLY ROSARY	7:00	VATICAN WORLD NEWS	7:05	NON-STOP GOSPEL MUSIC
7:00	VATICAN RADIO WORLD NEWS	7:30	CATHOLIC INSIGHT	7:15	VATICAN ENGLISH PROGRAM	7:35	NON-STOP GOSPEL MUSIC
7:15	VATICAN ENGLISH PROGRAM	8:00	VATICAN WORLD NEWS	8:00	REFLECTION MUSIC	8:00	NON-STOP GOSPEL MUSIC
7:35	NON-STOP GOSPEL MUSIC	8:15	VATICAN ENGLISH PROGRAM	8:15	REFLECTION MUSIC	8:15	NON-STOP GOSPEL MUSIC
8:00	JOURNEY HOME (EWTN)	8:40	IN THE LORD'S VINEYARD	8:30	REFLECTION MUSIC	8:30	NON-STOP GOSPEL MUSIC
8:05	VATICAN RADIO WORLD NEWS	10:01	NON-STOP GOSPEL MUSIC	8:40	REFLECTION MUSIC	8:40	NON-STOP GOSPEL MUSIC
9:00	VATICAN ENGLISH PROGRAM			9:00	REFLECTION MUSIC	9:00	NON-STOP GOSPEL MUSIC
9:15	VATICAN ENGLISH PROGRAM			9:15	REFLECTION MUSIC	9:15	NON-STOP GOSPEL MUSIC
9:40	KIDS SING-ALONG			9:30	REFLECTION MUSIC	9:30	NON-STOP GOSPEL MUSIC
10:00	CATHOLIC JUKEBOX			9:35	REFLECTION MUSIC	9:35	NON-STOP GOSPEL MUSIC
10:30	GOSPEL MUSIC			10:00	REFLECTION MUSIC	10:00	NON-STOP GOSPEL MUSIC
11:00	NON-STOP GOSPEL MUSIC			10:30	REFLECTION MUSIC	10:30	NON-STOP GOSPEL MUSIC
12:00	ANGELUS			11:00	REFLECTION MUSIC	11:00	NON-STOP GOSPEL MUSIC
12:05	VATICAN WORLD NEWS						
12:20	VATICAN ENGLISH PROGRAM						
12:40	REFLECTION MUSIC						
1:00	LAMB'S SUPPER WITH DR. SCHOTT HAHN						
2:00	MUSIC						
3:00	CHAPLET OF DIVINE MERCY						
3:20	NON-STOP GOSPEL MUSIC						
4:00	CATHOLIC JUKEBOX (ENCORE)						
4:30	NON-STOP GOSPEL MUSIC						
5:00	JOURNEY HOME						
6:00	ANGELUS						
6:05	MADANG LOCAL NEWS						
6:10	VATICAN ENGLISH PROGRAM						
6:30	LAMB'S SUPPER WITH DR. SCHOTT HAHN						
7:00	HOLY ROSARY						
7:30	CATHOLIC INSIGHT						
8:00	VATICAN WORLD NEWS						
8:15	MADANG LOCAL NEWS						
8:30	VATICAN ENGLISH PROGRAM						
9:00	TOK STREET LONG HVAIDS						
10:30	VATICAN ENGLISH PROGRAM						
6:00	ANGELUS	6:05	MEDITATION/INSPIRATIONAL MUSIC	6:00	ANGELUS	6:05	MEDITATION/INSPIRATIONAL MUSIC
7:00	VATICAN WORLD NEWS	7:05	NON-STOP GOSPEL MUSIC	7:00	VATICAN WORLD NEWS	7:05	NON-STOP GOSPEL MUSIC
7:15	VATICAN ENGLISH PROGRAM	7:35	NON-STOP GOSPEL MUSIC	7:15	VATICAN ENGLISH PROGRAM	7:35	NON-STOP GOSPEL MUSIC
7:35	NON-STOP GOSPEL MUSIC	8:00	RADIO ST. JOSEPH PRESENTS	8:00	RADIO ST. JOSEPH PRESENTS	8:00	RADIO ST. JOSEPH PRESENTS
8:00	VATICAN WORLD NEWS	9:00	VATICAN WORLD NEWS	9:00	VATICAN WORLD NEWS	9:00	VATICAN WORLD NEWS
9:15	ENGLISH PROGRAM	9:15	ENGLISH PROGRAM	9:15	ENGLISH PROGRAM	9:15	ENGLISH PROGRAM
9:35	KIDS SING-ALONG	9:35	KIDS SING-ALONG	9:35	KIDS SING-ALONG	9:35	KIDS SING-ALONG
10:00	CATHOLIC JUKEBOX	10:00	CATHOLIC JUKEBOX	10:00	CATHOLIC JUKEBOX	10:00	CATHOLIC JUKEBOX
10:30	NON-STOP GOSPEL MUSIC	10:30	NON-STOP GOSPEL MUSIC	10:30	NON-STOP GOSPEL MUSIC	10:30	NON-STOP GOSPEL MUSIC
12:00	ANGELUS	12:00	ANGELUS	12:00	ANGELUS	12:00	ANGELUS
12:05	VATICAN WORLD NEWS	12:05	VATICAN WORLD NEWS	12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM
12:40	REFLECTION MUSIC	12:40	REFLECTION MUSIC	12:40	REFLECTION MUSIC	12:40	REFLECTION MUSIC
1:00	OUR FATHER'S PLAN	1:00	OUR FATHER'S PLAN	1:00	OUR FATHER'S PLAN	1:00	OUR FATHER'S PLAN
1:30	AFTERNOON GOSPEL MUSIC	1:30	AFTERNOON GOSPEL MUSIC	1:30	AFTERNOON GOSPEL MUSIC	1:30	AFTERNOON GOSPEL MUSIC
3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY
3:20	NON-STOP GOSPEL MUSIC	3:20	NON-STOP GOSPEL MUSIC	3:20	NON-STOP GOSPEL MUSIC	3:20	NON-STOP GOSPEL MUSIC
4:00	CATHOLIC JUKEBOX (EWTN)	4:00	CATHOLIC JUKEBOX (EWTN)	4:00	CATHOLIC JUKEBOX (EWTN)	4:00	CATHOLIC JUKEBOX (EWTN)
4:30	NON-STOP GOSPEL MUSIC	4:30	NON-STOP GOSPEL MUSIC	4:30	NON-STOP GOSPEL MUSIC	4:30	NON-STOP GOSPEL MUSIC
5:00	WAVE FACTOR (EWTN)	5:00	WAVE FACTOR (EWTN)	5:00	WAVE FACTOR (EWTN)	5:00	WAVE FACTOR (EWTN)
6:00	ANGELUS	6:00	ANGELUS	6:00	ANGELUS	6:00	ANGELUS
6:05	VATICAN ENGLISH PROGRAM	6:05	VATICAN ENGLISH PROGRAM	6:05	VATICAN ENGLISH PROGRAM	6:05	VATICAN ENGLISH PROGRAM
6:30	FATIMA	6:30	FATIMA	6:30	FATIMA	6:30	FATIMA
7:00	HOLY ROSARY	7:00	HOLY ROSARY	7:00	HOLY ROSARY	7:00	HOLY ROSARY
7:30	STATIONS OF THE CROSS	7:30	STATIONS OF THE CROSS	7:30	STATIONS OF THE CROSS	7:30	STATIONS OF THE CROSS
8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS
8:15	CRN LOCAL NEWS	8:15	CRN LOCAL NEWS	8:15	CRN LOCAL NEWS	8:15	CRN LOCAL NEWS
8:30	VATICAN ENGLISH PROGRAM	8:30	VATICAN ENGLISH PROGRAM	8:30	VATICAN ENGLISH PROGRAM	8:30	VATICAN ENGLISH PROGRAM
9:00	TOK STREET LONG HVAIDS	9:00	TOK STREET LONG HVAIDS	9:00	TOK STREET LONG HVAIDS	9:00	TOK STREET LONG HVAIDS
10:00	CATHOLIC JUKEBOX	10:00	CATHOLIC JUKEBOX	10:00	CATHOLIC JUKEBOX	10:00	CATHOLIC JUKEBOX
10:30	VATICAN ENGLISH PROGRAM	10:30	VATICAN ENGLISH PROGRAM	10:30	VATICAN ENGLISH PROGRAM	10:30	VATICAN ENGLISH PROGRAM
11:00	NON-STOP GOSPEL MUSIC	11:00	NON-STOP GOSPEL MUSIC	11:00	NON-STOP GOSPEL MUSIC	11:00	NON-STOP GOSPEL MUSIC
6:00	ANGELUS	6:05	MEDITATION/INSPIRATIONAL MUSIC	6:00	ANGELUS	6:05	MEDITATION/INSPIRATIONAL MUSIC
7:00	OUR FATHER'S PLAN	7:00	OUR FATHER'S PLAN	7:00	OUR FATHER'S PLAN	7:00	OUR FATHER'S PLAN
7:30	CROSSROADS (EWTN)	7:30	CROSSROADS (EWTN)	7:30	CROSSROADS (EWTN)	7:30	CROSSROADS (EWTN)
8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS
8:15	VATICAN PROGRAM	8:15	VATICAN PROGRAM	8:15	VATICAN PROGRAM	8:15	VATICAN PROGRAM
8:35	MUSIC	8:35	MUSIC	8:35	MUSIC	8:35	MUSIC
9:30	BACKSTAGE (EWTN)	9:30	BACKSTAGE (EWTN)	9:30	BACKSTAGE (EWTN)	9:30	BACKSTAGE (EWTN)
10:00	WAVE FACTOR	10:00	WAVE FACTOR	10:00	WAVE FACTOR	10:00	WAVE FACTOR
11:00	NON-STOP GOSPEL MUSIC	11:00	NON-STOP GOSPEL MUSIC	11:00	NON-STOP GOSPEL MUSIC	11:00	NON-STOP GOSPEL MUSIC
12:00	ANGELUS	12:00	ANGELUS	12:00	ANGELUS	12:00	ANGELUS
12:05	VATICAN WORLD NEWS	12:05	VATICAN WORLD NEWS	12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM
12:40	GOSPEL MUSIC	12:40	GOSPEL MUSIC	12:40	GOSPEL MUSIC	12:40	GOSPEL MUSIC
3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY
3:20	GOSPEL MUSIC	3:20	GOSPEL MUSIC	3:20	GOSPEL MUSIC	3:20	GOSPEL MUSIC
4:00	BACKSTAGE	4:00	BACKSTAGE	4:00	BACKSTAGE	4:00	BACKSTAGE
4:30	NON-STOP GOSPEL MUSIC	4:30	NON-STOP GOSPEL MUSIC	4:30	NON-STOP GOSPEL MUSIC	4:30	NON-STOP GOSPEL MUSIC
5:00	WORLD OVER NEWS	5:00	WORLD OVER NEWS	5:00	WORLD OVER NEWS	5:00	WORLD OVER NEWS
6:00	ANGELUS	6:00	ANGELUS	6:00	ANGELUS	6:00	ANGELUS
6:05	VATICAN ENGLISH PROGRAM	6:05	VATICAN ENGLISH PROGRAM	6:05	VATICAN ENGLISH PROGRAM	6:05	VATICAN ENGLISH PROGRAM
6:30	MIRACLES OF THE CROSS	6:30	MIRACLES OF THE CROSS	6:30	MIRACLES OF THE CROSS	6:30	MIRACLES OF THE CROSS
7:00	HOLY ROSARY	7:00	HOLY ROSARY	7:00	HOLY ROSARY	7:00	HOLY ROSARY
7:30	CROSSROADS	7:30	CROSSROADS	7:30	CROSSROADS	7:30	CROSSROADS
8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS	8:00	VATICAN WORLD NEWS
8:15	VATICAN ENGLISH PROGRAM	8:15	VATICAN ENGLISH PROGRAM	8:15	VATICAN ENGLISH PROGRAM	8:15	VATICAN ENGLISH PROGRAM
9:00	WORLD OVER NEWS (EWTN)	9:00	WORLD OVER NEWS (EWTN)	9:00	WORLD OVER NEWS (EWTN)	9:00	WORLD OVER NEWS (EWTN)
10:00	BACKSTAGE	10:00	BACKSTAGE	10:00	BACKSTAGE	10:00	BACKSTAGE
10:30	VATICAN ENGLISH PROGRAM	10:30	VATICAN ENGLISH PROGRAM	10:30	VATICAN ENGLISH PROGRAM	10:30	VATICAN ENGLISH PROGRAM
10:50	NON-STOP GOSPEL MUSIC	10:50	NON-STOP GOSPEL MUSIC	10:50	NON-STOP GOSPEL MUSIC	10:50	NON-STOP GOSPEL MUSIC
6:00	ANGELUS	6:05	MEDITATION/INSPIRATIONAL MUSIC	6:00	ANGELUS	6:05	MEDITATION/INSPIRATIONAL MUSIC
8:00	VATICAN WORLD NEWS	8:15	VATICAN ENGLISH PROGRAM	8:00	VATICAN WORLD NEWS	8:15	VATICAN ENGLISH PROGRAM
8:35	NON-STOP GOSPEL MUSIC	9:00	SUNDAY EUCHARIST LIVE	8:35	NON-STOP GOSPEL MUSIC	9:00	SUNDAY EUCHARIST LIVE
10:30	NON-STOP MUSIC	11:00	IN THE LORD'S VINEYARD	10:30	NON-STOP MUSIC	11:00	IN THE LORD'S VINEYARD
12:00	ANGELUS	12:05	VATICAN WORLD NEWS	12:00	ANGELUS	12:05	VATICAN WORLD NEWS
12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM	12:20	VATICAN ENGLISH PROGRAM
12:40	GOSPEL MUSIC	12:40	GOSPEL MUSIC	12:40	GOSPEL MUSIC	12:40	GOSPEL MUSIC
3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY	3:00	CHAPLET OF DIVINE MERCY
3:20	GOSPEL MUSIC	3:20	GOSPEL MUSIC	3:20	GOSPEL MUSIC	3:20	GOSPEL MUSIC
5:00	SIGNS OF THE TIMES (RTA)	5:00	SIGNS OF THE TIMES (RTA)	5:00	SIGNS OF THE TIMES (RTA)	5:00	SIGNS OF THE TIMES (RTA)
6:00	ANGELUS	6:00	ANGELUS	6:00	ANGELUS	6:00	ANGELUS

Gavman salim Telikom, gutpela o nogut?


Telikom em i wanpela han bilong bisnis bilong gavman olsem Air Niugini, PNG Wata Bod, Elcom na bipo Papua Niugini Benking Koporesen (PNGBC) we em i save kamapim mani long mekim wok bilong em. Nau olsem Gavman i laik salim 51% (pesen) bilong ol sea bilong Telikom long Econet Wireless; bai em i yusim gut dispela mani o nogat? I bin gat planti toktok pait i go kam namel long ol pipel na Gavman, ol opisa bilong Econet Wireless na Gavman yet. Sampela toktok i kamap olsem Dokta Puka Temu, Minista bilong Stet Enterprais i tok olsem em bin go het long dispela tingting long salim Telikom maski opis bilong Atoni Jenerel na sampela ol saveman i tok nogat long em. Ol i tok Gavman i laik salim Telikom aninit long mani mak em Telikom i save mekim long wanwan yia. Ripota Paul Zuvani i raun na kisim tingting bilong ol manmeri long dispela salim bilong Telikom.



Paulus Michael

Paulus Michael i bilong Mt Hagen, Westen Hailans provins, na i pasto bilong wanpela lokel sios long Mt Hagen. Wantok Niuspepa i bungim em taim em i raun long Pot Mosbi. Em i tok em i gutpela gavman i salim Telikom long wanem Telikom i no save givim gutpela sevis long ol pipel. "Em i save kosim tumas ol manmeri long sevis em i givim long ol pipel. Olgeta yia kos bilong yusim telepon i go antap. I nogat wanpela telepon kampani long PNG we i save resis wantaim Telikom. Olgeta mani em Telikom i save kisim na bilong wanem em i save sasim nating ol manmeri long bikpela sas na oltaim i laik apim sas bilong em," Pasto Michael i tok.

Relvie Tibu i bilong Kokopo, Is Nu Britan na em wok wantaim Exxon long Gordons, Pot Mosbi. Em i amamas olsem gavman i salim Telikom. "Ol sevis em Telikom i givim i daunbilo tru. Ol wokman i no save bekim singaut bilong ol manmeri long stretim telepon bilong ol taim ol i askim ol long stretim telepon bilong ol. Mi bin wet klostu siks mun long Telikom i kam na stretim telepon bilong mi bihain long mi askim ol. Maski hamas taim mi kamap long opis bilong ol na askim ol," Tibu i tok. Na sas em i sasim long ol manmeri i antap tumas.



Mike Papol

Mike Papol i bilong Apa Mendi, Sauten Hailans provins na em i kam raun long Pot Mosbi taim Wantok Niuspepa i bungim em. Em i tok tru sampela taim Telikom i no save

givim gutpela sevis na i save givim bikpela sas long ol sevis bilong em tasol i no gutpela long em i salim Telikom. "Nogat. Gavman i no ken salim Telikom. Em lusim dispela tingting na traun long daunim sas em i save givim long ol pipel. Watpo. Gavman bai salim bisnis we i save helpim em long kamapim planti manil. Em bai longlong sapos em i salim kampani we i save mekim klostu K100m long wanwan yia long K40m tasol. O sapos em i gat strongpela tingting yet orait em i mas salim long wanpela lokel kampani yet. Dispela bai i soim olsem mani i stap yet long kantri. Em i no ken salim long kampani bilong narapela kantri."

Pania Makeni i bilong Trobrand Ailan long Milen Be provins, na em i wok wantaim Steamships Stop 'N' Shop long Waigani. Em i tok em i orait long gavman i salim Telikom. Tasol em i no laik gavman i salim long kampani bilong narapela kantri. "Gavman i save olsem em i sot long mani na em i mekim olgeta samting long lukautim gut mani. Na sot long mani na bekim ol dinau bilong em i bikpela as long em i wok long salim ol samting bilong em. Long dispela as em i mas salim long wanpela nesanel kampani we mani i no go aut. I olsem mani em i givim i stap yet long kantri. Na ating sapos wanpela kampani i baim Telikom bai yumi lukim gutpela sevis i kamap."



Jim Ipari

Jim Ipari i bilong Wabag, Enga provins, na em i wok wantaim United Sekyuriti Sevises long Gordons. Em amamas long gavman i salim Telikom long wanem em i no amamas long kain sevis Telikom i save givim long ol kastoma bilong em. Na tu sas bilong sevis Telikom i save givim i antap tumas. "Em i orait long gavman i salim Telikom bai Telikom i stap long han bilong wanpela man na olsem gutpela sevis i ken kamap. Na long wankain taim em i mas

tok orait long narapela tupela o tripela telepon kampani long kantri. Wantaim resis bai sevis i kamap orait na sas bilong ol sevis ol i givim i no ken stap antap."

Kelly Glad i bilong Amele, Madang na em i save wok wantaim Steel Industri long Gordons. Em i tok gavman i mas salim Telikom. "I gutpela gavman i salim Telikom bai gutpela ol sevis i ken go long ol pipel. Nau yet sapos samting i rong long telepon bilong yu na yu askim ol Telikom lain em i kisim klostu ol mun o sapos nogat yia long ol teknisan i kamap na stretim telepon bilong yu. Dispela long wanem ol wokman i ting ol i wokman bilong gavman na olsem ol i ken wok long laik. Maski ol i save olsem i gat wok i stap long ol i mas mekim. Wantaim kampani kain hambak pasin bai i no inap kamap."



Steven Kume

Steven Kume i bilong Kandep, Enga provins, na em i wok wantaim United Sekyuriti Sevises. Em i no laik gavman i salim Telikom. "I gutpela gavman i salim ol samting bilong em long painim mani long bekim dinau bilong em tasol long wankain taim em i mas sampela kain we long kisim gut mani. Telikom i wanpela gutpela bisnis am bilong gavman long mekim mani na sapos em i salim Telikom wantaim Elcom o Wata Bod em bai i nogat we long kisim mani. Dispela tripela bisnis am bilong gavman i save kamapim gut mani bilong gavman. Sapos em i laik salim Air Niugini dispela mi i ting em i orait. Air Niugini i save sasim nating bikpela mani long ol sevis bilong em tasol i no save kamapim gutpela win mani bilong gavman."

Michael Ruagi Guaragi i bilong Abegini, Mikarew long Madang provins. Em i tok tru em i no save yusim tumas telepon tasol sampela taim em i mas yusim em i save painim hat long wanem sas bilong

yusim telepon i antap tumas. "Long mekim laip bilong ol manmeri husat i yusim telepon Telikom i mas isi long kain sas em i save makim long ol sevis em i givim. I nogat wanpela telepon kampani i stap long resis long wantaim Telikom na olsem olgeta mani em i save kisim long ol kastoma bilong em. Em i save kisim planti mani na em bai rong sapos em (Telikom) i tok em i sot long mani. Na mi laikim narapela ol telepon kampani long kamap tu long resis wantaim Telikom."



Lewis Sindigian

Lewis Sindigian i bilong Maprik, Is Sepik provins. Em i kam raun long Pot Mosbi taim Wantok pepa i bungim em. Em i ting em i no gutpela long gavman i salim Telikom. Telikom em i wanpela we gavman i kisim mani long sapatim ol wok bilong em. Tasol long kain sevis em ol wokman i givim long ol kastoma i save givim nem nogut long kampani. "Mi sori tru long dispela. Mi lukim olsem i gat bikpela atitud problem (hevi bilong tingting na stap) long kantri. I nogat rispek long wanwan man yet na narapela na olsem maski em i wok bilong man o meri long givim sevis ol bai i no inap mekim. Dispela kain samting i daunim kantri bilong yumi. Na publik propati em bikpela i save bagarap hariap."

Kelly Mesi i bilong Sera, Aitape Sandaun provins. Em i wok wantaim Vanimo Timbers tasol i kam raun long Pot Mosbi taim Wantok bungim em. Em i tok gavman i ken salim Telikom. "Dispela long wanem gutpela sevis bai kamap. Nau yet ol wokman i ting ol i publik seven na olsem ol i no save wari tumas long kain sevis ol i givim long ol kastoma. Sapos praivet kampani i kism bai ol gutpela sevis i kamap. Long wankain taim tu mi laikim gavman i mas tok orait long narapela tupela ol tripela telepon kampani i kamap long resis wantaim Telikom. Sapos i gat resis bai gutpela sevis i kamap na sas bilong ol sevis bai daun long ol kastoma."

Bay Cruisers laik apim nem bilong Kerema

OL I kam long ples we san i save go daun isi tru long pinis long olgeta de. Em long ples lhu Distrik long Galp Provins wanpela long ol ples we i stap long bik bus na longwe long taun. Ol dispela lain em ol i kolim ol yet 'Bay Cruisers'.

As bilong nem bilong ol i kam long nambis bilong ples lhu bilong wanem wanpela rot bilong ol long go kam em long solwara tasol.

Cynthia Igua i raitim

Dispela ben i gat tupela man tasol. Man i go pas long ben em Peke "Hamz" Naunei na narapela em Andy Miro. Tupela i wokabaut long wanpela longpela rot tru long kamap long mak ol i stap long en tete.

Hatwok na bilip long strong bilong tupela yet i lukim ol i katim namba wan albam bilong ol


wantaim Chin H Meen Supersound Studios.

Tasol ol i no bin save tingting long pilai musik olsem wanpela kain wok. Tupela i bin i gat ol driman bilong ol yet we ol i laik wok na kamapim.

Tasol i no inap long namel bilong 1990 we Peke i statim wokabaut bilong em insait long musik indastri bihain long em i kisim tok strong long kandre man bilong em husat i bin



• Piksa bilong vidio klip bilong Bay Cruisers nau i save pairap long CHM Supersound Video Hits long EMTV long olgeta Fonde nait.



• Karamap bilong namba wan kaset albam bilong Bay Cruisers.

pilai wantaim wanpela biknem string ben long ples bilong em.

Long dispela taim ol i kolim ol yet X Lavi Crabs. Ol i bin mekim nem bilong ol long namel bilong 1980 na ol i bin katim wanpela albam wantaim CHM tu.

Wok bilong givim ol demo kaset long ol rekoding studio em i bikpela wok tru.

Na Peke na Andy wantaim i luksave long dispela bikpela wok. Tasol ol i tokim ol yet olsem ol i mas stap isi na wetim tasol sans bilong ol.

Bipo long ol i kisim dispela sans bilong ol, ol i bin traim tupela rekoding studio na tupela studio wantaim i no laikim musik bilong ol.

Tasol tupela i bin laki wantaim CHM na long 2003, ol i sainim kontrak bilong rekodim musik wantaim CHM.

Nau yet ol i sindaun strong long CHM Supersound Video Hits Countdown na ol i wok long pairap long redio tu wantaim ol singsing bilong ol.

Ol bikpela singsing bilong ol olsem 'Hemarai Keken', 'Orokolo Bay' na 'lhu' bai inap long laik bilong olgeta manmeri. Sapos yu wanpela man o meri husat i save laikim PNG musik, traim baim dispela albam, bai mani bilong yu i no inap lus nating.

Sapos yu save laikim Regei, Sentimentel o musik bilong salim tingting, na sapos yu laikim ol musik we pairap bilong em i save hariap tru, na sapos yu save laikim musik bilong ples wantaim, olgeta dispela kain musik i stap long albam bilong Bay Cruisers.

Long albam Peke i singsing long ol kain

kain tok ples olsem Orokolo, Motu, Tok Pisin na Kerowo.

Peke na Andy wantaim i bin laik toktok long dispela albam. Ol i tok bikpela as tingting bilong tupela long kamapim dispela albam em bilong apim nem bilong ples bilong ol na nem bilong Kerema tu.

Wanpela wokman bilong Vidio Prodaksen Kru bilong CHM husat i bin go long lhu long sutim piksa bilong nupela vidio klip bilong Bay Cruisers i tok ol manmeri bilong hap i givim bikpela luksave long em bilong wanem dispela em i namba wan taim bilong wanpela as ples man i kisim wanpela man olsem em i go long ples bilong ol long mekim vidio klip.

Lit singa bilong ben, Peke Naun i tok singsing 'lhu' i tokaut long laik bilong em long ol wanples bilong em,

graun bilong em na kalsa bilong em.

Maski i nogat ol gutpela sevis long ples bilong em olsem i gat long siti, em i bilip olsem sapos em i apim nem bilong ples bilong em long dispela albam, na sapos CHM i mekim promosen, bai i pulim developen i go long ples bilong em.

Bay Cruisers i laik tok bikpela tenkyu tru i go long CHM Supersound Studios husat i givim bikpela halivim long em.

Bikpela luksave i go long Raymond Chin long givim ol sans long rekod aninit long nem bilong CHM.

Ol i tok tenkyu long JT long halivim em i givim long dispela albam, ol poroman na wanwok bilong Kutubu, Kanai Funamari na ol manmeri long ples bilong em, Mirimura long lhu Distrik long sapat bilong ol long dispela albam.



SEKIM TV LONG DISPELA WIK:

9.30PM - FONDE NAIT- Without A Trace
Dispela nupela TV siris i kam long man husat i mekim C.S.I. Long dispela so, Jack Malone em wanpela ditektiv i go pas long wanpela spesol yunit husat i save painim ol manmeri i lus. Skwat bilong em i no save abrus. Ol i save mekim wok painimaut inap ol i painim husat man o meri i lus. Sapos yu save laik lukim C.S.I., bai yu laikim tru dispela so.

7.30PM - FRAIDE NAIT - Burke's Backyard - Las So
Sapos yu save amamas long lukim Burke's Backyard So we i save kamap long EMTV long olgeta Fraide nait, noken abrus long lukim dispela las so bilong Burke's Backyard.
Plantu manmeri insait long PNG i save kisim stia tok long sait bilong wok gaden long dispela man Don Burke.

4 Kilok - SANDE MONING - TRAI NESENS FAINEL - Australia Vs New Zealand
Sekim EMTV long 4-kilok Sande moning long lukim fainel bilong Trai Nesens Ragbi Lig namel long Australia na Great Britain. Tasol sapos yu no inap kirap long bik moning, orait, wetim riplei bilong gem long hap pas 9 long nait.



Raun bilong Makoma

MAKOMA i lusim wanem samting tru wantaim mipela ol pipel bilong PNG? Yumi bin abrus long opim rot bilong ol musik manmeri bilong yumi long mekim nem bilong ol long ovasis tu o nogat? Yumi kisim wanem kain skul long raun bilong Makoma i kam long PNG?

Ol poroman bilong mipela, Makoma, i lusim PNG las wik Sarere bihain long ol i stap wan wik insait long PNG we ol i pilaim musik bilong ol long Lae na Pot Mosbi.

Na long makim toktok Nathalie Makoma i tok, ol i kam, ol i kirapim das, na ol i go, tasol ol i bin lusim sampela samting long planti ol manmeri insait long kantri husat i save bihainim na laikim tru musik bilong ol, maski i gat sampela manmeri husat i no go lukim ol singsing laip antap long stej.

Mi harim tu olsem sampela manmeri husat i bin mekim planti toktok long Nathalie i singsing gospel musik insait long nait klab taim em i kam em wan long mun Septemba i no inap abrus long go lukim ol long Lae na Pot Mosbi. Na nau mi save olsem strongpela tingting bilong ol nau i senis pinis bilong wanem ol i luk-save olsem bikipela as tingting bilong Makoma long kam em long autim toktok long sik HIV/AIDS i go long olgeta komyuniti insait long kantri.

Bel bilong mi seksek, na mi painim hat long daunim spet taim mi harim olsem bikipela hap bilong ol manmeri i go lukim Makoma i pilai long Lae na Mosbi i bin ol yangpela pikinini. Planti long ol husat i go lukim Makoma i pilaim olgeta singsing bilong ol i tok olsem driman bilong ol i karim kaikai, na dispela samting bai stap long tingting bilong ol inap ol i lusim dispela graun.

Long Pot Mosbi, tok tenkyu i mas i go long ol spona na ol lain husat i stretim rot bilong Makoma long pilai long wampela so bilong ol pikinini tasol. Dispela sans i bin putim smail long pes bilong olgeta pikinini na Makoma i lusim lewa bilong planti yangpela i amamas tru.

Namel long ol pikinini long Country Club las wik Fraide em wampela liklik turangu meri husat i sindaun long wit sia husat i bin laik go lukim Makoma i singsing. Taim em i harim olsem Makoma bai kam long PNG, em i driman bilong dispela liklik meri long mitim ben na lukim ol singsing na danis long ai bilong em stret.

Em i askim papa bilong em, Paul Tupou long o wantaim em long dispela so bilong ol pikinini tasol na em i askim em sapos em i inap long askim Makoma bai ol i kisim piksa wantaim em. Dispela bin wampela askim tasol bilong em.

Papa bilong em i tokim mi olsem long konset bilong ol pikinini long Fraide, ol i go kamap leit liklik na ples i pulap pinis. Tasol ol lain i go pas long so i lukim Cheryl na brata na susa bilong em na kisim ol i go insait long VIP get na kisim em i go klostu tru we em i bin lukim Makoma.

Papa Tupou i harim askim bilong liklik meri bilong em na i salim wampela askim i go long ol lain i go pas long konset bilong Makoma long kamapim wampela piksa bilong pikinini meri bilong em wantaim Makoma.

Tasol pas papa bilong Cheryl i raitim i go kamap long han bilong Total Event Company, ol lain i go pas long raun bilong Makoma long Sarere moning, tupela aua

bihain long Makoma i lusim PNG.

Papa Tupou i no amamas olsem Cheryl i no kisim piksa bilong em wantaim ben. "Mipela i no amamas bilong wanem famili bilong mi i kisim blesin wantaim wampela pikinini lsem Cheryl na mipela i save givim em wanem samting em i laikim, tasol ating nau taiming i rong liklik, na mi wok long kikim mi yet bikos mi no toktok wantaim ol ogenaia hariap."

Paul i tok Cheryl i bin askim long mitim wampela praim minista bilong PNG na em i mitim Sir Michael, Sir Julius na Sir Mekere olsem ol praim minista bilong kantri.

Tasol poto wantaim Makoma bai wampela naispela krimas presen tru.

Jenerel Menesa bilong PNG FM Ltd, na TEC, Peter Aitsi i tok olsem em i no amamas tu olsem askim bilong Paul i bin kam leit liklik. Em i tok sapos ol i bin kisim toksave hariap, ating baimbai ol i bin inap long stretim dispela askim bilong Cheryl.

"Dispela askim em wampela askim we TEC na ol spona Twisties na National Aids Council i bin redi tasol long kamapim bilong Cheryl sapos mipela i bin kisim toksave hariap," Mista Aitsi i tok.

Em i tok tu olsem TEC i kisim wampela pas na bai i rait i go long Nathalie na givim em adres bai Nathalie na Makoma inap long ringim Cheryl na tok-tok wantaim em.

"Mipela long TEC na ol spona bilong mipela i bilip olsem wampela arapela arensment bai inap lukim Cheryl na Makoma bai i ken toktok i go kam inap long taim yet. Mipela i bilip dispela bai i go het yet na bai Cheryl inap long lukim driman bilong em i karim kaikai," Mista Aitsi i tok. Dispela ol lain em ol gutpela lain tru.

Narapela gutpela samting long dispela raun bilong Makoma em ekspiriens ol musik atis bilong yumi i kisim taim ol i lukim intanesenel grup olsem Makoma i kam na mekim long hia.

Mi nogat namba long ol lokol musik manmeri husat i go lukim Makoma long Lae na Mosbi long lukim na lainim samting long strongim stail bilong ol yet, tasol sapos ol i bin i go, mipela i ken wet tasol long lukim sampela stail ol i kisim.

Planti taim, ol bikipela so insait long PNG i save bagarap long ol musik man husat i save go pilai musik taim ol i spak nogut tru husat i save ting olsem ol i holim gita tasol na ol inap pulim ol manmeri.

Wampela bikipela hevi we i save kamap insait long musik industri bilong yumi em planti musik atis i save laik singsing long ol nait klab na ol '6 tu '6' danis na salim sampela kaset na CD na em inap long mekim nem bilong ol.

Na long ol dispela ples, we ol manmeri i save danis, ol

musik man bilong yumi i no save danis liklik o amamas long musik bilong ol yet. Nogat. Ol i save sanap olsem ol stetyu i stap paitim gita.

Makoma i givim liklik skul long ol musik atis bilong yumi. Ol i bihainim gut progrem bilong ol, ol i save prektis olgeta taim na olgeta so bilong ol ol i save plenim gut na ol i no save dring bipo ol i go pilai. Dispela em ol mak bilong bilong mekim nem long intanesenel musik.

Planti long ol musik atis bilong yumi i bin gat sans long go raun long planti ailan kantri insait long Pasifik, tasol i mas i

na bagarapim ol musik atis long ol i no kisim dispela sans. Ating ol i gat stori bilong ol yet. Sampela long ol dispela samting em sem pasin, o ol i tok ol i bisi tumas long pilai wantaim Makoma.

Sampela long ol musik man bilong yumi i wok long mekim nem long intanesenel musik industri. George T, wampela intanesenel rekoding atis bilong yumi, nau i raun long Australia na promotim namba 3 wol rilis Amete wantaim Australia grup bilong em Telek Band.

Singsing na danis bilong Telek yet i wok long kamap gut tru bilong wanem em i pilai long intanesenel level na profesenel wok long ol ovasis kontrak bilong em na em i save pinis long singsing long ol manmeri long ovasis.

Olgeta ai na i pas long em long brukim Australia, New Zealand na European musik maket bai ol i ken kisim PNG musik.

Tingim Moses Tau ating tripela yia i go pinis taim tripela singsing bilong em i stap namba wan long musik sat bilong ol.

Bihain long Moses Tau, Cooks i bin kirap nogut long bikipela manki bilong Gaire yet, Hitsu Golou.

Moses yet i no go pilai long Cook Islands yet, tasol ol i laikim tru musik bilong em long hap.

Hitsu yet i bin mekim nem long Australia we em i pilai wantaim Patti Potts Doi long ol fan resing bilong Brisbane na Sydney.

Basil Greg na Robert Oeka i bin promotim musik long Europe long tripela i go pinis.

Na nau nupela intanesenel musik sta bilong PNG em Straky, husat i wok long kirapim das long Vanuatu i stap wantaim gospel atis Vanessa Quai.

Yes, i gat sampela rot i ol long intanesenel maket bilong ol lokol musik atis bilong yumi.

Na mi bilip olsem ol sans long lukim Makoma long stej na ol bikipela grup bilong bipo olsem Boney M, Lucky Dube, Maxi Priest na O'Yaba na ol arapela intanesenel musik sta em ol gutpela sans bilong ol musik atis bilong yumi long lainim sampela nupela stail tu.

***Yu ken ritim stori blong ol musik man/meri long What's On With Raitman insait long POST COURIER tasol, Trinde, olgeta wik.**



gat moa antap long dispela kain raun long Pasifik long kisim mak bilong ol intanesenel musik atis.

Tasol ating i no stap insait long progrem bilong ol long prektis long save long danis taim ol i stap hia yet. Mi bilip olsem sapos ol musik man i bung na redi gut na askim spona Twisties na Nesenei AIDS Kaunist na TEC long sans bilong stap singsing wantaim Makoma, ating bai ol inap long soim liklik stail bilong ol tu.

Nau i luk olsem mipela abrusim pinis wampela gutpela sans. I no long wanem. Long dispela kain pasin long kisim, kisim tasol nem long hatwok biong ol arapela na mipela i no mekim wok bilong mipela yet. Mipela i save wetim ol arapela lain long mekim samting bai mipela i ken bihainim tasol na mipela i no save go na kisim ol samting mipela i save laikim.

Ayie!...wanem taim bai mipela lainim?

Arapela stail bilong stori em ol lain i go pas long kamapim ol dispela kain bikipela samting i mas luksave olsem em ol bikipela samting tru na ol i mas mekim gut wok bilong ol.

Em bin wampela gutpela sans tru biong ol lokol musik ben na solo atis long singsing na danis wantaim grup olsem Makoma.

Ating neks taim bai mipela luksave long ol kain sans olsem.

Tasol mi no inap sindaun hia

NATIONAL WEEKLY HIT PARADE		
YUMI FM NATIONAL WEEKLY HITPARADE		
Sarere Novemba 27, 2004 Twisties i spona		
Singsing	Musik Atis	Dispela Wik
Iti Bayama	Armstrong Gomara	1
Sikul Sepik	Julius Moab	2
Kina.com.pg	Simbary	3
Sigi Mangi	Grumo Masalai	4
Dimugura	Bits & Pieces	5
Sharon	Uralom Ft Rokas	6
Jombie Kunex	New Painim Wok	7
Hard Life	X-Anats	8
Meri Siwi	K-Mala	9
Luv Bait	K-Mala	10
Last In Line	Edwin Baffe	11
Awarmari	Uralom Kania	12
Naike	Hausboi	13
Spak Tasol	Fox Originators	14
Modern Wali	Luke Banag	15
Sugar Meri	Kuri Rup	16
Zero Balance	Julius Moab	17
Sekol Das	Julius Moab	18
Lewa	Hausboi	19
Nellien	Uralom Kania ft Moses	20

In Lewa Hausbol
Out Daon Anda West Kadah

EMTV GAID

Fonde 25/11/04		accidents.Stars: Susan Sarandon, Nick Stahl.	
5.30	JOYCE MEYER MINISTRY	10.30	EMTV NEWS REPLAY
6.00	2002 WIMBLEDON	11.00	PRaise
9.00	CREFFLO DOLLAR	1.00	STATION CLOSE
9.30	DR PHIL	Mande 29/11/04	
10.20	GRADE 7 SCIENCE	5.30	JOYCE MEYER MINISTRY
11.10	GRADE 7 SOCIAL SCIENCE	6.00	TODAY SHOW
12.00	GRADE 11 MATHS	9.00	CREFFLO DOLLAR
12.50	GRADE 11 PHYSICS	9.30	SOME CALL IT SPORTS
1.30	GRADE 11 GEOGRAPHY	10.00	CRICKET CONTS...
2.30	THE WIGGLES	10.30	THE CRICKET SHOW
3.00	BANANAS IN PYJAMAS	1.00	CRICKET CONTS...
3.30	JUSTICE LEAGUE	5.30	THE PRICE IS RIGHT
4.00	HOT SOURCE		\$500,000 SUPER SHOWCASE
4.30	Y	6.00	NATIONAL EMTV NEWS
4.57	EMTV TOKSAVE	6.30	A CURRENT AFFAIR
5.00	THE PRICE IS RIGHT	6.58	TOK PISIN NEWS UPDATE
	\$100,000 SUPER SHOWCASE	6.59	LOTTO DRAW
6.00	NATIONAL EMTV NEWS	7.00	PRaise
6.30	A CURRENT AFFAIR	8.00	INSAIT PNG
6.57	TOK PISIN NEWS UPDATE	8.27	EMTV TOKSAVE
6.59	LOTTO DRAW	8.30	APPRENTICE
7.00	CHM SUPERSOUND	9.30	C.S.I. CRIME SCENE
7.57	EMTV TOKSAVE		INVESTIGATION
8.00	SPORT SCENE	10.30	NEWS REPLAY
9.30	WITHOUT A TRACE	11.00	CHM SUPER SOUND
10.30	EMTV NEWS REPLAY	12.00	NIGHTLINE
11.00	WALKER TEXAS	12.30	CLOSE
1.30	NIGHTLINE	Tunde 30/11/04	
2.00	STATION CLOSE	15.29	STATION OPEN
Fraide 26/11/04		5.30	JOYCE MEYER MINISTRY
5.29	STATION OPEN	6.00	TODAY SHOW
5.30	JOYCE MEYER MINISTRY	9.00	CREFFLO DOLLAR
6.00	TODAY SHOW	9.30	SOME CALL IT SPORTS
9.00	CREFFLO DOLLAR	10.00	CRICKET CONTS...
9.30	DR PHIL	10.30	THE CRICKET SHOW
10.30	2ND TEST CKRICKET AUSSIE VS NEW ZEALAND	1.00	CRICKET CONTS...
1.00	CRICKET CONT...	5.30	THE PRICE IS RIGHT
3.00	BANANAS IN PYJAMAS		\$500,000 SUPER SHOWCASE
3.30	JUSTICE LEAGUE	6.00	NATIONAL EMTV NEWS
4.00	HOT SOURCE	6.30	A CURRENT AFFAIR
4.30	Y	6.58	TOK PISIN NEWS UPDATE
4.57	EMTV TOKSAVE	6.59	LOTTO DRAW
5.00	THE PRICE IS RIGHT	7.00	HAUS & HOME
	\$100,000 SUPER SHOWCASE	8.00	YOU ARE WHAT YOU EAT
6.00	NATIONAL EMTV NEWS	8.27	EMTV TOKSAVE
6.30	A CURRENT AFFAIR	8.30	SOUL CITY
6.58	NEWS UPDATE	9.30	STINGERS
6.59	LOTTO DRAW	10.30	ER
7.00	TOK PIKSA	11.30	EMTV NEWS REPLAY
7.30	BURKE'S BACKYARD	12.00	NIGHTLINE
8.30	SURVIVOR: VANUATU - ISLANDS OF FIRE	12.30	CLOSE
9.30	THIS IS YOUR LIFE	Trinde 1/12/04	
10.30	EMTV NEWS REPLAY	6.29	STATION OPEN
11.00	JAG	5.30	JOYCE MEYER MINISTRY
12.00	NIGHTLINE	6.00	TODAY SHOW
1.30	STATION CLOSE	9.00	CREFFLO DOLLAR
Sarere 27/11/04		9.30	DR PHIL
7.00	BARNEY	10.20	GRADE 7 SCIENCE
7.30	JAY JAY THE JET PLANE	11.10	GRADE 7 SOCIAL SCIENCE
8.00	PLANET FANTA	12.00	GRADE 11 MATHS
9.30	DOWNLOAD	12.50	GRADE 11 PHYSICS
10.00	SO FRESH	1.30	GRADE 11 GEOGRAPHY
10.30	2NDTEST CRICKET AUSSIE VS NEW ZEALAND	2.30	THE WIGGLES
	CRICKET SHOW	3.00	BANANAS IN PYJAMAS
12.30	CRICKET SHOW	3.30	ED EDD N EDDY
1.00	CRICKET CONT...	4.00	HOT SOURCE
4.30	THE CAR SHOW	4.30	Y
5.00	ESCAPE WITH ET	4.57	EMTV TOKSAVE
5.30	FISHING AUSTRALIA	5.00	THE PRICE IS RIGHT
6.00	NATIONAL EMTV NEWS		\$500,000 SUPER SHOWCASE
6.30	AUSTRALIA'S FUNNIEST HOME VIDEO SHOW	6.00	NATIONAL EMTV NEWS
7.30	AIRLINE	6.30	A CURRENT AFFAIR
8.00	SOUTH PACIFIC MUSIC	6.58	TOK PISIN NEWS UPDATE
9.00	XENA: WARRIOR PRINCESS	7.59	LOTTO DRAW
10.00	HERCULES: THE LEGENDARY JOURNEY	7.00	WORLD OF WILD LIFE
11.00	NEWS REPLAY	7.30	SPECIAL PRESENTATION OF HIV/AIDS
11.30	THE LEGEND OF THE HIDDEN CITY		A special presentation marking world Aids Day
0.00	King Of Queens	8.27	EMTV TOKSAVE
		8.30	WEDNESDAY NIGHT MOVIE: PRINCE CHARMING
Sande 28/11/04			2001 ROMANCE /COMEDY - After an extramarital indiscretion, a fairy-tale prince and his sidekick are turned into frog for all eternity or until the prince can convince a maiden to kiss and then marry him. Stars: Mating Short, Christina Applegate, Billy Connolly.
4.00AM	TRI-NATION RUGBY FINAL	10.30	SOUTH PACIFIC MUSIC
6.30	BUSINESS SUCCESS final	11.30	EMTV NEWS REPLAY
7.00	BUSINESS SUNDAY	12.00	NIGHTLINE
8.00	SUNDAY	12.30	STATION CLOSE
10.00	12nd test cricket		
5.30	Changing Room		
6.00	NATIONAL EMTV NEWS		
6.30	DISCOVERED Grand Final		
7.30	60 MINUTES		
8.27	EMTV TOKSAVE		
8.30	MOVIE: A safe Passage		
	Drama: A mother with seven sons feels like she's losing control of her life and her family. But personal pain and a troubled marriage fade in to the background as news comes that one of her sons have died in an		



Bisnis bilong Groim Diwai insait long PNG - Yusim graun we i gat diwai long en

Wok bilong yusim graun i gat diwai long en

Narapela rot bilong yusim - Ol arapela samting yu ken kisim long ol renfores

DIVELOPMEN bilong forestri long ples we renfores i save kamap i kamap long sotpela taim i go pinis taim i nogat planti manmeri i sindaun long graun na luksave long ol samting ol i ken kisim long ol diwai, olsem na wok diwai insait long planti long ol renfores kantri i no strong tumas.

Ol arapela kaikai i ken kam long ol renfores em ol samting we i save lukautim ikosistem: long sampela wok, ikosistem i noken bagarap tasol long planti arapela samting, i nogat planti bagarap i kamap.

Ol arapela kaikai i ken kam long ol renfores i ken bruk i go long 4-pela hap. Ol dispela 4-pela i no inap stap oltaim na i ken senis na i no inap long menesim gut renfores long kisim ol samting long timba na ol arapela liklik prodak: as tingting bilong fores menesmen insait long wanpela eria bai i mas balensim gut ol wok agensim ol yet long kamapim "gutpela wok bilong bikpela namba long bihain taim".

Dispela em i tingting bilong menesmen bilong fores long ol kain kain wok. Long ol arapela hap, wanpela o ol arapela wok bai i winim na daunim ol arapela, tasol planti taim yu ken menesim gut. 4-pela hap bilong ol arapela kain kaikai bilong renfores em:

- Lukautim bilong ol fores bilong mekim wok sains.
 - Lukautim bilong ol ples i gat wara long en na lukautim bilong ron bilong wara.
 - Lukautim bilong ol pisin na arapela animal
 - Wok stretim bilong ol ples bilong malolo.
- Long ol dispela wanpela we i strong tru em lukautim bilong renfores bilong mekim wok sains. Ol dispela ples i gat tupela bikpela wok:
- Long lukautim bai ol plaua na arapela samting i ken gro strong bai ol i gen glasim.
 - Long givim na lukautim ol ples we ol saintis i ken groim ol samting we ol i ken glasim bilong lukim gro bilong man long graun.
- Lukautim bilong ples i gat wara aninit long graun na ron bilong wara em bilong daunim hevi bilong wara i karim graun bilong banis agensim wesan i pulap long ol wara bilong wanem wara i gat bikpela wok insait long ol renfores. Em i bikpela samting we ren i save bikpela na ol wara i save stap long ol maunten.
- As tingting bilong lukautim ol animal na arapela samting em long lukautim ol fores bai ol i ken mekim wok glasim bilong sains. Tasol sapos yu lukautim gut ol fores, bai ol animal i ken stap gut yet taim yu kisim ol samting olsem diwai na ol arapela liklik samting. Malolo em i namba 4 kaikai bilong renfores na i save kamapim gutpela piksa na i gat ol sampela plaua i save gro we i save kamapim gutpela ples bilong malolo insait long renfores.

**Neks wik - ol kainkain wok bilong graun we i gat diwai long en.*

McCarthy & Associates (Forestry) Pty. Ltd.
National & International Forest Consultants
mccat@datec.net.pg

"Long kisim tok stia long olgeta wok diwai"

Nogat man i antap long lo

William Natera i raitim

PRESIDEN bilong Papua Niugini Semba ov Komes, Michael Mayberry, i tok olsem ol ol pipel i mas luksave olsem nogat wanpela man i antap moa long lo.

Mista Mayberry i bin mekim dispela toktok taim *Wantok Niuspepa* i bin toktok long em long Tunde, long kisim tingting bilong Semba ov Komes long hevi we *Nesenel Niuspepa* i bin ripot long en long Tunde, we ripot i tok 6-pela polisman i bin paitim na sut long gan long wanpela bisnisman na pikinini man bilong em ausait long stua bilong ol long Pot Mosbi.

Mista Mayberry i tok olsem Semba i no save inap long dispela hevi long givim tingting bilong ol long en, tasol i tru

olsem Gavman i mas lukluk long dispela lo na oda hevi long kantri na pasin bilong ol polis long paitim ol pipel nating.

Em i tok ol polis na ol yet bai i lukluk i go insait long dispela hevi.

Long sait bilong helpim ol lain bisnismanmeri husat i stap long ol dispela kain hevi, Mista Mayberry i tok olsem Semba i ken helpim tasol ol memba bilong en, i no ol wanwan kes, tasol ol i wok long laik developim wanpela sistem o rot nau we ol i ken yusim long helpim ol lain husat i stap long dispela kain hevi na lukluk long ol hevi bilong komyuniti.

Wanpela samting Mista Mayberry i no bin wanbel long en tu, em olsem, planti taim Semba i save mekim planti wok long

helpim ol bisnislain husat i stap long kain hevi olsem, tasol bihain long olgeta dispela hat wok, Semba i save painimaut olsem dispela bisnisman o meri rausim ol sas bilong em.

Em i tok olsem hevi bilong dispela bisnisman i bin kamap ples klia bikos em i gat bikpela stua na ating tu bikos em i bilong Esia, tasol i gat planti ol wankain hevi olsem we i save kamap long ol grasrut, long ol setelmen, we i no save kamap long nius.

Em i tok bikpela hevi we inap kamap em long ol pipel long pilim olsem ol i mas bungim tasol ol dispela hevi we i kamap.


Ol i mas pait long kamapim senis, noken sindaun na larim ol samting i kamap tasol. Dispela kain tingting bai bagarapim sindaun bilong ol pipel.



Isi liklik...Draiva bilong wanpela hevi haul trak long Porgera Gol Main i kisim liklik taim long malolo na kisim poto. Foto: FR PHILLIP GIBBS

Cat® Skid Steer Loaders

- 216
- 226
- 228
- 232
- 236
- 242
- 248



Engine performance and operator comfort maximise production.

Smooth, Easy Controls

- Two hydraulic joystick controls require only minimum wrist/hand movement, greatly reducing operator fatigue.
- Auxiliary hydraulics are actuated by a thumb-operated rocker switch on the joystick.
- Hand-throttle allows you to run at a constant speed, or an accelerator pedal can be used during load and carry, excavating or backdragging.

Operator Comfort

- Optional suspension seat adds operator comfort.
- Clear view of the work tool reduces operator fatigue and increases productivity.

Power and Versatility

- The Cat 3024 Engine is proven and reliable.
- Powerful hydraulics deliver outstanding lift and breakout forces.

Hastings Deering



PORT MORESBY
Phone: 313 8300
Fax: 325 0141

LAE
Phone: 477 7337
Fax: 477 1477

TABUBIL
Phone: 546 8045
Fax: 548 2155

RABAUL
Phone: 367 1744
Fax: 362 1178

Wantok Niuspepa Kalaring Kompetisen Toksave

Yu mas kalarim dispela piksa long ol arapela pikinini bilong narapela kantri. Atis bilong mipela i helpim yu pinis na kalarim yangpela meri Saina. Nau em taim bilong yu long pinisim ol arapela piksa.

Taim yu pinis, raitim nem bilong yu, pos opis bokis adres bilong yu na krismas bilong yu na salim i kam long:

WANTOK NIUSPEPA
P. O. Box 1982
Boroko 111
NCD
Papua New Guinea

YUMI FM
Locked Bag 93
Port Moresby, NCD

Ol jas bilong *Wantok Niuspepa* na *Yumi FM* bai skelim sapos piksa i makim stret o i kam klostu long wanem piksa i makim. Yu bai gat sans long winim ol gutpela prais bilong yu long skul neks yia. Mama papa bilong yu i ken helpim yu long givim bekim long ol askim daun bilo.

Bihain long yu pinis, mipela i laikim helpim bilong yu. Plis givim bekim long ol dispela askim:

- Ples mama karim yu?
- Nau yu stap long wanem provins?
- Husat i baim niuspepa?
- Ol i baim niuspepa long wanem hap? (stua, maket, bas stop?)
- Yu laikim wanem samting insait long *Wantok Niuspepa*?

●*Wantok Niuspepa* i lukluk long statim wanpela pes bilong ol pikinini long neks yia. Nau mipela i laik save, yu laik lukim wanem samting insait long ol dispela pes bilong pikinini?

Lo bilong dispela resis:

- Yu mas aninit long 18 Krismas
- Yu yet i mas kalarim dispela piksa
- Yu ken yusim kala pensil o wanem samting wantaim naispela kala
- Yu mas katim na salim i kam long opis bilong *Wantok Niuspepa* na *Yumi FM* pastaim long Janueri 13, 2005.
- Bihain long yu kalarim dispela piksa, yu mas bekim ol askim antap bilong helpim *Wantok Niuspepa*.
- Yu i ken harim *YUMI FM* o lukim nem bilong yu long *WANTOK NIUSPEPA* long Janueri 20th, 2005 long laiv draw sapos yu win o nogat.
- WANTOK* na *YUMI FM* yet bai glasim olgeta entri long dispela resis na makim ol wina.

UNIVERSAL CHILDREN'S DAY

Hey ol KALARING KOMPETISEN pikinini!

Yu gat sans long winim wanpela SKUL BEG wantaim ol buk na pensil, ruler i stap insait na i kam long ...



...Na tu yu gat sans tu long winim moni bilong skul fi I KAM LONG...



So kamon ol pikinini, em de bilong yupela "INTANESENEL DE BILONG OL PIKININI" Em de bilong amamas!!

Ol pikinini ananit long 18 krismas i ken stap long dispela resis.



NEM.....KRISMAS.....

SKUL.....PLES:.....

ADRES:.....TELEPON:.....

.....

.....

Ol winas bai ol i anaunsim long taim bilong laiv draw long YUMI FM na WANTOK NIUSPEPA long 20th Mun Janueri, 2005

Salim kalarim kompetisen i kam long:
WANTOK NIUSPEPA P.O.Box 1982, Boroko, NCD, Papua New Guinea

YUMI FM, Locked Bag 93, Port Moresby, NCD

Ol wokmanmeri bilong WANTOK NIUSPEPA na YUMI FM na ol famili bilong ol i noken pilai long dispela resis.



Numa Alu (lephan) wantaim Tamzin Wardley long PNGSF kibung.



Ricky Sibiya (lephan) wantaim Waliya opisa na pilaia long PRL awod nait.



Em wanpela tasol i traim hat long EPC.



Pot Mosbi meri sofbol eksen long Bisini Daimon.



POM lig awod nait.



Dispela pilaia i kisim taim nogut long han bilong birua bilong em long skul-boi lig.



EPC long Bisini soka graun. Kam na lukim ol wantok Milen Be.

Bennett bai makim ol biknem pilaia

AUSTRALIA Kangaroo kosa Wayne Bennett i tok em bai makim ol pilaia long long gutpela pilai bilong ol na i no long husat i sik na husat i no sik.

Em mekim dispela toktok bihain long klostu ol Kangaroo i hangamap long France Roosters long las wik Sarere.

Dispela i min olsem kepten Darren Lockyer bai stap long dispela pilai bilong ol wantaim Ingran.

Long pilai bilong ol wantaim France em i bin malolo we France klostu i winim pilai tasol laki bilong Bennett i kisim em gen long pilai i lukim Australia i win.

Na dispela i min olsem Danny Buderus bai stap namba tu bilong em.

Buderus i bin kepten taim Ingran i winim Australia long namba wan bung bilong ol long Trai-Nesen siris.

Long pilai wantaim ol Roosters skoa poin i sanap 34-30 long hap taim. Tasol bihain long dispela ol pilai hat long pinisim wantaim 54-30 win.

Prop Jason Ryles i no inap pilai moa bihain long em i kisim bagarap long hamstring.

Dispela i min olsem Mark O'Meley bai kisim ples bilong em na Brent Tate bai kisim ples bilong winga Matt Sing.

Narapela ol senis bai kamap bihainim gutpela wei ol i save pilai na i no inap long bagarap ol i gat long en.

Pilai bilong Sande i lukim France i kamapim wanpela gutpela pilai bitong em stret wantaim Australia bihain long ol i save kisim taim nogut long han bilong ol Australia.

Dispela Trai-Nesen siris bai pinis long dispela wiken we Australia bai pilai wantaim Ingran long fainol. Niu Silan i lus long dispela fainol.

Trai-Nesen siris i save stap namel long Australia, Niu Silan na Ingran.

Dispela kompetisen i stat bihain long Wol Kap pilai long 2000.

Australia, Niu Silan na Ingran i ting ol i strong moa long pilai ragbi lig na olsem ol i kamap dispela kompetisen long strongim



Ol Ingran i win amamas long win bilong ol long namba wan Trai-Nesen siris ol i pilaim long Ingran. Ingran bai win gen long dispela wiken o nogat?

level bilong ragbi lig.

Na long Australia i pilai wantaim Ingran Australia bai was gut.

Ingran i winim pinis Australia long wanpela bilong dispela ol raun na olsem em bai luktuk tasol long skruim yet dispela win bilong em.

"Mi mas kisim sampela lain long gutpela

pilai bilong ol. In no long husat i sik na husat i no sik o i gat hevi. So bai i gat kankain man long grup," Bennett i tok.

Dispela pilai bilong ol wantaim France i mekim France i amamas long wanem France klostu i winim Australia.

Tasol maski Australia i ting em i win France i kisim bikpela amamas.

Sehwag na Gambhir i pilai gut

OPENA Virenda Sehwag na Gautam Gambhir i kamapim 185 ran wantaim taim India i pilai wantaim Saut Afrika long Mande.

Bihain long namba tri de

bilong pilai Sehwag na Gambhir long dispela pilai bilong ol wantaim Saut Afrika tupela i laik mekim olsem India i mas holim pas skoa bilong Saut Afrika.

Taim Saut Afrika i bet long namba wan Inning em i kamapim 510 ran.

Lephan man Gambhir husat i pilai tasol long namba tu Tes Mes bilong em husat i mas pinis tasol taim em mekim faivpela tasol laki bilong em we em i stap inap long em i kamapim 185 ran.

Na Sehwag husat i mas pinis bihain long 29 ran tasol laki bilong em na em i stap inap long 185 ran.

Tupela i guria long hevi tupela i ting bai kisim long go aut tasol bihain long dispela tupela i kisim sans long pilaim gut bal bilong ol.

Taim Saut Afrika i kamapim 510 long faivpela wicket tasol dispela i mekim na tim wantaim ol manmeri husat i lukim pilai bilong ol i ting olsem Saut Afrika bai win.

Tasol bihain long kain ron bilong India na tu ren i mekim na ol opisel i stopim pilai mekim Saut Afrika tim na ol manmeri i senisim tingting gen.

Nau India bai kisim gut taim long pilai.

Namba 10 Robin Peterson bilong Saut Afrika i go aut bihain long em i mekim tasol 34 ron long 24 bal.

Long dispela em i save mekiim planti ol tripela na foapela ron long wanpela bal.

Tasol ov-spina bilong India Harbhajan Singh i autim tiket bilong em.

Shaun Pollock bilong Saut Afrika i pilai inap ol bal i pinis we em i mekim 44 ron.

Anil Kumble, lek spina bilong India, i helpim Singh long pinisim gut ol Saut Afrika.

Anil Kumble, 34, i sot long foa wicket bipo long em i brukim rekod bilong Kapik Devi husat i mekim rekod bilong India long autim 434 ol birua wicket. "Brukim rekod bilong Kapil i no stap long tingting bilong mi," Kumble i tok. "Mi bai tingting long em sapos taim i kam."

"Mipela olgeta i save olsem wicket bilong Kanpur i isi tumas na mipela i mas pilai gutpela kriket.

Dispela em i bin wanpela gutpela gem tru we i bin lukim planti kankain stail pilai i kam long ol pilaia.

Haphap Spot

Evander Holyfield i no inap pait

OL BOKSING opisel long New York, Amerika i passim bikpela pait bilong Evander Holyfield inap long wanem taim ol i tok orait long em i ken pait gen.

Dispela i kamap long wanpela pait bilong em wantaim Larry Donald long Sarere nait.

Dispela saspensen i min olsem Holyfield, 42, husat i bin winim wol hevi wet taitol foapela taim pinis bai i mas kisim mediko sek na tok orait long ol dokta sapos em i laik pait ken.

Bihain long em i lus wansait long Donald, Holyfield i tok em i laik pait yet.

Insait long dispela 12 raun pait bilong tupela, Holyfield i winim wanpela raun tasol.

Long ol narapela nainpela pait bilong em, Holyfield i winim tupela tasol na long wanpela pait bilong las yia, James Toney i bin paitim em nogut tru.

Wanpela masin i save rekotim gem ol i kolim 'CompuBox' i tok Donald i no givim em pen tumas tasol Holyfield i tromoi 78 pela pans tasol insait long dispela olgeta 12 rauns.

Holyfield i tokim New York Daily News long Mande olsem New York Stet Etletic Komisin i gat sampela tingting nogut long rausim em long pait na em bai pait long rausim dispela saspensen ol i putim long em.

Kolis basketbol

CONNECTICUT i misim planti ol basket bilong em, i givim bal i go bek long narapela tim na i painim hat long skoa long fri tro-lain.

Na maskim ol pilai olsem kosa Geno Auriemma i no traim long stretim.

"Mi ting pilai i kamap long wei em i mas kamap," he i tok. "Mi no kirap nogut long we ol i pilai."

Pilai Dat

LONG Ingran tasol moa long wan (1) milien manmeri i save baim AUS\$25 long lukim dart long TV.

Na long spot bilong dat tasol pilai i save pinis hariap long wanem em i save hot tumas.

Tasol "so daun" em ol man i save kolim bes-ov-da-15 i save kamapim ol pilai.

Dispela kompetisen i kamap namel long tupela grup Phil "the Power" Taylor na Andy "the Viking" Fordham we ol manmeri i tok olsem em no wanpela pilai nating.

-Long winim taitol bilong dispela kompetisen pilaia bai kisim AUS\$237,000 olsem prais mani. Na i luk olsem bai kisim taitol olsem bes pilaia bilong wol.

Bihain long sampela pilaia i lusim Fordhams Ingran Dat sampela 11pela yia i go pinis Taylor i kisim ples na mekim nem.

Pilai long Serkus Tavem long Peruffleet, Essex, i namba wan taim em tupela grup i kam bung gen long mekim nem long dat.

Dispela dat pilai em Rubert Murdoch Ingran Skai Brodcasting Grup i sae sasim ol man AUS\$20 long lukim.

"Dispela em i bikpela pilai tru long olgeta arapela pilai," ol man i tok.

Dat i wanpela bikpela spot long planti kantri long wol, Papua Niugini tu i save kamapim ol gutpela dat pilaia.



Wanpela sapota bilong Kriket tim bilong India i wari bihain long tim bilong em i bin lus long ol Australia long Wol Kap long Johannesburg long Saut Afrika long Mas 23, 2003. Tasol nau i gat sans long winim bek dispela taitol sapos kain pilai bilong Sehwag na Gambhir i go het.



Andy Fordham, 42, i traim lak long dat we em i salens wantaim Phil Taylor grup.

Stori bilong William Yoba, man Goroka husat i mekim nem long pait.

Willie Yoba mekim nem long kikboksing

James Kila i raitim

PLANTI ol yangpela man long dispela taim i wok long glasim na mangalim tru stail bilong tupela strongpela pilai paitman bilong PNG em Stanley Nandex na Katu "Wantok" Arang.

Tasol i gat narapela ol yangpela man tu husat i wok long bihainim lek-mak bilong dispela tupela man na i wok long kamapim nem bilong ol insait long Nandex Kikboksing klab.

Wanpela bilong ol dispela yangpela man em Willie Yoba.

Dispela yangpela man em i bin go pait long planti sempionsip pinis insait long kantri na long narapela kantri. Tasol nau yet dispela stail manki bilong Goroka i save stap isi tasol long trening bilong em.

Yoba i bin statim spot bilong em long boksing. Dispela taim em i bin tren aninit long wanpela kosa William Nepson na John Mark. Tasol bihain em i kalap i go insait long tupela spots ya em taekwondo na kikboksing na i mekim nem bilong em kamap gut tru.


Long 1999 em i senisim stail bilong pait bilong em i go long kikboksing. Long dispela taim tu long 1999 em i bin stap insait long wanpela woksop em Olimpik Solidariti Trening we i bin kamap long Goroka.

Bihain long em i kisim ol skul bilong spots, laik bilong dispela man i go bikpela tu na em kalap long spot bilong taekwondo. Dispela laik bilong Willie i mekim em i go pilai long taekwondo. Na wanpela bikpela samting tru i kamap long laip bilong em long dispela spot em bikos em i bin go pilai long 2002 Arafura Gems long Darwin Australia.

Moa long dispela tu i lukim Yoba i soim tru kala bilong em taim em i pinisim wanpela birua bilong em bilong Australia long ring insait long 10-sekens tasol.

Bihain long Yoba i kambek long Arafura Gems, wanpela tingting na laik tu i kirap long em na bagaros ya i kalap i go long spots bilong kikboksing.

Insait long dispela spot bilong kik-



William Kapo i amamas long ol pait bilong em na i redi long bihainim lek-mak bilong Stanley Nandex. Ol foto: JAMES KILA

boking Willie i mekim Isten Haitans long go pilai long Momase na Haitans rijonol sempionsip we i kamap long Lae na Kundiawa na i winim tru lewa bilong ol jas long kain stail pait bilong em.

Bihain long dispela sempionsip, Yoba i bin go insait long pait long amata kik-boking na tu em i winim tru lewa bilong ol jas long kain stail bilong pait bilong em.

Long 2003 em i soim tru-pela kala bilong em insait long taekwondo taim em i winim PNG laip-hevi weit taitol long spot bilong Taekwondo insait long PNG Yut Open Taekwondo. Nau yet dispela stail manki i holim yet dispela taitol aninit long Stones Wol Taekwondo.

Bihain long em i winim dispela taitol em i go bek long Goroka na i statim wanpela skul we em i trenim ol yangpela na ol yut long pilai taekwondo.

Nau yet Yoba i holim posisen olsem wanpela instraka o tisa bilong taekwondo kiab long Goroka. Em i holim sinia blek blet.


Tru tumas, Toba i gat nem long mekim nem long taekwondo long 1999 taim em i dropim birua bilong em bilong Australia insait long 10-sekens tasol long ring. Dispela amata pait bilong Yoba em ol niusman i no putim long pepa.

Insait long ol narapela bikpela pait we Yoba i bin mekim PNG em taim em i stap insait long dispela Tim Nandex husat i bin go long Melbon, Australia long las yia. Insait long dispela Tim Nandex we Yoba tu i bin stap i gat ol gutpela paitman olsem Katu Arang, Willie Mamu, Ken Aya, Mark Sondo na Lee Henry.

Insait long dispela ovasis raun bilong Tim Nandex, Yoba i bin pilai gut tru na i bin winim pait bilong em long kik-boking. Tasol taim em i bin pait long ring-karate salens em i bin lus egens wanpela paitman bilong Australia

Yoba i gat wanpela ovasis promoti bilong em husat i save stap long Melbon, Australia. Nem bilong dispela promoti bilong em George Kolovos.

Kolovos i bin givim wanpela tupela



Was long William Yoba em i inap long mekim nem long pait.

-yia kontrak long Yoba na Yoba i soim laik, tasol wanpela bikpela samting em moni. Inogat moni long Yoba long mekim dispela wokabaut bilong em i go long Melbon.

"Taim mi bin soim laik long kamap profesinol, em mi yet i mas kamap wantaim mani mak olsem K10,000,"

"Nau yet mi wok long lukluk long sampela kain rot we mi ken painim inap mani long karim mi go daun long mekim nambawan profesinol pait bilong mi," Yoba i tok.

Nau yet bikpela tingting bilong Yoba em long traim painim moni o fainens long stap insait long wanpela intenesinol profesinol pait.

Long stat bilong dispela yia tasol Yoba i bin redi long go daun long Mosbi long soim stail bilong em wanpela narapela kikboksia Ken Hanku, husat nau em sempion long 65-70 kilogram. Tasol ol i bin stopiom dispela pait.

Tru tumas, dispela yangpela man bilong pait em i soim tru olsem maski em i stap long liklik senta olsem Goroka, em i wok long karim nem bilong kantri yet long wanem rot em i ting em i gutpela bilong developmen bilong maset-ats insait long kantri.

Dispela em i sans.

Tasol long narapela nius PNG sempions kikboksia Stanley Nandex i tok em i redi tasol long pait ken na traim long kisim dispela wol taitol.

"Long Janueri bai mi pait gen wantaim Chris (Johnson) long kisim dispela wol taitol," Nandex i tok.

"Mi wok long tren strong wan na hap mun nau long dispela pait na mi redi na mi gat strongpela tingting long pilai gut," em i tok.

Dispela pait bai i lukim Nandex i

bungim pes wantaim Mike Jambidis long 76kg divisen insait long A-1 kikboksing wolkap salens na bai i kamap long Vodafone Arena long dispela Sande, Novemba 28.

Olgeta paitman bai i kam bung long resis long \$60 000 (dollar) prais mani.

Nandex i tok bihain long dispela wol taitol pait bilong em long namel bilong dispela yia we em i mekim apil, em i malolo liklik na nau bai traim get long dispela taitol.

"Ol man i ting mi lusim dispela (wol taitol) pait tasol mi no lusim wanpela samting, mi fit yet, strong bilong mi i stap yet na mi gat strongpela tingting long pait.

Em i tok em i kisim sampela moa save na strong long dispela wol taitol pait bilong em na em bai yusim dispela long ol trening bilong em.

Long trening bilong em, Nandex i save mekim sampela ron an apim wet o ain na em i mekim sampela wok long ol peten na we bilong pait.

"Mi mekim dispela ol trening long strongim han na lek bilong mi bilong wanem mi bai bungim sampela ol bikpela paitman long wol insait long ring," em i tok bipo long em i go long dispela Australia pait.

Em i tok sampela bilong ol lain husat bai i kam pait em ol ekta o ol lain husat i save kamap long ol muvi tu.

Nandex i tokaut tu olsem dispela pait bai i kamap insait long A-1 kikboksing salens we em i wanpela nupela profesenol kompetisen na i wankain olsem K-1 kikboksing. Promoti bilong Nandex, Tarik Solak i go pas long A-1 kikboksing.

Solak i save promotim Nandex long ol bikpela pait bilong em.

Mini Gems bai kos K1.263 milien

Maisan Pahun i raitim

EM BAI kos K1.263 milien long kisim PNG tim i go long Mini Saut Pasifik Gems long Palau long 2005, Papua Niugini Spot Federesen (PNGSF) i tok long Palau bung bilong em long wiken.

Wanwan palaia husat bai go long gems i mas baim olsem K2,000 levi fi.

Tasol nau yet PNGSF i tok olsem ol palaia husat ol i makim long go i ken baim pastaim 20 pesen bilong dispela K2,000 levi fi.

PNGSF i tok em bai salim foapela spot i go long dispela gems.

Dispela ol spot em basketbol, tenis, swimming na etletik.

Narapela spot olsem besbol, bis voli bol, kanu, sofbol, tebol tenis, traietolon, weightlifting na resting i mas painim sponsa long helpim ol.

Meri i go pas long PNG long dispela

gems misin em Tamzin Wardley.

Wardley i tok long kisim PNG tim i go long Palau, wanwan ol federesen i mas mekim fanresing program bilong em.

Wardley tok taim em i putim daun mani plen bilong fanresing, sponsasip na levi fi.

Em i tok dispela wantaim i ken helpim ol long painim we long go.

Long wankain taim PNGSF i makim ol komiti long lukautim na menesim PNG tim husat bai go long MSPG long Palau.

Tamzin Wardley yet i bosmeri long dispela MSPG misin na olpela PNG kriket palaia na nius ripota Numa Alu i tim menesa.

Deputi tim menesa em John Susuve husat i wanpela biknem kosa bilong ragbi union, asisten tim menesa em Barbara Kassman na edmistresen asisten em Annie Iamo. Jason Pini husat i bikpela brata bilong Ryan Pini bai ripota na man



Jeffery Robby wanpela bilong ol patisipen long wiken woksop.

bilong kisim poto long dispela bikpela gem we bai kamap long 24 Julai i go inap long 4 Ogas 2005.

Ricky Sibiyia i palaia bilong yia

Joe Ivaharia i raitim

RICKY Sibiyia bilong Post PNG Waliya ragbi lig klab i bin winim namba wan awod bilong palaia bilong 2004 long Pot Mosbi ragbi lig awots nait long Sarere.

Em i bin kamap namba wan bihain long gutpela pilai bilong em long ol pilai bilong em na tu long ol narapela gutpela wok na pasin bilong em olsem spotman.

Long presentesen nait long Hideaway Hotel Sibiyia tu i bin kisim awod olsem namba wan trai skora we em i putim moa long 27 trai long dispela Pot Mosbi ragbi lig sisen.

Em i tok olsem em i save long taim olsem em bai winim dispela ol awot long wanem em i save kamapim ol gutpela pilai.

Em i tok tenkyu i go long ol wan palaia bilong em long gutpela sapot na wokbung em ol i gat long tim. Em tok tenkyu tu long kosa na menesmen.

Em i tok olsem ol awot i no bilong em tasol. Olgeta lain bilong Waliya klab tu i stap long dispela awot long wanem sapos ol i no stap em bai i no inap kamap olsem.

"Bikpela tok amamas na tenkyu i mas go long namba wan sapota bilong mipela em sponsa Post PNG," Sibiyia i tok.

Wankain tu long ol awots nait wan palaia bilong Sibiyia, Stanley Hondina i bin winim awod long kamap olsem namba wan gol kika we i gat 46 poin

bipo long ol narapela kika.

Tasol em i no bin stap long kisim ol awot bilong em we wanpela klab opisel i bin kisim long nem bilong em. Stanley i bin go pilai long lpatas kap salens long Lae wantaim ol Mendi Brothers tim.

Aninit long SP Brewer i husat i meja sponsa, dispela yia i pinisim namba wan yia bilong sponsasip we bai i stap inap long tripela yia olgeta 2004-2006, Albert Veratau, maketing menesa bilong SP Brewer i tok.

Em i tok olsem bai kampani i lukluk moa long kamapim gutpela wok bung wantaim ol eksekutiv bilong Pot Mosbi Ragbi Lig, ol klab, ol palaia na ol arapela sponsa long developim ragbi long Mosbi.

Olgeta manmeri i bin amamas long lukim ol pilai i kamap gut long yia we i nogat planti hevi i kamap long bagarapim ol pilai na ol manmeri yet. ol pilai i abusim mak ol eksekutiv i save mekim gutpela wok long panisim ol klab na palaia ananit long judisari komiti bilong ol.

Dispela pasin i strongim kompetisen na mekim ol palaia i pilai strong aninit long lo bilong pilai.

SP Brewer bai kamapim moa wei long helpim na strongim junia ragbi lig i develop wantaim helpim long ol eksekutiv bilong PRL.

Nau yet Lig i gat program bilong ol junia we ol bai wok bung wantaim Pot Mosbi Skulbois ragbi lig we olpela kumul palaia Ifisoe Segeyaro i wok long go pas long dispela kompetisen.

Mosbi skulbois lig i go insait long semi fainol

Andrew Molen i raitim

EITPELA tim insait long Pot Mosbi skulbois ragbi lig i kwalifai long pilai insait long meja semi fainol dispela wiken long anda-12, 14 na 16 divison.

Long dispela ol pilai bai ol i brukim bun long lukim husat tupela tim bai go insait long ol fainol.

Long anda-12 divison Tokarara Praimeri Skul na St Francis Praimeri Skul wantaim pilai strong we long fultaim i lukim tupela i i dro 14-14.

Long narapela pilai Morata Praimeri Skul i strong tumas long Pari Praimeri we ol i winim ol 26-20.

Long anda- 14 St Francis Praimeri i autim tiket bilong Tokarara Praimeri 13-10, Coronation abusim Boreboa Praimeri 16-12, Philip Aravure Praimeri surukim win bilong ol long nekum Pari 25-22 na Hohola Demonstration i soim Ward Strip Demonstration we bilong pilai wantaim 14-6 skoa.

Insait long anda- 16, Philip Aravure i strong yet long win bilong ol long Yarowari Hai Skul 24-18, Evadehana i ronowe long Holy Rosary Praimeri Skul 10-9 na long mein gem Ororo Praimeri i kam bek strong long seken hap long winim Badihagwa Hai Skul 12-10.

Badihagwa i gat strongpela pilai wantaim spit na gutpela ron long fowat tasol ol manki Ororo i strong tumas long win.

Bihain long wanpela ronowe trai i kam long senta bilong Badihagwa, Gabi Mea, Ororo i luk-save long strongim banis bilong ol we ol i go long hap taim wantaim dispela skoa.

Long seken hap ol senta bilong Ororo, Dominic Romis i skoa bilong tim bilong em na i no long taim ful bek Paul Eio i go skoa na dispela i putim ol 8-6 i go pas long Badihagwa.

Ororo i no pulim taim na fowat Brian Lareso i putim mak bilong em tu long kisim ol i go 12-6.

Badihagwa i lukim taim i laik pinis na ol i tromoi bal hariap bihain long ol i winim skram na Tau Ruma i skoa bilong ol tasol kik i krangki na ol i lus tasol long tu poin wantaim 12-10 skoa.

Na long narapela nius i luk olsem Pot Mosbi Ragbi Lig bai traim long wok bung wantaim Pot Mosbi Skulbois ragbi lig kompetisen long promotim ragbi lig kod namel long ol yangpela.

Dispela toksave i kam long Pot Mosbi Ragbi Lig presiden Solomon Ravu long presentesen nait bilong ol long las Sarere long Hideaway Hotel.

Moa yet i gat sapot bilong SP Brewer long Pot Mosbi Ragbi Lig na sapos olgeta samting i go orait i bilip olsem dispela bai kisim tu kompetisen bilong ol manki.

Nau long dispela taim planti manmeri i tukim ragbi lig kod i go daun bihain long i gat sampela hevi long mani na edmistresen.

Kantri i bin bungim hevi long mani na planti samting i bagarap we ragbi lig i wanpela bilong ol.

Haphap spot

Madang holim Provinsol Gems

LONG namba wan taim Madang provins i i kamapim bikpela Provinsol Gems bilong em, oganiasa Peter Angasa i tok.

Em i tok dispela ol pilai i stat aste na bai pinis long pinis long dispela Sande.

"Dispela em i namba wan taim ol distrik long Madang olsem Bogia, Madang, Midol Ramu, Raicoast, Sumkar na Upper Ramu bai kam bung na kamapim ol provinsol gem," Angasa i tok.

Ol tim bai kamap long ol pilai olsem soka, basketbol, volibol, etletik, dat na tas ragbi.

Opis bilong Komyuniti Developmen aninit long Madang Provinsol Gavman i givim K10,000 long redim ples long Laiwaden soka graun long holim dispela ol pilai

"Long taim mipela i wok long redim ol pilai mipela i askim tu ol bisnis haus long Madang sapos ol i inap helpim mipela mani o arapela samting long holid dispela ol pilai," Angasa i tok.

Em i tok i luk olsem moa long 1,000 spotmanmeri na ol opisa bai kamap long dispela ol pilai. Em i tok long dispela ol pilai provins bai makim ol gutpela palaia long makim provins long pilai long PNG Provinsol Gem we bai kamap long Lae o Goroka long 2005.

Dispela ol pilai i mas kamap long 2002 na 2003 tasol hevi bilong mani na olsem ol oganiasa i lusim i kam inap dispela taim.

Tasol long dispela taim tok i kamap olsem Madang Provinsol Gavman bai putim sampela mani long 2005 mani plen bilong em long kamapim na lukautim Madang Provinsol tim long kamap long 2005 PNG Provinsol Gems.

Ledi Kidu amamas long SP Brewer i

Ges spika na Minista bilong Sosel Welfea na Developmen Ladi Carol Kidu i tok amamas long ol sponsa long helpim bilong ol we long nau gavman i wok long painim hat long sapotim ol spot.

Em i tok insait long planti ol spots ol palaia i no save wok na tu planti em ol yut tu we pilai spot i save kamautim-gutpela pasin na talen long wanwan spot manmeri na wantaim kain sapot bilong yupela ol sponsa yupela i save bildim ol spot manmeri na long seim taim tu helpim long bildim dispela kantri bilong yumi.

Long presentesen olgeta divisen i bin gat awots tasol planti bilong ol winas wantaim ol palaia tu i no bin kamap long dispela presentesen.

Ol arapela winas long ol awots em; Francis Kominis long Defence klab (Bes na Faires awot) long A gret,

Long Risev gret; Kevau Igo (DCA) i winim top poin skora awot, Orea Kala (Magani) - top trai skora na Eddie Paskalis (Waliya) top gol kika.

Awot bilong refri husat i bin soim bikpela impruvmen long dispela yia i bin go long Joe Peregua na Kosa bilong dispela yia em Sailosi Druma kosa bilong primia klab PRK Souths i bin winim.

Waliya ragbi lig klab tu i bin winim awot bilong klab sempionsip.

Kaipit bai holim soka tonamen

KAIPIIT bai holim bikpela soka tonamen long dispela krismas.

Olgeta taim Kaipit i save holim dispela tonamen long bungim ol pipel bilong distrik wantaim.

Ol ogenaia i ting tonamen bilong dispela krismas bai i bikpela tru long wanem planti ol tim i soim laik na givim nem bilong ol long kamap long pilai.

Tasol olgea samting em ol ogenaia bai save bihain long ol tim i baim registresen fi bilong ol.

Na ol ogenaia i salim tok i go long 30pela soka tim long distrik long ol i mas baim fi bilong ol bipo long krismas taim.

Dispela i ken helpim ol long kamapim ol dro na save husat tru bai kamap.

Fi long wanwan tim i sanap olsem K300 na ol tim i mas pinis long baim registresen fi bilong ol long Novemba 30.


Ol tim i mas baim fi long Philip John long Tred Stua bilong em long Zumim.

Long kisim moa toksave lukim Philip John o Joe Buma.

Ol i askim tu sapot bilong ol bisnis haus long givim sampela sponsa.



Ricky Sibiyia (namel) wantaim tupela sapota bilong em.



WANTOK Spots



Yao, Bais na Kaupa i redi long bikpela ron

Paul Zuvani i raitim

PAPUA Niugini etlit Sapolai Yao na Chris Bais i kamapim sampela gutpela mak long ron long las Sarere long Brisbane long taim ol i redi long Osenia siris we bai kamap long Townsville na Cairns, Australia long narapela mun. Papua Niugini Etlek Union ekting presiden Tony Green i tok long Goroka olsem yangpela na man husat PNGAU i gat bilip i ken kamapim nem long midol distens ron Bais i bin winim Yao na Russel Hasu long 1500m resis las PNG sempionsip.

Tasol long las Sarere Yao i abrusim em taim tupela i ron long QE2 Stedum, Brisbane.

Green i tok as bilong Bais i no ron gut em long em i bihain len we i hot tasol long wankain taim em i amamas long maski Bais i painim hot em i pait hat gen na pinis gut long taim. Em i kamap long 4:06.7 minit na Yao i kamap long 4:06.4 minit.

Green i tok Yunion i bilip Bais i kamapim nupela junia rekod long 800m bipo long pinis bilong yia.

"1500m junia rekod i sanap olsem 4:05.8 minit we Ala Loi i kamapim long 1973 na 800m rekod i sanap olsem 1:57.4 minit we Thompson Harokave i kamapim," Green i tok.

Long dispela taim yangpela gred 12 sumatin, Maria Kaupa, husat i pinisim tasol eksam bilong em bai joinim tupela long Brisbane long ron long 400m.

"Maria i wok hat long dispela yia na i kamapim planti ol gutpela mak," Green i tok taim em save Kaupa bai lainim sampela gutpela samting long dispela taim em i ron long Brisbane.

Green i tok Kaupa i kamap namba foa ples wantaim 60.87 seken long 400m bihain tasol long em pundaun long Brisbane wanpela de bipo. Dispela i min olsem maski Kaupa i no redim em yet gut em i ron gut.

Tumoro tripela ya bai ron long Yuniversiti ov Queensland na long narapela wik Sarere bai ol i kamap long Osenia siris long Cairns.

Long narapela nius PNGAU kosa John Baining i kam bek long kantri bihain long tupela mun kosing trening bilong em long Yunivesiti ov Queensland.

Progrem bilong em em UOQ Etlek Dairekta na long taim man husat i bin stap long PNG, Tom Brand i kamap na PNG Silva Jubili Spot Progrem na PNG Olimpik Solidariti i sponsorim.

Long taim Baining i stap long dispela kos em i lainim planti samting long kamapim na lukautim ol spot. Na dispela Yunion i bilip i ken helpim em taim em i stap long OLSH Vunapope Hai Skul long Is Niu Britan na tu long Yunion yet.

Long Yunion Baining i save pas long wok bilong kosing ol sumatin, karimaut ol klinik, kamapim na ronim ol pilai,



John Baining (namel) wantaim tupela etlit long St Peters Lutheran Kolis, Australia. Poto: PNGAU

sanapim na brukim ol ekuipmen em Yunion i save yusim long ol pilai bilong em na long wei bilong bungim na toktok long ol pipel.

Green i tok PNGAU nau i yusim gut mani em PNG Silva Jubili Spot Progrem na Olimpik Solidariti i givim we em i salim i go long ovasis pinis tripela ol kosa na teknikal opisa long ol hai skul insait long Nesanel Kapitol Distrik. Wanpela em John Gitiri husat i stap faipela wik long Townsville we em i tren aninit long John Minehane. Minehane i wanpela biknem teknikal opisa long Osenia etletik.


Tasol long narapela nius Peter Badirega bilong Lae i stap long Adelaide, Australia we em i tren aninit long Hamman olsem kosa.

Badirega bihain long kosing kos bilong em Badirega bai kam long Cairns long 7 Disemba long kamap olsem opisa long Osenia Gron Pri Mit na bihain go bek long Townsville long Osenia sempionsip.

Green i tok i tru planti ol kosa i holim pepa bilong kosa, long kisim mak olsem Level Wan (1) kosing setifiket dispela i gat planti samting long lain na olsem ol sumatin i save traim long lainim long sotpela taim tasol.



Rot bilong lukautim
LEWA bilong yu



For all your Pamflets, Letterhead, Poster, Business Cards and Calendar designs
Including: Illustration, Cartoons & Translation work

Look no further than the WANTOK

We provide this service with speed and professionalism
Call Jada now for your free quote and proof!



Ph: 325 2500, Fax: 325 2579

Email: word@global.net.pg